

二十四史九通政典類要合編

元

第四冊

二十四史九通政典類要合編
元

二十四史九通政典類要合編卷二百五十一

元十五

運麻

一流星 星畫見 五星聚舍 客星 天鼓鳴 雜星變 隕星 虹霓 甘露 霖雨
雨變 風霾 風變 大雪 隕霜 木冰 電 雷震 諸氣 麻總敘 二十八
宿度 十二次宿度
日月行道 中星

成宗大德三年九月壬辰流星色赤尾長尺餘其光燭地起自河鼓沒於牽牛之西有聲如雷五年

十月辛卯夜有流星大如杯色赤尾長丈餘光燭地自北起近東徐徐而行分為二星前大後小相

離尺餘沒於危宿

續通考
象緯考

世祖至元十七年十一月十九日夜有大星隕於平章政事廉希憲正寢之旁久之方滅是夕希憲

卒

元史廉
希憲傳

至元三十一年十二月丙申有大星隕於東北庚子開府儀同三司太傅巴延卒

元史巴
延傳

武宗至大元年七月庚申流星起自勾陳南至於大角傍尾跡約三尺化為白氣聚於七公南行圓

若車輪微有銳經貫索滅

泰定帝泰定四年十月乙巳晝有流星致和元年五月庚辰流星如缶大光明燭地

以上續通
考象緯考

謹案王圻續通考載泰定四年十月有大星隕於碭嘉縣之虛初山為黑石狀如東瓜上有點如

星擊之鏘然有聲人不言舉之則動言則弗動土人以為怪積薪焚之雷雨交作乃止考雲南通

志虛初山今名黑初山豈以星化黑石而改耶

續通考象緯考按

順帝元統二年七月己酉夜流星如酒杯大色赤尾跡約長五尺餘光明燭地起自天津之側沒於離宮之南至元四年九月癸酉奔星如酒杯大色白起自右旗之下西南行沒於近濁至正十年十

一月冬至夜陝西耀州有星隕於西原光耀燭地聲如雷鳴者三化為石形如斧

一面如鐵一面如錫削之有屑擊之

有十一年正月丁卯闕陽縣有紅星大如斗自東南墜西北聲如雷光芒數十丈久之乃滅十六年

十月丁未大名路大名縣有星如火從東南流芒尾如曳雪墜入於地化為石青黑光瑩狀如狗頭

其斷處類新割者有司以進太史驗視云天狗也命藏於庫十一月癸亥流星如酒杯大色青白尾跡約長五尺餘光明燭地起

自西北東南行沒於近濁有聲如雷十七年閏九月癸卯有飛星如酒盃大色青白光明燭地尾跡

約長尺餘起自王良沒於勾陳之下十二月己亥申時流星如太白大尾跡約長三尺餘起自太陰

近東往南行沒後化為青白氣十九年正月癸丑流星如酒盃大色赤尾跡約長五尺餘起自南河

沒於騰蛇其星將沒迸散隨落處有聲如雷四月己丑建寧路臨寧縣有星墜於營山前其聲如雷

化為石十月辛巳流星如桃大色黃濁後離一尺又一小星相隨色赤尾跡通約長三尺餘起自危

宿之東緩緩東行沒於畢宿之西二十年閏五月乙亥流星如桃大色赤尾跡約長丈餘起房宿於

側緩緩西行沒於近濁二十二年九月己巳流星如酒杯大色青白光明燭地二十三年六月庚戌

益都臨胸縣龍山有星墜入於地

掘之深五尺得石如磚磚色土有星如銀破碎不完

七月乙酉有星墜於慶元路西北聲如

雷光芒數十丈久之乃滅二十四年六月甲辰河南府有大星夜見南方光如畫丁未大星隕照夜如畫及旦黑氣晦暗如夜二十五年五月辛酉流星如酒杯大色青白光明燭地起自房宿之側緩西行沒於太微垣右執法之下二十六年六月癸酉流星如酒杯大色青白尾跡約長尺餘起自心宿之側東南行光明燭地沒於近濁七月辛巳朔石州大星如斗自西南而落十一月己丑流星如酒杯大分爲三星聚相隨前星色青明後二星色赤尾跡約長二丈餘起自東北緩緩往西南行沒於近濁二十七年七月丁酉絳州星隕光耀如畫二十八年三月有星流於東北眾小星隨之其聲大震

續通考
象緯考

陶宗儀輟耕錄曰松江孫元璘言至正乙未七月六日夜自平江歸泊舟城西柵口地方掀篷露坐忽見一星大如杯碗色白而微青尾長四五尺光燄燭天晏然有聲由東北方飛入月中而止此時月如仰瓦正乘之無偏倚若人以手合置其中者松江自丙申二月十八日軍亂越三日苗來剋復首尾兩月之間焚殺擄掠十里之城悉化瓦礫之區視他郡尤可畏

續通考
象緯考

右流星

憲宗六年六月太白晝見

元史憲宗本紀

世祖至元二十四年十一月庚子太白晝見十二月丙寅亦如之二十六年七月戊子太白經天四十五日八月辛未歲星晝見三十一年四月戊申太白晝見八月庚辰復晝見九月丁巳經天

元史世祖

本紀

成宗元貞元年十月戊辰太白晝見十一月甲戌經天二年正月丙戌太白晝見大德元年六月乙未太白晝見十月戊午經天十一月戊子十二月甲辰皆如之二年十二月戊午太白經天三年正月乙巳太白經天六月壬申歲星晝見七年九月丙寅太白晝見十月丁亥經天十一月己未十二月丙戌並如之九年七月甲寅太白經天十月丙戌復如之十一月丙寅歲星晝見十二月壬申太白經天十年十二月壬寅太白晝見

元史成宗本紀

武宗至大元年十一月庚申太白晝見三年四月戊辰太白晝見十月甲辰經天四年十二月時仁宗己庚辰太白經天癸未壬辰並如之

元史武宗本紀

仁宗皇慶元年四月丙子太白晝見庚寅經天二年十月辛卯太白晝見乙未丙辰並如之丁巳經天八月戊午朔太白晝見延祐二年正月己未太白晝見二月戊子亦如之癸巳經天丙午亦如之五月庚午六月甲申太白晝見三年九月癸丑太白晝見丙寅經天六年十月庚午太白晝見

元史仁宗本紀

本紀

英宗至治元年六月辛酉太白經天十月甲辰亦如之三年五月戊戌太白經天

元史英宗本紀

泰定帝泰定元年十月乙亥太白經天三年七月戊辰太白經天至於十二月四年閏九月己巳太

白經天至於十二月致和元年二月壬戌太白晝見

元史泰定帝本紀

文宗天祿二年六月丁未太白晝見七月癸亥經天至順二年二月壬子太白晝見五月辛丑經天

六月丁未復晝見

元史文宗本紀

順帝元統元年正月癸酉太白晝見二月戊戌亦如之二年二月丁亥太白經天四月丁丑復如之

戊寅太白晝見辛巳壬午並如之七月己亥太白經天甲辰丙午並如之己酉太白晝見庚戌經天

癸丑甲寅亦如之八月丙辰朔經天丁巳戊午己未癸亥丙寅戊辰辛未壬申癸酉甲戌丁丑己卯

庚辰壬午及九月庚寅甲午乙未己亥壬寅並如之至元元年十月戊辰太白晝見十一月甲申丙

戌太白經天十二月甲子丙寅丁卯庚午壬申並如之癸酉歲星晝見乙亥太白歲星皆晝見戊寅

太白經天歲星晝見二年二月甲申太白經天五月丙辰丁巳太白晝見三年四月庚子五月戊申

戊午辛酉並如之六月庚午太白經天辛未甲戌己卯並如之壬午太白晝見己丑庚寅復如之七

月癸卯太白經天乙巳丙午復如之庚戌太白晝見甲寅經天辛酉太白晝見壬戌經天癸亥甲子

復如之十月庚午太白晝見丁亥庚寅辛卯丙申復如之十一月丁酉太白經天己亥丁巳戊午癸

亥甲子乙丑復如之四年十二月癸卯太白經天己酉庚戌辛亥丙辰並如之五年七月甲戌太白

經天乙亥丙子戊寅乙酉丙戌並如之八月戊子己丑庚寅辛卯戊戌己亥壬寅甲辰並如之九月

戊午己未並如之六年六月癸卯太白晝見己酉辛亥復如之七月甲寅丁巳壬戌癸亥乙丑丙寅

癸酉並如之至正元年正月甲戌乙亥丙子丁丑太白晝見二月己卯庚辰丙戌並如之二年五月

甲申太白經天七月丁酉太白晝見八月丙午復如之十年七月辛未太白晝見壬申丁丑壬午並如之八月癸未朔丁酉九月癸丑朔並如之十一年十月己丑十一月丁卯並太白晝見庚午歲星晝見十二月丙子朔太白晝見丁丑經天庚辰丙戌辛卯壬辰甲午並如之丁酉太白晝見九月壬辰天辛丑亦如之壬寅太白晝見十二年三月戊辰太白晝見十二年七月戊辰太白晝見九月壬辰太白經天十月庚子亦如之十五年閏正月丙辰五月癸丑六月癸亥並太白經天八月戊寅太白晝見九月乙丑庚寅亦如之十八年七月戊申太白晝見二十一年六月甲辰太白晝見二十二年二月戊戌庚子太白晝見五月壬午甲午六月壬戌七月乙酉丙戌辛卯八月己酉壬子己未並如之二十四年六月癸卯三星晝見白氣橫突其中九月乙丑太白晝見二十五年正月丁卯戊辰太白晝見二月辛丑汴梁路見日傍有一月一星二十六年七月甲辰丙午丁未戊申八月辛亥並太白晝見二十七年十一月戊寅太白晝見

元史順帝本紀

謹案順帝紀二十六年七月甲午丙午太白經天志無甲午紀無甲辰丁未戊申及八月辛亥惟

丙午則合今從志

續通考象緯考按

右星晝見

世祖十五年十一月辛亥太白熒惑填星聚於房二十八

元史

天文志

謹案太祖紀二十一年十一月丁丑五星聚見於西南志不載

續通考
考按

成宗大德二年二月辛酉歲星熒惑太白聚危五年三月己巳熒惑填星相合六年七月癸巳朔熒惑填星辰星聚井九年十一月庚戌歲星太白填星聚於亢

仁宗皇慶元年十二月甲申熒惑填星辰星聚井

英宗至治元年正月甲辰辰星太白熒惑填星聚於奎二月壬子太白熒惑填星聚於奎二年十二月乙丑太白歲星熒惑聚於室三年二月癸亥朔熒惑太白填星聚於胃

泰定帝泰定二年二月庚寅熒惑歲星填星聚於畢三年三月庚午填星太白歲星聚於井

順帝至正二年十一月辛卯歲星熒惑太白聚於尾十三年正月戊戌熒惑太白辰星聚於奎二十一年六月乙未熒惑歲星太白聚於翼二十四年七月癸亥太白與歲星相合於翼二星相去八寸餘二十五年七月丁丑填星歲星熒惑聚於角亢閏十月戊辰太白辰星熒惑聚於斗二十六年十一月丙申太白歲星辰星聚於尾二十七年十月丁卯歲星太白熒惑聚於斗

以上元史
天文志

右五星聚舍

世祖至元十年三月癸酉客星青白如粉絮起畢度五車北復自文昌貫斗杓懸梗河至左攝提凡二十一日

仁宗延祐二年十月丙子朔客星見太微垣十一月丙午客星變為彗犯紫微垣懸軫至壁十五宿

明年二月庚寅乃滅

以上續通
考象緯考

右客星

文宗至順三年八月乙巳天鼓鳴於東北

續通考
考象緯考

謹案五行志是年五月乙巳天鼓鳴於西北考文宗紀五月係己巳朔以甲子推之月內無乙巳

當卽八月之訛也

續通考象
緯考按

順帝至正十三年十二月庚戌懷慶路及河南府西北有聲如擊鼓者數四二十四年九月癸酉夜天西北有紅光至東而散二十七年正月乙未絳州夜聞天鼓鳴將旦復鳴其聲如空中戰鬪者

續通考

考象
緯考

右天鼓鳴

成宗大德元年八月丁巳妖星出奎九月辛酉朔妖星復犯奎

順帝至正十年六月壬子有星大如月入北斗聲震若雷三日復還十八年三月丁卯太白在井宿失行於北生芒角十二月戊寅太白生黑芒環繞太白乍東乍西乍動乍靜癸未復生黑芒忽明忽暗乍東乍西二十二年四月丁亥熒惑離太陽三十九度不見當出不出七月丙辰熒惑見西方須臾成白氣如長蛇光爛有文橫亘中天移時乃滅

以上續通
考象緯考

右雜星變

至正十年正月甲戌棗州白晝空中有聲自西北而來距州二十里隕於地化爲石其色黑微有金星散布其上有司以進遂藏之司天監十一月冬至夜陝西耀州有星墜於西原光耀燭地聲如雷鳴者三化爲石形如斧一面如鐵一面如錫削之有屑擊之有聲十六年冬十一月大名路大名縣有星如火自東南流尾如曳簷墜入於地化爲石青黑光瑩狀如狗頭其斷處類新割者有司以進太史驗視云天狗也命藏於庫十九年四月己丑建寧路甌寧縣有星墜於營山前其聲如雷化爲石二十三年六月庚戌益都臨朐縣龍山有星墜入於地掘之深五尺得石如磚褐色上有星如銀破碎不完

元史五行志

右隕星

至元四年八月丁丑京師白虹亘天至正二十二年京師有白氣如小索起危宿長五百丈掃太微二十四年六月癸卯冀寧路保德州三星晝見有白氣橫突其中二十六年三月丁亥白虹五道亘天其第三道貫日又氣橫貫東南良久乃滅二十七年五月大名路有白氣二道二十八年閏七月乙丑冀寧文水縣有白虹貫日自東北直趨西南雲影中似日非日如鏡者三色青白踰時方沒

元史

五行志

右虹霓

至正六年八月龍興進賢縣甘露降二十年十月國子學大成殿松柏樹有甘露降其上

元史五行志

右甘露

至元二年五月乙卯南陽鄧州大霖雨自是日至於六月甲申乃止三年六月衛輝路淫雨至正二年秋彰德路霖雨三年四月至七月汴梁路滎澤縣鈞州新鄭密縣霖雨書稼四年夏汴梁蘭陽縣許州長葛鄆城襄城睢州歸德府亳州之鹿邑濟寧之虞城淫雨書蠶麥禾皆不登八月益都霖雨饑民有相食者五年夏秋汴梁祥符尉氏洧州鄭州鈞州亳州久雨書稼二麥禾豆俱不登河間路淫雨妨害鹽課八年五月京師大霖雨都城崩圮鈞州新鄭縣淫雨書麥九年六月丁亥京師大雨七月高唐州大霖雨壞官署民居歸德府淫雨決十旬十年二月彰德路大雨書麥二十年七月益都高苑縣陝州電池縣大雨書稼二十三年七月懷慶路河內修武武陟三縣及孟州淫雨書稼二十四年九月太原河間河南等路霖雨書稼密州安丘縣大雨二十五年七月保定郡霸州二州淫雨書稼八月嘉祥魚臺金鄉三縣淫雨九月莫獻二州淫雨保定路淫雨密州安丘縣路州汴梁許州及鈞州之密縣淫雨書稼二十六年六月濟寧東平汴梁濟南順德真定平樂棣州霖雨書稼二十七年秋彰德路淫雨二十八年八月大名清河河南樂諸縣霖雨爲災九月河間郡淫雨至大四年七月河間順德大名彰德廣平等路德懷恩通等州及河東祈縣霖雨書稼皇慶元年隆興路新建縣兩書稼延祐四年四月遼陽益州雨水書稼六年七月霸州文成縣兩書稼三千餘頃至治元年江州贛州淫雨二年閏五月安豐路雨傷稼三年五月大名魏縣淫雨保定定興縣濟南無棣厭次

縣濟寧碭山縣河間齊東縣霖雨害稼泰定元年七月真定廣平順州十一郡雨傷稼元年八月汴
梁考城儀封濟南沾化利津等縣霖雨損禾稼

元史五
行志

右霖雨

至元五年二月信州雨土十一年十月衢州東北雨米如黍十一月建寧浦城縣雨黑子如裨實邵
武大雨震電雨黑黍如蘆稜信州雨黑黍鄱陽縣雨菽豆郡邑多有民皆取而食之

至元二十四年諸王薛徹都部雨土七晝夜沒死牛畜大德十年二月大同平地縣雨沙黑蠶斃牛
馬二千至治三年二月丙戌雨土致和元年三月壬申雨霾天祿二年三月丁亥雨土霾至順二年
三月丙戌雨土霾

元統二年六月彰德雨白毛俗呼云老君髯民謠曰天雨鼈事不齊至元三年三月彰德雨毛如綿
而綠俗呼云菩薩練民謠云天雨線民起怨中原地事必變六年七月延安路鄜州雨白毛如馬鬃
所屬邑亦如之至正十三年四月冀寧榆次縣雨白毛如馬鬃七月泉州路雨白絲十八年五月益
都雨白鼈十九年三月遵化路連日雨鼈二十五年五月甲子京師雨鼈長尺許如馬鬃二十七年
五月益都雨白鼈

至正二十五年六月戊申京師大雨有魚隨雨而落長尺許人取而食之

以上元史
五行志

右雨變

太宗五年癸巳十二月大風霾凡七晝夜至元二十年正月汴梁延津封丘二縣大風麥苗盡拔延祐七年八月延津縣大風晝晦桑隕者十八九至治元年三月大同路大風走沙土壅沒麥田一百餘頃三年三月衛輝路大風桑彫蠶死泰定三年七月寶坻房山二縣大風折木八月大都昌平等縣大風一晝夜壞民居九百餘家四年五月衛輝路輝州大風九日禾盡偃天祿三年二月昨城縣新鄉縣大風至正三年三月至四月忻州風霾晝晦二十六年四月乙丑奉元路黃霧四塞

元史五行志

右風霾

至正元年七月廣西雷州颶風大作湧潮水拔木害稼二年十月海州颶風作海水漲溺死人民十二年五月乙丑潯州颶風大作壞官舍民居屋瓦門扉皆飄揚七百之外十四年七月甲子潯州襄垣縣大風拔木偃禾二十一年正月癸酉石州大風拔木六畜皆鳴人持槍矛忽生火焰抹之即無搖之即有二十四年台州路黃巖州海溢颶風拔木禾盡偃二十七年三月庚子京師有大風起自西北飛砂揚礫昏塵蔽天逾時風勢八面俱至終夜不止如是者連日自後每日寅時風起萬竅爭鳴戍時方息至五月癸未乃止至治三年五月庚子柳林行宮大木風拔三千七百株

元史五行志

右風變

至正六年九月彰德雨雪結凍如琉璃九年三月溫州大雪十年春彰德大寒近清明節雨雪三尺民多凍餒而死十一年三月汴梁路鈞州大雷雨密縣平地雪深三尺餘二十七年三月彰德大

雪寒甚於冬民多凍死五月辛巳大同隕雪殺麥秋冀寧路徐溝介休二縣雨雪延祐元年三月東平般陽等郡泰安曹濮等州大雨雪三日泰定二年三月雲需府大雪民饑

元史五行志

右大雪

中統二年五月西京隕霜殺禾三年五月宣德咸寧等路隕霜八月河間平灤等路隕霜害稼四年四月武州隕霜殺麥禾至元二年八月太原隕霜七年四月檀州隕霜八年七月鞏昌會蘭等州霜殺稼十七年四月益都隕霜二十一年三月山東隕霜殺桑蠶盡死被災者三萬餘家二十七年七月大同平陽太原隕霜殺禾二十九年三月濟南般陽等郡及恩州屬縣霜殺桑元貞二年八月金復州隕霜殺禾大德五年三月湯陰縣霜殺麥六年八月大同太原霜殺禾七年五月商州霜殺麥四月霜殺麥八年三月濟陽灤城二縣霜殺桑八月隕霜殺稼九年三月河間益都般陽三郡屬縣隕霜殺桑清莫滄獻四州霜殺桑一百四十一萬七十餘本壞蠶一萬二千七百餘箔十年七月大同渾源縣霜殺禾八月綏德州米脂縣霜殺禾二百八十頃至大元年八月大同隕霜殺禾皇慶二年三月濟寧霜殺桑延祐元年三月東平般陽等郡泰安曹濮等州隕霜殺桑閏三月濟寧汴梁等路及隴州開州青城渭源諸縣霜殺桑無蠶七月冀寧隕霜殺稼四年夏六盤山隕霜殺稼五百餘頃五年五月雄州歸信縣隕霜六年三月奉元路同州隕霜七年八月益津縣雨黑霜至治二年七月冀寧曲陽縣大同路大同縣興和路咸寧縣隕霜八月袁州宜春縣隕霜害稼天祿三年二月京

師大霜晝至順元年丙七月奉元西和州寧夏應理州鳴沙州鞏昌靜寧邠會等州鳳翔麟遊大
同山陰晉寧路城隍川等縣隕霜害稼至正七年八月衛輝隕霜殺稼十三年秋邵武光澤縣隕霜
殺稼二十三年三月東平路須城東阿陽殺三縣隕霜殺桑廢蠶事八月鈞州密縣隕霜殺菽二十
七年十二月奉元路咸寧縣井水冰二十八日奉元隕霜殺菽

元史五行志

右隕霜

大德七年十一月辛酉木水至順二年十一月丁巳雨木水十二月癸亥雨木水至元五年十一月
癸酉瑞州路新昌州雨木水至明年二月壬寅水始解至正四年正月汴梁路鄭州尉民洧川河陰
三縣及龍興靖安縣雨木水十一月東平雨木水十二月九月壬午翼寧保德州雨木水十四年冬
龍興雨木水二十五年二月辛亥汴梁雨木水狀如樓閣人物冠帶鳥獸花卉百態具備羽幢珠葆
彌望不絕凡五日始解

元史五行志

右木冰

中統二年四月雨雹大如彈丸三年五月順天平陽真定河南等郡雨雹四年七月燕京昌平縣景
州蔚縣開平路興松雲三州雨雹害稼至元二年八月彰德大名南京河南濟南大原等郡雨雹四
年三月夏津縣大雨雹五年六月中山大雨雹六年七月西京大同縣雨雹七年五月河內縣大雨
雹十五年閏十一月海州贛榆縣雨雹傷稼十九年八月雨雹大如鷄卵二十年四月河南風雷雨

雹害稼五月安西路風雷雨雹八月真定元氏縣大風雹禾盡損二十二年七月冠州雨雹二十四
年九月大定金源高州武平興中等處雨雹二十五年三月靈璧虹縣雨雹如鷄卵害麥十二月靈
壽陽曲天成等縣雨雹二十六年夏平陽大同保定等郡大雨雹二十七年四月靈壽縣大風雹六
月棣州厭次濟陽二縣大風雹傷禾黍菽麥桑棗二十九年閏六月遼陽瀋州廣寧開元等路雨雹
三十一年四月卽墨縣雨雹八月德州德安縣大風雨雹元貞元年五月鞏昌金州會州西河州雨
雹大無麥禾七月隆興路雨雹元貞二年五月河中猗氏縣雨雹六月隆興咸寧縣順德邢臺縣太
原交河離石壽陽等縣雨雹八月懷孟武陟縣雨雹大德元年六月太原崞州雨雹害稼二年二月
檀州雨雹八月彰德安陽縣雨雹四年三月宣州涇縣台州臨海縣風雹八年五月大寧路建州蔚
州靈仙縣雨雹太原大同隆興屬縣陽曲天成懷安白登風雹害稼八月管州嵐州交城陽曲懷仁
等縣雨雹九年六月晉寧冀寧宣德隆興大同等郡大雨雹害稼十年四月鄭州管城縣風雹大如
鷄卵積厚五寸五月大雨雹七月宣德縣雨雹十一年五月建州雨雹至大元年四月般陽新城縣
濟南厭次縣益都高苑縣風雹五月管城縣大雹深一尺無麥禾八月大寧縣雨雹害稼斃畜牧二
年三月濟陰定陶等縣雨雹六月崞州源州金城縣雨雹延安神禾縣大雹一百餘里擊死人畜三
年四月靈壽平陰等縣雨雹四年四月南陽雨雹閏七月宣寧路雨雹皇慶元年四月大名滹州彰
德安陽縣河南孟津縣雨雹六月開元路風雹害稼二年七月冀寧平定州雨雹景州阜城縣風雹

八月大同懷仁縣雨雹延祐元年五月膚施縣大風雹損稼并傷人畜六月宣平仁壽白登等縣雨雹二年五月大同宣德等郡雷雹害稼三年五月薊州雹深一尺五年四月鳳翔府雹傷麥禾六年六月大同縣雨雹大如鷄卵七月鞏昌隴西縣雹害稼七年八月大同路雷風雨雹至治元年六月武州雨雹害稼永平路大雹深一尺害稼七月真定順德等郡雨雹二年四月涇州涇川縣雨雹六月思州大風雨雹三年五月大風雨雹拔柳林行宮大木泰定元年五月冀寧陽曲縣雨雹傷稼思州龍泉平雨雹傷麥六月順元太平軍定西州雨雹七月龍慶路雨雹大如鷄卵平地深三尺餘八月大同白登縣雨雹二年四月奉元白水縣雨雹五月洮州路可當縣臨洮府狄邑縣雨雹六月興州鄜州靜寧州及成紀通渭白水膚施安塞等縣雨雹七月檀州雨雹三年六月鞏昌路大雨雹中山府安喜縣乾州永壽縣雨雹七月房山寶坻玉田永平等縣大風雹折木傷稼八月龍慶路雨雹一尺大風損稼四年七月彰德湯陰縣冀寧定襄縣大同武應二州雨雹害稼致和元年四月濬州涇州大雹傷麥禾五月冀寧陽曲縣威州井陘縣雨雹六月涇川湯陰等縣大雨雹大寧永平屬縣雨雹天祿二年七月大寧惠州雨雹八月冀寧陽曲縣大雹如鷄卵害稼三年七月順州東安州及平棘肥鄉曲陽行唐等縣風雹害稼開元路雨雹至順二年十二月冀寧清源縣雨雹三年五月甘肅州雨雹元統元年三月戊子紹興蕭山縣大風雨雹拔木仆屋殺麻麥斃傷人民二年二月甲子塞北東涼亭雨雹至元元年七月西和州徽州雨雹二年八月甲戌朔高郵寶應縣大雨雹是時淮浙皆

旱唯本縣瀕河田禾可刈悉爲雹所害凡田之旱者無一雹及之至元四年四月癸巳清州八里塘
雨雹大過於拳其狀有如龜者有如小兒形者有如獅象者有如環玦者或捕如卵或圓如彈玲瓏
有礙色白而堅長老云大者固常見之未有奇狀若是也至正二年五月東平路東阿縣雨雹大者
如馬首三年六月東平陽穀縣雨雹六年二月辛未興國路雨雹大如馬首小者如鷄子斃禽畜甚
眾五月辛卯絳州雨雹大者二尺餘八年四月庚辰鈞州密縣雨雹大如鷄子傷麥禾龍興奉新縣
大雨雹傷禾折木八月己卯益都臨淄縣雨雹大如盃孟野無青草赤地如緒九年二月龍興大雨
雹十年五月汾州平遙縣雨雹十一年四月乙巳彭德雨雹大者如斧時麥熟將刈頃刻亡失田疇
堅如築場無稽粒遺留者地廣三十里長百有餘里樹木皆如斧所劈傷行人斃禽畜甚眾五月癸
丑文水縣雨雹十三年四月益都高苑縣雨雹傷麥禾及桑十四年六月蘄州雨雹十七年四月濟
南大風雨雹十九年四月莒州蒙陰縣雨雹五月通州及益都臨朐縣雨雹害稼二十年五月蘄州
遵化縣雨雹終日二十一年五月東平雨雹害稼二十二年八月南雄雨雹如桃李實二十三年五
月鄆州宜君縣雨雹大如鷄子損豆麥七月京師及隰州永和縣大雨雹害稼二十五年五月東昌
聊城縣雨雹大如拳小者如鷄子二麥不登二十六年六月汾州平遙縣雨雹二十七年二月乙丑
永州城中晝晦鷄棲于時人舉燈而食既而大雨雹逾時方明五月益都大雷雨雹七月冀寧徐溝
縣大風雨雹拔木害稼二十八年六月慶陽府雨雹大如孟小者如彈丸平地厚尺餘殺苗稼斃禽

獸元史五
行志

右雹

至正三年秋興國路永興縣雷擊死糧房貼書尹章于縣治時方大旱有朱書在其背云有旱卻言無旱無災卻道有災未庸殲厥渠魁且擊庭前小吏七年五月庚戌台州路黃巖州海濱無雲而雷冬衛輝路天鼓鳴十年六月戊申廣西臨桂縣無雲而雷震死邑民廖廣達十二月庚子汾州孝義縣雷雨十一年十二月台州大雨震電十二年三月丙午寧國路無雲而雷十三年十二月庚戌京師無雲而雷少頃有火墜于東南懷慶路河內縣及河南府天鼓鳴于西北是日懷慶之修武路州之襄垣縣皆無雲而雷聲震天地是月汾州雷雨十四年十二月孝義縣雷雨十九年十二月台州大雷電二十一年十一月戊申溫州樂清縣雷二十七年乙未夜晉寧路絳州天鼓鳴空中如聞戰鬪之聲十月奉元路雷電是月丙辰福州雷雨地震二十八年二月癸卯京師武器庫災己巳陝西有飛火自華山下流入張良弼營中焚兵庫器仗六月甲寅大都大聖壽萬安寺災是日未時雷雨中有火自空而下其殿脊東鰲魚口火焰出佛身上亦火起帝聞之泣下亟命百官救護唯東西二影堂神主及寶玩器物得免餘皆焚燬此寺舊名白塔自世祖以來爲百官習儀之所其殿陞闕楹一如內庭之制成宗時置世祖影堂於殿之西裕宗影堂于殿之東月遣大臣致祭

元史五
行志

右雷震

元統二年正月辛未御帳殿受朝賀是夜東北有赤氣照人大如席是月庚戌朔河南省雨血是日
眾官晨集忽聞燔柴烟氣旣而黑霧四塞咫尺不辨腥穢逼人逾時方息及行禮畢日過午驟雨隨
至霑颯聖燭及裳衣皆赤至元四年四月辛未京師雨紅沙晝晦至正五年四月鎮江丹陽縣雨紅
霧草木葉及行人裳衣皆滿成紅色十三年三月丙戌彰德路西南有火自天而下如在城外竟之
無有十二月庚戌潞州襄垣縣有火墜於東南十四年衛輝路有天光見於西方十二月辛卯絳州
有紅氣起自北方蔽天幾半移時方散十五年春薊州雨血十八年三月辛丑夜大同路有黑氣蔽
於西方聲如雷然俄頃有雲如火交射中天遍地俱見火光以物觸地輒有火起至夜半空中如有
兵戈相擊之聲二十一年七月己巳冀寧路忻州西北有赤氣蔽空如血逾時方散八月壬午棗州
夜半有赤風亘天起西北至於東北癸未彰德西北夜有紅氣亘天至明方息乙酉大同路北方夜
有赤氣蔽天直過天庭自東而西移時方散如是者二十月癸巳昧爽絳州有紅氣見於北方如火
二十三年三月壬戌大同路夜有赤氣亘天中侵北斗六月丁巳絳州日暮有紅光見於北方如火
中有黑氣相雜又有白虹二直衝北斗逾時方散庚申晉寧路北方日暮天赤中有白氣如虹者三
一貫北斗一貫北極一貫天橫至夜分方滅八月丙辰忻州東北夜有赤氣亘天中有白色如蛇形
徐徐而行逾時方散十月丙申朔大名路向青齊一方有赤氣照耀千里二十四年九月癸酉冀寧
平晉縣西北方至夜天紅半壁有頃從東而散二十八年六月壬寅彰德路天盪寺塔忽變紅色自

頂至踵表裏透徹如燬鐵初出於爐頂上有光焰迸發自二更至五更乃止癸卯甲辰亦如之先是河北有童謠云塔兒黑北人作主南人客塔兒紅朱衣人作主人公七月癸酉京師赤氣滿天如火照人自寅至辰氣焰方息

元史五行志

右諸氣

夫明時治曆自黃帝堯舜與三代之盛王莫不重之其文備見於傳記矣雖去古既遠其法不詳然原其要不過隨時考驗以合於天而已漢劉歆作三統曆始立積年日法以爲推步之準後世因之曆唐而宋其更元改法者凡數十家豈故相爲乖異哉蓋天有不齊之運而曆爲一定之法所以既久而不能不差既差則不可不改也元初承用金大明曆庚辰歲太宗西征五月望月蝕不効二月五月朔微月見於西南中書令耶律楚材以大明曆後天乃損節氣之分減周天之秒去交終之率治月轉之餘課兩曜之後先調五行之出沒以正大明曆之失且以中元庚午歲國兵南伐而天下略定推上元庚子歲天正十一月壬戌朔子正冬至日月合璧五星聯珠同會虛宿六度以應太祖受命之符又以西域中原地里殊遠創爲里差以增損之雖東西萬里不復差忒遂題其名曰西征庚午元曆表上之然不果頒用至元四年西域札馬魯丁撰進萬年曆世祖稍頒行之十二年平宋遂詔前中書左丞許衡太子贊善王恂都水少監郭守敬改治新曆衡等以爲金雖改曆止以宋紀元曆微加增益實未嘗測驗於天乃與南北日官陳鼎臣鄧元麟毛鵬翼劉巨淵王素岳鉉高敬等

參改累代厯法復測候日月星辰消息運行之變參別同異酌取中數以爲厯本十七年冬至厯成
詔賜名曰授時厯十八年頒行天下二十年詔太子諭德李謙爲厯議發明新厯順天求合之微攷
證前代人爲附會之失誠可以貽之永久自古及今其推驗之精蓋未有出於此者也今衝恂守敬
等所撰厯經及謙厯議故存皆可攷據惟萬年厯不復傳而庚午元厯雖未嘗頒用其爲書猶在元史

右厯總敘

厯志曰列宿著於天爲舍一十有八爲度三百六十五有奇非日躔無以校其度非列舍無以紀其
度周天之度因二者以得之天體渾圓當二極南北之中絡以赤道日月五星之行常出入於此天
左旋日月五星邈而右轉昔人厯象日月星辰謂此也然列舍相距度數累代所測不同非微有動
移則前人所測或有未密古用闕管今新製渾儀測用二綫所測度數分秒與前代不同者今列於
左

漢洛下閎所測

唐一行所測

宋皇祐所測

元豐所測

崇寧所測

至元所測

角十二度

十二度一十分

亢九度

九度少

九度二十分

氏十五度

十六度

十六度三十分

房五度

六度

五度六

五度六十分

心五度

六度

六度少

六度五十分

尾十八度

十九度

十九度少

十九度二十分

箕十一度

十度

十一度

十度半

十度四十分

東方七十五度

七十七度

七十九度

七十八度

七十九度二十分

斗二十六度

二十五度

二十五度二十分

牛八度

七度

七度少

七度三十分

女十二度

十一度

十一度少

十一度三十五分

虛十度

十度少强

九度少强

八度九十五分

危十七度

十六度

十五度半

十五度四十分

室十六度

十七度

十七度一十分

壁九度

八度太

八度六十分

北方九十八度

九十八度三十五分

九十五度三十五分

九十四度三十五分

九十四度七十五分

九十三度八十分太

奎十六度

十六度半

十六度六十分

瓊十二度

十一度八十分

胃十四度

十五度

十五度六十分

昂十一度

十一度少

十一度三十分

畢十六度

十七度

十八度

十七度

十七度少

十七度四十分

觜二度

一度

半度

五分

參九度

十度

十度半

十一度一十分

西方八十度

八十一度

八十三度

八十二度

八十三度

八十三度八十五分

井三十三度

三十四度

三十三度少

三十三度三十分

鬼四度

三度

二度

二度半

二度二十分

柳十五度

十四度

十三度太

十三度三十分

星七度

六度太

六度三十分

張十八度

十七度

十七度少

十七度二十五分

翼十八度

十九度

十八度太

十八度七十五分

軫十七度

十七度三十分

南方一百二十二度

一百一十度

一百一十度

一百一十度

一百九度五五分

一百八度五分

謹按二十八宿距度古測皆以赤道爲定前漢未有黃道宿度後漢雖有黃道宿度而未知有歲

差無論已隋以後知有歲差而宿距猶以赤道爲定蓋以恆星爲不動而節氣西移則赤道宿度應古今皆同而黃道宿度應歲有增減故惟測定赤道度而黃道度則以比例求之隋志云赤道常定紘帶天中儀極攸準是也至於赤道宿度古今不同則自唐迄元皆未能知其故由今考之恆星循黃道東行其東行之度各宿皆相等則各宿之相距亦宜恆相等若赤道與黃道斜交其歲差之度各宿皆不同則各宿之相距自亦古今不同宋史云赤道古今不移星舍其無盈縮元史云列宿相距度數古今所測不同非微有動移則前人所測或有未密是皆未知赤道宿度之本應古今不同也蓋天體至大其行至速而其度有常其中微渺之差必積久而始著故自唐虞至晉始覺歲之有差覺有差矣而歲之差而西卽天之差而東日之節氣屬歲星之次舍屬天則差之在歲與在天已難辨且天帶赤道左旋日星雖循黃道右旋而亦隨天西轉則差之由黃道與由赤道更難知矣宋史云自漢太初後至唐開元初八百年間悉無更易今雖測驗與古不同亦歲月未久新法兩備其數誠知其難矣至以赤道度求黃道度用比例率其術甚疎則其黃道宿度尤不足據宋史云天度不齊古人特持其大綱後世漸極於精密理固然亦勢使然也西法合古今之測候始之恆星循黃道東行故宿距專以黃道爲定黃道宿度既定每年遞加歲差五十一秒卽得逐年黃道宿度各宿之歲差皆同則各宿之相距亦同至以黃道度求赤道度用弧線三角法推算視古爲精而各宿所差不等則各宿之相距亦自古今不等也

續通考象緯考按

右二十八宿度

麻志曰黃道十二次宿度危十二度六十四分九十一秒入觀嘗之次辰在亥 奎一度七十三分六十二秒入降婁之次辰在戌 胃二度七十四分五十六秒入大梁之次辰在酉 畢六度八十八分五秒入實沈之次辰在申 井八度三十四分九十四秒入鶉首之次辰在未 柳二度八十六分八十分入鶉火之次辰在午 張十五度二十六分六秒入鶉尾之次辰在巳 軫十度七分九十七秒入壽星之次辰在辰 氏一度一十四分五十二秒入大火之次辰在卯 尾三度一分一十五秒入析木之次辰在寅 斗二度七十分八十五秒入星紀之次辰在丑 女二度六分三十八秒入元枵之次辰在子

續通考象緯考

謹按星紀至析木十二宮名皆以二十八宿取義是宮本因星而定者也西法以太陽中氣過宮而恆星歲差有東行之度於是星行遞進宮次遞遷以致名義不符論者以爲變古法之大端紛紛如聚訟焉由今之考爾雅壽星角亢等名與北極北辰並列蓋皆所以釋星名與太陽節氣過宮無涉也前漢志云星紀初斗十二度大雪中牽牛初冬至蓋宮次固以星名而初中非有定度當其時大雪日躔斗十二度冬至日躔牛初度故即命斗十二度爲星紀初牛初度爲星紀中耳後漢志注月令章句云周天分爲十二次日至其初爲節至其中爲中氣自斗六度至須女二度謂之星紀之次大雪冬至居之則是後漢之時星已差東六度矣唐志日度議云古麻日有常度

天周爲歲終故係星度於節氣其說似是而非故久而益差虞喜覺之使天爲天歲爲歲宋自云自漢太初至今已差一氣有餘大約中氣前後乃得本月宮次又云說者不知歲差之法以堯典校之月令逮於今日已不啻差一次求其說而不得遂以節氣有初中之殊失之遠矣由是觀之自漢至宋已差一氣有餘而自堯時至漢又不止差一氣則是星紀初大雪中冬至云者乃前漢時之適然而前古與後今皆不得合者也後漢差度無幾故減星度以就宮唐以後差度漸遠節氣與星次皆不得合故以天自爲天歲自爲歲然日有盈縮而節氣用平分星行黃道而紀宮以赤道則歲與天猶非其真元授時黃道十二次皆比前漢少數度其度不均明大統因之而弘治間日躔過宮乃在中氣後二日至十二日不等蓋自行有盈縮黃道有斜正故交宮之日度多寡不同若積之又久則交宮將過次月節而交宮之宿度又不可用則其黃道十二次亦未可爲定率也西法之興始於多祿某於中國爲漢順帝時其中氣過宮亦與漢之節氣過宮正等蓋當其時交宮已近中氣故又移中氣之星度以就宮而分至爲黃赤起算之端則以中氣過宮尤爲整齊簡要但當時中氣所差之度未及一宿而至今則所差之宿已過一宮故論者每致辯於名義之不符然欲不以中氣過宮而仍係宮於星則又有不可者蓋古法惟有宿度故交節與過宮兩不相妨今法有經度又有宿度宮可以不係於宿而經度不可不係於宮此其立法之不同而不可以強合者也今按天有九重宗動天以赤極爲樞挈恆星以內八重天左旋一日一周恆星

以內八重天又同以黃極爲樞而各有右旋之度節氣過宮太陽天也列宿歲差恆星天也日與恆星既各居一重天則日天與恆星天宜各有十二次合之則名義不符分之則日星各正然則太陽冬至宜直曰入丑宮或曰初宮不必曰星紀之次大寒宜直曰入子宮或曰一宮不必曰元枵之次十二氣莫不皆然則節氣在太陽天有常度而不紊於恆星是乃歲自爲歲也其歲差之度不曰恆星東行而曰恆星天右旋蓋以恆星爲東行故宮有定而星無定且星惟當黃道者其東行爲大圈若在黃道南北者其東行則皆距等圈凡日月星在天之行皆係大圈無有行距等圈之理隋天文志葛洪云苟辰宿不屬於天天爲無用便可言無何必復曰有之而不動今日恆星天右旋則天行爲大圈星與宮在恆星天皆有常位而不紊於節氣是乃天自爲天也至於列宿之在天前漢以斗十二度起星紀初最爲近古後漢志從正月起噉管晉志從角亢起星不如從冬至起星紀與古今皆合其宿分亦適均惟以今之實測黃道宿度均布於十二宮而以今之厓元冬至日躔不及斗十二度之差爲星紀初距冬至之應與日躔宮度相減再減厓元後之歲差即日天當恆星天之度也如此則日躔猶是宿度亦猶是而前古後今皆合論定者當有所折衷矣

續通考象緯考按

右十二次宿度

厓志曰當二極南北之中橫絡天體以紀宿度者赤道也出入赤道爲日行之軌者黃道也赤道與黃道交貫月行之所由也古人隨方立名分爲八行與黃道而九其實一也惟其隨交遷徙變動不

居故強以方色名之月道出入日道兩相交值當朔則日爲月所掩當望則月爲日所衝故皆有食然涉交有遠近食分有淺深皆可以數推之日道距赤道之遠爲度二十有四月道出入日道不踰六度其距赤道也遠不過三十度近不下十八度出黃道外爲陽入黃道內爲陰陰陽一周分爲四象月當黃道爲正交出黃道外六度爲半交復當黃道爲中交入黃道內六度爲半交四象周麻是謂一交之終以日計之得二十七日二十一刻二十二分二十四秒每一交退天一度二百分度之九十三凡二百四十九交退天一周有奇終而復始

續通考
象緯考

謹按尙書洪範云日月之行則有冬有夏蔡傳本於漢志其言日行四時所至亦據漢書而言後此則宿度漸差然其爲有冬有夏則一也至於月行有冬夏則周禮致月周髀七衡之說義甚簡明漢志轉與經義相遠周禮曰馮相氏冬夏致日春秋致月鄭氏註日冬至日在牽牛景丈三尺夏至日在東井景尺五寸此長短之極賈公彥疏日春分日在蠶月上弦於東井望於角下弦於牽牛秋分日在角月上弦於牽牛望於婁下弦於東井周髀曰凡爲日月運行之圖周七衡周而六聞以當六月節日夏至在東井極內衡冬至在牽牛極外衡故日二百六十五日四分日之一歲一外極一內極三十日十六分日之七月一外極一內極蓋黃道與赤道斜交出入赤道南北二十四度今測爲二
十三度半日行黃道一歲一周天春秋分正當赤道夏至入赤道北冬至出赤道南故日行一歲之間有冬有夏周禮言冬夏致日周髀言日一歲一內極一外極皆一義也七衡六

閒云者內一衡爲夏至之日道次二衡爲小滿大暑之日道次三衡爲穀雨處暑之日道次四衡爲春分秋分之日道次五衡爲雨水霜降之日道次六衡爲大寒小雪之日道次七外衡爲冬至之日道即隨天西轉之日軌也月道與日道斜交出入黃道南北六度今測爲五度半兩交正當黃道出黃道南爲陽厯爲正交入黃道北爲陰厯爲中交距交一象限去黃道六度爲半交月行二十七日有奇而交一終每交退天一度半弱十八年有奇而退天一周朔當交則日食望當交則月食日行一歲惟兩次值交而月行一月必與日一會如朔在春分交在二至則月上弦行夏至道下弦行夏至道此月行冬極外衡夏極內弦行冬至道朔在秋分交在二至則月上弦行冬至道下弦行夏至道此月行冬極外衡夏極內衡之正軌也又如朔在春分入陽厯望在秋分入陰厯則月上弦行夏至南六度下弦行冬至北六度朔在秋分入陰厯望在春分入陽厯則月上弦行冬至北六度下弦行夏至南六度則此月行冬不及外衡夏不及內衡之極致也又如朔在春分入陰厯望在秋分入陽厯則月上弦行夏至北六度下弦行冬至南六度朔在秋分入陽厯望在春分入陰厯則月上弦行冬至南六度下弦行夏至北六度此月行冬過外衡夏過內衡之極致也然月行雖有過不及之殊而其爲有冬夏則一每月亦皆有冬夏但不能皆在午中故月行一月之閒有冬有夏與日行一歲同而惟春秋得以兩見周禮言春秋致月周髀言月一月一內極一外極亦一義也洪範傳云月有九行若以過內衡外衡而西則內衡之北外衡之南各有一道並七衡而爲九即隨天西轉之月軌也前

漢天文志云黑道二出黃道北赤道二出黃道南

此赤道非天之赤道
唐宋志別名曰朱道

白道二出黃道西青道二

出黃道東立春春分東從青道立秋秋分西從白道立冬冬至北從黑道立夏夏至南從赤道一

似一歲始行交一終又似一歲已遍閱九道讀者多不可曉今以唐宋志考之月道以朔交爲交

初皇交爲交中入黃道內爲陰出黃道外爲陽

內即北外即南因月道
有方色故以內外別之

交初在冬至入陰則月行

青道入陽則月行白道蓋冬至之朔日月同在北方之宿自北而西入黃道內則必在黃道東故

爲青道出黃道外則必在黃道西故曰白道凡月行一道必匝天一周交初在冬至之宿交中必

在夏至之宿而交初後半交則在春分之宿交中後半交則在秋分之宿以其出黃道東而爲青

道故專舉春分之宿而言其實一周皆青道也以其出黃道西而爲白道故專舉秋分之宿而言

其實一周皆白道也八行皆倣此例至於合宿雖每年一周天而月道之交每年僅退天二十度

弱月行二十七日有奇而交一終每年行十三交有奇每交退天一度半弱每年約退天二十度弱

計四年半有奇交行退天九十度而月道始

移一方

自立春之宿出黃道東南爲青道行四十五度至春分之宿出黃道正東仍爲青道行故
四十五度至立夏之宿始爲朱道倣至四年半交行退天九十度而月道始移一方也

率以四年半行二青道四年半行二朱道四年半行二白道四年半行二黑道計十八年有奇而

九道一周然則青朱白黑時以方色而名春夏秋冬亦各隨方而舉究之九道實一道耳是故唐

宋以來以九道爲月道之總名而推算之法則一元授時則直以月道爲白道明大統及西法皆

與授時同以推月行經緯悉無遺失至於測月軌之高下則必兼論黃道與周禮周髀相合後漢

志云九道術久廢永元中復命史官以九道法候弦望驗無有差亦與周禮鄭註近似馬端臨考
載沈括云月行有遲有速難可以一術御故分爲數段每段以一色名之以別算位而已天官家
不知其意遂以爲實有九道甚可嗤也雖未能明言其故而已心議其非豈史志九道皆失洪範
本義而周禮周髀獨存古遺法歟故具詳其說以備參考

續通考象
緯考按

右日月行道

厓志曰以堯典中星考之其時冬至日在女虛之交及考之前史漢元和二年冬至日在斗二十一
度晉太元九年退在斗十七度宋元嘉十年在斗十四度末梁大同十年在斗十二度隋開皇十八
年猶在斗十二度唐開元十二年在斗九度半今退在箕十度取其距今之年距今之度校之多者
七十餘年少者不下五十年輒差一度宋慶元間改統天厓取大衍歲差率八十二年及開元所距
之差五十五年折取其中得六十七年爲日卻行一度之差施之今日質諸天道實爲密近

續通考
象緯考

右中星

中

五十五平

十餘年

六十二

六十八

七十四

八十二

九十二

一百零二

一百一十二

一百二十二

二十四史九通政典類要合編卷二百五十二

元十六

兵上

兵制 禁衛軍 國宿軍 儀仗軍 扈從軍 看守軍 巡邏軍 鎮邊軍

元之有國肇基朔漢雖其兵制簡略然自太祖太宗滅夏剪金寔蠶風飛奄有中土兵力可謂雄勁者矣世祖卽位盡取南宋之地天下遂定于一豈非盛哉考之國初典兵之官視兵數多寡爲爵秩崇卑長萬夫者爲萬戶千夫者爲千戶百夫者爲百戶世祖時頗修官制內立五衛以總宿衛諸軍衛設親軍都指揮使外則萬戶之下置總管千戶之下置總把百戶之下置彈壓立樞密院以總之遇方面有警則置行樞密院事已則廢而移都鎮撫司屬行省萬戶千戶百戶分上中下萬戶佩金虎符符跋爲伏虎形首爲明珠而有三珠二珠一珠之別千戶金符百戶銀符萬戶千戶死陣者子孫襲爵死病則降一等總把百戶老死萬戶遷他官皆不得襲是法尋廢後無大小皆世其官獨以罪去者則否

元史 兵志

初有蒙古軍特默齊軍蒙古軍皆國人特默齊軍則諸部族也男子年十五以上七十以下盡僉爲兵十人爲一牌設牌頭上馬則備戰鬪下馬則屯聚牧養孩幼稍長又籍之曰漸丁軍旣平中原發民爲卒是爲漢軍限年二十以上者充其繼得宋兵號新附軍又有遼東之紅軍契丹軍女直軍雲南之寸白軍福建之番軍則皆不出戍他方者蓋鄉兵也又有以技名者曰炮軍弩軍水手軍應募

而集者曰達爾罕軍

續通典兵典

太宗元年十一月詔兄弟諸王諸子并眾官人等所屬去處僉軍事

元史兵志

每一牌子僉軍一名限年二十以上三十以下者充仍定立千戶百戶牌子頭其隱匿不實及知情

不首并隱藏逃役軍人者皆死

續通考兵考

六年萬戶史天澤請以中戶爲軍上下戶爲民著爲定籍

續通考兵考

謹按傳言太宗卽位議立三萬戶分統漢兵天澤適入覲命爲真定河間大名東平濟南五路萬

戶又言滅金後天澤還真定時政煩賦重民多貨負天澤旣爲設處代償又請以中戶爲軍上下

戶爲民著爲定籍境內以鹽據此則中戶爲軍之制疑止統天澤所轄真定等五路言之未必盡

行於他路也

續通考兵考按語

七年七月僉宣德西京平陽太原陝西五路人匠充軍命各處管匠頭目除織匠及和林建宮殿一

切合千人等外更有回回河西漢兒匠人并札魯花赤及札也種田人等通驗丁數每二十人出軍

一名

八年七月詔燕京路保州等處每二十戶僉軍一名令答不葉兒統領出軍真定河間邢州大名太

原等路除先僉軍人外於斷事官忽都虎新籍民戶三十七萬二千九百七十二人數內每二十丁

起軍一名亦令屬答不葉兒領之

十三年八月諭總管萬戶劉黑馬據斜烈奏忽都虎等元籍諸路民戶一百萬四千六百五十六戶除逃戶外有七十二萬三千九百一十戶隨路總僉軍一十萬五千四百七十一名點數過九萬七千五百七十五人餘因近年蝗旱民力艱難往往在逃有旨今後止驗見在民戶僉軍仍命逃戶復業者免三年軍役

世祖中統元年六月詔罷解鹽司軍一百人

以上元史兵志

初解鹽司元籍一千鹽戶內每十戶出軍一人後阿勒達爾倍其役帝以重困其民罷之

續通典兵典

三年正月命匠戶爲軍者仍爲軍其軍官當考第富貧存恤無力者

續兵考

三月詔真定彰德邢州洺磁東平大名平陽太原衛輝懷孟等路各處有舊屬按札兒孛羅笑乃駱闊闊不花不里合拔都兒等官所管探馬赤軍人乙卯歲籍爲民戶亦有僉充軍者若壬寅甲寅兩次僉定軍已入籍冊者令隨各萬戶依舊出征其或未嘗爲軍及蒙古漢人民戶內作數者悉僉爲軍

十月諭山東東路經略司益都路匠軍已前曾經僉軍者可遵別路之例俾令從軍以鳳翔府屯田軍人準充平陽軍數仍於鳳翔屯田勿遣從軍刁國器所管重僉軍九百一十五人卽日放罷爲民陝西行省言士卒戍金州者諸奧魯已嘗服役今重勞苦詔罷之併罷山東大名河南諸路新僉防城戍卒

四年二月詔統軍司及管軍萬戶千戶等可遵太祖之制令各官以子弟入朝充禿魯花其制萬戶禿魯花一名馬一十匹牛二具種田人四名千戶見管軍五百或五百以上者禿魯花一名馬六匹牛一具種田人二名雖所管軍不及五百其家富強子弟健壯者亦出禿魯花一名馬四牛具種田人同萬戶千戶子弟充禿魯花者挈其妻子同至從人不拘定數馬匹牛具除定去數目已上復增餘者聽若有貧乏不能自備者於本萬戶內不該出禿魯花之人通行津濟起發不得因而科及眾軍萬戶千戶或無親子或親子幼弱未及成人者以弟姪充候親子年及十五却行交換若委有親子不得隱匿代替委有氣力不得妄稱貧乏及雖到來氣力却有不完善並罪之是月帝以太宗舊制設官分職軍民之事各有所司後多故之際不暇分別命阿海充都元帥專於北京東京平滦懿州蓋州路管領見管軍人凡民間之事毋得預焉

五月立樞密院凡蒙古漢軍並聽樞密節制統軍司都元帥府除遇邊面緊急事務就便調度外其軍情一切大小公事並須申覆合設奧魯官並從樞密院設置七月詔免河南保甲丁壯射生軍三千四百四十一戶雜泛科差專命把守巡哨八月諭成都路行樞密院近年軍人多逃亡事故者可於各與魯內盡實僉補自乙卯年定入軍籍之數悉僉起赴軍十一月一直水達達及乞烈賓地合僉鎮守軍命亦里不花僉三千人付塔匣來領之并達魯花赤官之子及其餘近上戶內亦令僉軍聽亦里不花節制

五年二月詔諸路鄂囉無隸總管府別設總押所官聽樞密院節制

十月定長軍之官不得侵漁士卒違者論罪

續通考兵考

謹案董文炳傳載文炳言於帝曰將校素無俸給連年用兵至有身為大校出無馬乘者帝始頒

將校俸錢以秩爲差此事在至元三年之後七年前傳中不確言是何年志中亦不載頒俸之

事以此五年十月事度之疑是時已定俸錢故有侵漁之禁也

續通考兵考按語

七年三月定軍官等級萬戶千戶百戶總把以軍士爲差六月成都府括民三萬一千七十五戶僉義士軍八千六十七人七月分揀隨路砲手軍始太祖太宗征討之際於隨路取發并攻破州縣招取鐵木金火等人匠充砲手管領出征壬子年俱作砲手附籍中統四年揀定除正軍當役外其餘戶與民一體當差後爲出軍正戶煩難至元四年取元充砲手民戶津貼其間有能與不能者影占不便至是分揀之

十年正月合剌請於渠江之北雲門山及嘉陵西岸虎頭山立二戍以其圖來上仍乞益兵二萬勅給京兆新僉軍五千人益之陝西京兆延安鳳翔三路諸色人戶約六萬戶內僉軍六千五月禁乾討虜人其願充軍者於萬戶千戶內結成牌甲與大軍一體征進八月禁軍吏之長舉債不得重取其息以損軍力違者罪之九月襄陽生券軍至都釋械繫免死聽自立部伍俾征日本仍於蒙古漢人內選官率領之

十一年正月初立軍官以功陞散官格

十二年三月遣官往遼東僉揀蒙古遼魯花赤千戶百戶等官子弟出軍

以上元史兵志

六月命招討司所屬乾討虜人爲正軍先是十年五月禁乾討虜人其願充軍者於萬戶千戶內結成牌甲與大軍一體征進至是月萊州酒稅官王貞等上言國家討平殘宋弔伐爲事何嘗以賄利爲心彼不紹事業小人貪圖貨利作乾討虜名目侵掠彼地所得人口悉皆貨賣以充治食之費勝則無益朝廷敗則實爲辱國其招討司所收乾討虜人可悉罷之第其高下籍爲正軍命各萬戶管領征進一則得其實用二則正王師弔伐之名實爲便益從之

續通考兵考

十四年正月詔上都隆興西京北京四路編民捕獵等戶僉選丁壯軍二千人防守上都中書省議從各路答配二十五戶內取軍一名選善騎射者充官給行資中統鈔一錠仍自備鞍馬衣裝器仗編立牌甲差官部領前來赴役十二月樞密院臣言收附亡宋州城新附請糧官軍并通事馬軍人等軍官不肯存恤多逃散者乞招誘之命左丞陳巖等分揀堪當軍役者收係充軍依舊例月支錢糧其生券不堪當軍者官給牛具糧食屯田種養

元史兵志

九月詔分揀諸路所括軍驗事力乏絕者爲民其恃權豪避役者復爲兵所遣分揀官及本府州縣

官能核正無枉者升爵一級

續通考兵考

十六年正月罷五翼探馬赤重役軍五月淮西道宣慰司官昂吉兒請招諭亡宋通事軍俾屬之

二十四史通鑑輯覽卷之二百五十二
下初亡宋多招納北地蒙古人爲通事軍遇之甚厚每戰皆列於前行願効死力及宋亡無所歸朝
議欲編入版籍未暇也人人疑懼皆不自安至是昂吉兒請招集列之行伍以備征戍從之

十八年二月併貧乏軍人三萬戶爲一萬五千取貼戶津貼正軍充役四月置蒙古漢人新附軍總

管以上元
史兵志

六月樞密院議正軍貧乏無丁者令富強丁多貼戶權充正軍應役其正軍仍爲軍頭如故或正軍
實係單丁者許傭僱練習之人應役丁多不得傭僱軍官亦不得以親從人代之續通考
兵考

十九年二月諸侯王阿只吉遣使言探馬赤軍凡九處出征各與魯內復徵雜泛搖役不便詔免之
并詔有司毋重役軍戶六月禁長軍之官毋得占役士卒散定海苔刺罕軍還各營及歸戍城邑十

月僉發漸丁軍士遵舊制家止一丁者不作數凡二丁至五丁六丁之家止存一人餘皆充軍元史
兵志

二十年二月命各處行樞密院造新附軍籍冊時濟寧路總管胡祇遹上八事於樞府言軍政曰役
重曰逃戶曰貧難曰正身入役曰僞署文牒曰官吏保結曰有名無實曰合併偏頗樞府是之以其

言著爲定法續通考
兵考

二十一年八月江東道僉事馬奉訓言劉萬奴乾討虜軍私相糾合結爲徒黨張弓挾矢或詐稱使
臣莫若散之各翼萬戶千戶百戶牌甲內管領爲便省院官以聞有旨可令問此軍欲從脫數出征
虜掠耶欲且放散還家耶回奏軍皆言自圍襄樊渡江以來與國効力願令還家少息遂從之籍

亡宋手記軍宋時有是軍死則以兄弟若子承代有旨依漢軍例籍之母涅其手

謹案手記軍當卽手號軍後又有二十八年招宋時涅手軍亦當卽此軍總以手上有涅文故名

手號手記涅手也

續通考兵考按語

二十二年正月立行樞密院於江南三省其各處行省見管軍馬悉以付焉

元史兵志

十一月給宋鹽軍衣糧使屯田自贍御史臺臣言昔宋以無室家壯士爲鹽軍內附之初有五千人

除征占城運糧死亡者今存一千一百二十二人此徒皆性習凶暴民甚苦之宜給以衣糧使屯田

自贍庶絕其擾從之十二月江制省募鹽徒爲軍得四千七百六十六人選軍官麾下無士卒者相

參統之以備各處鎮守二十三年八月又招集宋鹽軍

續通考兵考

三十四年閏二月樞密院臣言諸軍貼戶有正軍已死者有充工匠者放爲民者有元係各投下戶

回付者似此歇閑一千三百四十戶乞差人分揀貧富定貼戶正軍制可

元史兵志

二十六年八月樞密院議諸管軍官萬戶千戶百戶等或治軍有法鎮守無虞鎧仗精完差役均平

軍無逃竄者許所司薦舉以聞不次擢用諸軍吏之長非有上司之命毋擅離職諸長軍者及蒙古

漢軍毋得妄言邊事

元史兵志

成宗元貞二年二月詔蒙古軍以家奴代役者罪之仍令其奴別入兵籍以其主資產之半畀之軍
前敢有縱之者罷其職又括蒙古戶漸丁以行伍

五月命諸行省非奉旨毋擅調軍

大德元年十月以各處軍官差占正軍作祇俟伊刺知印等名色定例禁治

十二月定逃軍窩主罪依犯人減罪二等科斷

三年正月拘刷新附軍人弟男樞密院奏亡宋新附軍人招收未盡到官見役軍內逃竄數多是管軍官不行存恤以致在逃管民官不肯用心拘刷容情隱庇乞降旨招諭詔各處行省差官分頭招誘新附生熟勞軍廂軍士軍通事馬軍并身故手額號正軍弟男限一百日赴所在官司出首免罪責付本省鎮守軍官幫支糧鹽鹽菜養贍如限外不首因事發露有人首告依逃軍例斷罪各路官吏及權豪之家隱蔽占役者依條斷罪仍命各道廉訪司嚴行體究至十二月定新附軍籍之內在逃及身死軍人并官豪隱占諸處不曾當差有手額號禁軍分開當軍

六年正月詔千戶百戶等自軍逃歸先事而逃者罪死敗而後逃者杖而罷之沒入其男女

八年三月詔軍官擅離所部者悉遣還翼遣者論如律軍人不告所部私歸者杖而還之

以上續通考兵考

成宗大德二年十二月定各省提調軍馬官員凡用隨從軍士蒙古長官二十名次官二十名漢人一十名萬戶千戶百戶人等俱不得占役行省鎮撫止用聽探外亦不得多餘役占十一年四月詔

禮店軍還屬土番宣慰司初西川也速迭兒按住双帖木兒等所統探馬赤軍自壬子年屬籍禮店隸王相府後王相府罷屬之陝西省桑哥奏屬土番宣慰司咸以爲不便大德十年命依壬子之籍

至是復改屬焉

元史兵志

武宗至大元年正月以通惠河千戶劉粲所領運糧軍九百一十人屬萬戶赤因帖木爾兵籍十二月丞相三寶奴等言國制行省佐貳及宣慰使不得提調軍馬若遙授平章揚州宣慰使阿憐帖木兒者嘗與成宗同乳母故得行之非常憲也今命沙的代之宜遵國制勿令提調制可

元史兵志

至大二年十月質江南富民子爲軍平章政事約蘇言江南平垂四十年其民止輸地稅商稅餘俱無與其富室有蔽占王民奴使之者動輒百千家有多至萬家者其力可知乞自今有歲收糧滿五萬石以上者令石輸二升於官仍質一子而軍之其所輸之糧半入京師以養御士半留於彼以備凶年帝如其言

續通考兵考

仁宗皇慶元年三月中書省臣奏李馬哥等四百戶爲民初李馬哥等四百戶屬諸侯王脫脫乙未年定籍爲民高麗林衍及乃顏叛皆嘗僉爲軍至元八年置軍籍以李馬哥等非七十二萬戶內軍數復改爲民至大四年樞密院復奏爲軍至是省官以爲言命遵乙未年已定之籍後樞密復奏竟以爲軍戶十二月省臣言先是樞密院奏準雲南省宜遵各省制其省官居長者二員得佩虎符提調軍馬餘佐貳者不得預已受虎符者悉收之今雲南省言本省籍軍士之力以辦集錢穀遇有調遣則省官親率取上馬故舊制雖牧民官亦得佩虎符領軍務視他省爲不同臣等議已受虎符者依故事未受者宜頒賜之制可

延祐元年二月四川省軍官闕員詔依民官遷調之制差人與本省提調官及監察御史同銓注

三年三月命伯顏都萬戶府及紅胖禿總帥府各調軍九千五百人往諸侯王所更代守邊士卒其屬都萬戶府者軍一名馬三匹屬總帥府者軍一名馬二匹令人自爲計其貧不能自備者則命行伍之長及百戶千戶等助之悉遣精銳練習騎射之士每軍一百名百戶一員五百名千戶一員復命買住囊如解二人分左右部領之

以上元史兵志

右兵制

宿衛者天子之禁兵也元制宿衛諸軍在內而鎮戍諸軍在外內外相維以制輕重之勢亦一代之良法哉方太祖時以木華黎赤老溫博爾忽博爾朮爲四怯薛領怯薛歹分番宿衛及世祖時又設五衛以象五方始有侍衛親軍之屬置都指揮使以領之而其後增置改易於是禁兵之設殆不止於前矣

四怯薛 太祖功臣博爾忽博爾朮木華黎赤老溫時號潑里班曲律猶言四傑也太祖命其世領

怯薛之長怯薛者猶言番直宿衛也凡宿衛每三日而一更申酉戌日博爾忽領之爲第一怯薛卽

也可怯薛博爾忽早絕太祖命以別速部代之而非四傑功臣之類故太祖以自名領之其云也可

者言天子自領之故也亥子丑日博爾朮領之爲第二怯薛寅卯辰日木華黎領之爲第三怯薛巳

午未日赤老溫領之爲第四怯薛赤老溫後絕其後怯薛常以右丞相領之凡怯薛長之子孫或田

天子所親信或由宰相所薦舉或以其文序所當爲卽襲其職以掌環衛雖其官卑勿論也及年老既久則遂遷爲一品官而四怯薛之長天子或又命大臣以總之然不常設也其它預怯薛之職而居禁近者分冠服弓矢食飲文史車馬廬帳府庫醫藥卜祝之事悉世守之雖以才能受任使服官政貴盛之極然一日歸至內庭則執其事却故至於子孫無改非甚親信不得預也其怯薛執事之名則主弓矢鷹隼之事者曰火兒赤昔寶赤怯憐赤書寫聖旨曰扎里赤爲天子主文史者曰必闊赤親烹以奉上上飲食者曰博爾赤侍上帶刀及弓矢者曰云都赤闊端赤司關者曰八刺哈赤掌酒者曰荅刺赤典車馬者曰兀刺赤莫倫赤掌內府尙供衣服者曰速古兒赤牧駱駝者曰帖麥赤牧羊者曰火你赤捕盜者曰忽刺罕赤奏樂者曰虎兒赤又名忠勇之士曰霸都魯勇敢無敵之士曰拔突其名類蓋不一然皆天子左右服勞侍從執事之人其分番更直亦如四怯薛之制而領於怯薛之長若夫宿衛之士則謂之怯薛歹亦以三日分番入衛其初名數甚簡後累增爲萬四千人揆之古制猶天子之禁軍是故無事則各執其事以備宿衛禁庭有事則惟天子之所指使彼之樞密各衛諸軍於是爲尤親信者也然四怯薛歹自太祖以後累朝所御幹耳朵其宿衛未嘗廢是故一朝有一朝之怯薛總而計之其數滋多每歲所賜鈔幣動以億萬計國家大費每敝於此焉

右衛 中統三年以待衛親軍都指揮使董文炳兼山東東路經略使其領武衛軍事命益都行省大都督撒吉思驗壬子年已定民籍及照李璵總籍軍數每千戶內選練習軍士二人充侍衛軍并

海州東海漣州三處之軍屬焉至元元年改武衛爲侍衛親軍分左右翼置都指揮使八年改立左右中三衛掌宿衛扈從兼屯田國有大事則調度之

左衛

中衛 並至元八年侍衛親軍改立

前衛 至元十六年以侍衛親軍創置前後二衛掌宿衛扈從兼營屯田國有大事則調度之置都指揮使

後衛 亦至元十六年置

武衛 至元二十五年尙書省奏那海那的以漢軍一萬人如上都所立虎賁司營屯田修城隍二十六年樞密院官暗伯奏以六衛六千人塔刺海孛可所掌大都屯田三千人及近路迤南萬戶府一千人總一萬人立武衛親軍都指揮使司掌修治城隍及京師內外工役之事

左都威衛 至元十六年世祖以新取到侍衛親軍一萬戶屬之東宮立侍衛親軍都指揮使司二十一年復以屬皇太后改隆福宮左都威衛使司至大二年選其軍之善造作者八百人立千戶所一及百戶翼八以掌之而分局造作皇慶元年以王平章舊所領軍一千人立屯田至治三年罷匠軍千戶所

右都威衛 國初木華黎奉太祖命收扎剌兒兀魯忙兀納海四投下以按察兒孛羅笑乃得不里

海拔都兒闊闊不花五人領探馬赤軍既平金隨處鎮守中統三年世祖以五投下探馬赤立蒙古探馬赤總管府至元十六年罷其軍各於本投下應役十九年仍令充軍二十一年樞密院奏以五投下探馬赤軍俱屬之東宮復置官屬如舊二十二年改蒙古侍衛親軍指揮使司二十二年改隆福宮右都威衛使司

唐兀衛 至元十八年阿沙阿東言今年春奉命總領河西軍三千人但其所帶虎符金牌者甚眾征伐之重若無官署何以防閑之樞密院以聞遂立唐兀衛親軍都指揮使司以總之
貴赤衛 至元二十四年立

西域親軍 元貞元年依貴赤唐兀二衛例始立西域親軍都指揮使司

衛候直都指揮使司 至元元年裕宗招集控鶴一百三十五人三十一年徽政院增控鶴六十五人立衛候司以領之且掌儀從金銀器物元貞元年皇太后復以晉王校尉一百人隸焉大德十一年益以懷孟從行控鶴二百人陞衛候直都指揮使司至大元年復增控鶴百人總六百人設百戶所六以爲其屬至治三年罷之四年以控鶴六百三十人歸于皇后位下後復置立 右阿速衛

至元九年初立阿速拔都達魯花赤後招集阿速正軍三千餘名復選阿速揭只揭了温怯薛丹軍七百人扈從車駕掌宿衛城禁兼管潮河蘇沽兩川屯田并供給軍儲二十三年爲阿速軍南攻銀巢殘傷者眾遂以鎮巢七百戶屬之并前軍總爲一萬戶隸前後二衛至大二年始改立右衛阿速

親軍都指揮使司左阿速衛亦至大二年改立

隆鎮衛 睿宗在潛邸嘗於居庸關立南北口屯軍徼巡盜賊各設千戶所至元二十五年以南北口上千戶所總領之至大四年改千戶所爲萬戶府分欽察唐兀貴赤西域左右阿速諸衛軍三千人并南北口大和嶺舊隘漢軍六百九十三人屯駐東西四十三處立十千戶所置隆鎮上萬戶府以統之皇慶元年始改爲隆鎮衛親軍都指揮使司延祐二年又以哈兒魯軍千戶所隸焉至治元年置蒙古漢軍籍

左衛率府 至大元年命以中衛兵萬人立衛率府屬之東宮時仁宗爲皇太子曰世祖立五衛象五方也其制猶中書之六部殆不可易遂命江南行省萬戶府選漢軍之精銳者一萬人爲東宮衛兵立衛率府延祐元年改爲忠翊府未幾復改爲御臨親軍都指揮使司又以御臨非古典改爲羽林六年英宗立爲皇太子復以隸東宮仍爲左衛率府

右衛率府 延祐五年以詹事禿滿迭兒所管速怯那兒萬戶府及迎東女直兩萬戶府右翼屯田萬戶府兵合爲右衛率府隸皇太子位下

以上元史兵志

仁宗在東宮約爲詹事丞時詔立左衛率府摘侍衛軍萬人爲東宮衛兵同列欲署軍官約持不可仁宗召問對曰皇太子事不敢不爲天子事不敢爲仁宗悟竟罷其議同列復傳命增立右衛率府取河南蒙古軍萬人隸之約屏人語曰左衛率府舊制所有今置右府何爲諸公宜深思之不可累

諸君也

元史王約傳

康禮衛 武宗至大二年定康禮軍籍凡康禮氏之非者皆別而黜之驗其寶始得入籍及諸侯王阿只吉火郎撒所領探馬亦屬康禮氏者令樞密院康禮衛遣入乘傳往置籍焉

忠翊侍衛 至元二十九年始立屯田府大德十一年增軍數立爲大同等處侍衛親軍都指揮使司至大四年四月皇太后修五臺寺遂移屬徽政院并以京兆軍三千人增入延祐元年改中都威衛使司仍隸徽政院至治元年始改爲忠翊侍衛親軍都指揮使司

宗仁衛 至治二年右丞相拜住奏先脫別鐵木叛時没入亦乞列思人一百戶與今所收蒙古子女三千戶清州徹匠二千戶合爲行軍五千請立宗仁衛以統之於是命右丞相拜住總衛事給降虎符牌面如右衛率府又置行軍千戶所隸焉

右欽察衛 至元二十三年依河西等衛例立欽察衛至治二年分爲左右兩衛天曆二年以本衛屬大都督府

左欽察衛 亦至治二年立始至元中立衛時設行軍千戶十有九所屯田三所大德中置只兒哈郎鐵哥納兩千戶所至大元年復設四千戶所至是始分爲左右二衛亦屬大都督府

龍翊侍衛 天曆元年十二月立龍翊衛親軍都指揮使司以左欽察衛唐吉失等九千戶隸焉
虎賁親軍都指揮使司

左翊蒙古侍衛親軍都指揮使司

右翊蒙古侍衛親軍都指揮使司

宣忠幹羅思扈衛親軍都指揮使司

威武阿速衛親軍都指揮使司

東路蒙古侍衛親軍都指揮使司

女直侍衛親軍萬戶府

高麗女直漢軍萬戶府管女直侍衛親軍萬戶府

鎮守海口侍衛親軍屯儲都指揮使司

以上元史兵志

謹按元尙海運此運軍之制大約為海運而設

續通考兵考按語

右禁衛軍

世祖至元二十六年七月命大都侍衛軍內復起一萬人赴上都以備圍宿

成宗元貞二年十月樞密院臣言昔大朝會時皇城外皆無牆垣故用軍環繞以備圍宿今牆垣已

成南北西三畔皆可置軍獨御酒庫西地窄不能容臣等與丞相完澤議各城門以蒙古軍列衛及

於周橋南置戍樓以警昏旦從之

武宗至大四年正月省臣等傳皇太子命以大朝會調蒙古漢軍三萬人備圍宿仍遣使發山東河

北河南淮北諸路軍至京師復命都府左右翼右都威衛整器仗車騎六月以諸侯王駙馬等來朝命發各衛色目漢軍八百二十六人至上京復命指揮使也干不花領之

以上元史兵志

仁宗皇慶元年六月命衛率府軍士備圍宿守隆福宮內外禁門十一月又以皇太后旨嚴禁掖門守衛增置百戶一員及於欽察桂齊西域唐古阿蘇等衛調九十八人增守諸掖門復命千戶一員帥

領百戶一員備巡邏

續通考兵考

延祐三年十月以諸侯王來朝命圍宿軍士六千人增至一萬人復命也干禿魯分左右部領其

事十一月詔圍宿軍士除舊有者更增色目軍萬人以備禁衛

元史兵志

謹按志稱太朝會則用圍宿軍蓋元代諸侯王各總兵權其人而朝會亦必有隨行軍士故朝廷用衛宿軍以備之自圍宿軍以下諸軍皆無定制即取之各衛中以應其役大約事畢即散歸也

續通考兵考按語

英宗至治元年正月帝詣石佛寺以其墻垣疎壞命副樞朮溫台僉院阿散領圍宿士卒以備巡邏八月東內皇城建宿衛屋二十五楹命五衛內摘軍二百五十人居之以備禁衛

文宗天曆二年二月樞密院臣言去歲嘗奉旨依先制調軍把守圍宿此時各翼軍人皆隨處出征亦有潰散者故不及依次調遣止於右翼侍衛及右都威衛內發軍一千一百二十六名以備圍宿今歲軍駕行幸臣等議於河南山東兩都府內起遣未差軍士一千二名以備扈從制可五月樞密

二十四史通志卷之三十一
臣又言比奉令旨放散軍人臣等議常制以三月一日放散六月一日赴限今放散既遲可令於八

月一日赴限從之

以上元
史兵志

右國宿軍

世祖至元十二年十二月上尊號受冊告祭天地宗廟調左右中三衛軍五千爲蹕街清路軍

武宗至大二年十二月上尊號百官行朝賀禮樞密院調軍一千人備儀仗 三年十月上皇太后尊號行冊寶禮用內外儀仗軍數及防護五色甲馬軍二百人

四年二月合祭天地太廟社稷用蹕街清道及守內外壘門軍一百八十人命以國宿軍爲之事畢還役七月以奉迎武宗玉冊祔廟用清路蹕街軍一百五十人管軍千戶百戶各一員九月以祭享太廟用蹕街清路軍一百五十人千戶百戶各一員

仁宗皇慶元年三月天壽節行禮用內外儀仗軍一千人

以上元
史兵志

英宗至治元年命有司選控鶴衛士及色目漢軍備鹵簿儀仗定鹵簿隊仗用軍士二千三百二十八萬戶千戶百戶四十五員仍議用軍士二千九百五十人萬戶千戶百戶五十九員以備儀仗

考兵

致和元年六月以享太廟用蹕街清路軍一百名看机盆軍一百名管軍官千戶百戶各一員九月行大禮用擊執儀仗蒙古漢軍一千名

文宗天曆元年十一月親祭太廟內外用儀仗並五色甲馬軍一千六百五十名仍命指揮青山及洪副使攝析衝都尉提調二年正旦行禮用儀仗軍一千人享太廟用蹕街清路軍一百名看守執盆軍一百名管軍千戶百戶各一員天壽節行禮用儀仗軍一千名皇后冊寶擊執儀仗用軍一千二百名軍官四員

並元史
兵志

右儀仗軍

世祖至元十七年三月發忙古解抄兒赤所領河西軍士及阿魯黑麾下二百人入備扈從

元史
兵志

十八年十二月選侍衛軍萬人備扈從

續通考
兵考

武宗至大二年太后將幸五臺徵政院官請調軍扈從省臣議昔大太后嘗幸五臺於住夏探馬赤及漢軍內各起扈從軍三百人今遵故事從之十一月樞密院臣言去歲六衛漢軍內以諸處興建工役故用六千軍士於上都臣等議來歲軍駕行幸復命騎卒六千人備軍馬器仗與步卒二千人

扈從制可

元史
兵志

右扈從軍

世祖至元二十五年十一月以軍守都城外倉初大都城內倉敖有軍守之城外豐閭豐實廣貯通濟四倉無守者至是收糧頗多丞相桑哥以爲言乃依都城內倉例每倉發軍五人守之十二月中書省臣言樞密院公廩後有倉貯糧乞調軍五人看守從之

二十四史通考卷之二十一
成宗大德四年二月調軍五百人於新浚河內看關

武宗至大四年六月帝御大安閣樞密院官奏嘗奉旨令各門置軍守備臣等議探馬赤軍士去其所成地遠卒莫能至擬發阿速唐兀等軍叅漢軍用之各門置五千人制可

並元史兵志

仁宗延祐元年隆禧院官言初世祖影殿有軍士守之今大崇恩福元寺有武宗御容宜依例調軍守衛從之英宗至治元年增守太廟牆垣軍初以衛士軍人共守國宿故止用蒙古軍四百人至是以衛士守內牆垣其外牆止用軍士仍增至八百

續通考兵考

右看守軍

仁宗皇慶元年三月丞相鐵木迭兒奏每歲既幸上京於各宿衛中留衛士三百七十人以備巡邏今歲多盜賊宜增百人以嚴守禦制可仍命樞密與中書分領之延祐七年五月詔留守司及虎賁司官親率敢於夜巡邏

右巡邏軍

仁宗延祐元年閏三月樞密院官奏中書省言江淞春運糧八十三萬六千二百六十六石取日開洋前來直沽請預差軍人鎮邊詔依年例調軍一千名命右衛副都指揮使伯顏往鎮邊之

三年四月海運至直沽樞密院官奏今歲軍數不敷乞調軍士五百人巡鎮從之 七年四月調海

運鎮邊軍一千如舊制

並元史兵志

右鎮邊軍

二十四史九通政典類要合編卷二百五十三

元十七

兵下 鎮戍兵 馬政 驛政 軍器
舟師水戰 屯田

元初以武功定天下四方鎮戍之兵亦重矣然自其始而觀之則太祖太宗相繼以有西域中原而攻取之際屯兵蓋無定向其制殆不可考也世祖之時海宇混一然後命宗王將兵鎮邊徼襟喉之地而河洛山東據天下腹心則以蒙古探馬赤軍列大府以屯之淮江以南地盡南海則名藩列郡又各以漢軍及新附等軍戍焉皆世祖宏規遠略與二三大臣之所共議達兵機之要審地理之宜而足以貽謀于後世者也故其後江南三行省嘗以遷調戍兵爲言當時莫敢有變其法者誠以祖宗成憲不易于變更也然卒之承平旣久將驕卒惰軍政不修而天下之勢遂至于不可爲夫豈其制之不善哉蓋法久必弊古今之勢然也 元史 兵志

元制各路立萬戶府各縣立千戶所其所部之軍每歲第邊口糧府縣關支而各道以宣慰司元帥 總之通考 兵考

世祖中統元年五月詔漢軍萬戶各于本管新舊軍內摘發軍人備衣甲器械差官領赴燕京近地屯駐萬戶史天澤一萬四百三十五人張馬哥二百四十人解成一千七百六十八人紉叱刺四百六十六人斜頁拔都八百九十六人扶溝馬軍奴一百二十九人內黃鐵木兒一百四十四人趙奴懷

四十一人鄂陵勝都古六十五人

元史明志

三年二月括諸道逃亡軍

三月詔真定彰德邢州洛磁東平大名平陽太原衛輝懷孟等路各處有舊屬安扎爾博囉實訥岱庫庫布哈伯爾克巴圖爾等官所管特默齊軍人乙卯歲籍爲民戶亦有僉充軍者若壬寅甲寅兩次僉定軍已入籍冊者令隨各萬戶依舊出征其或未嘗爲軍及蒙古漢人民戶內作數者悉僉爲

軍

綱通考兵考

石高山因平章塔齊爾入見世祖奏曰在昔太祖皇帝所集安扎爾博囉庫哩博囉台罕巴圖庫庫布哈五部特默齊軍金亡之後散居牧地多有入民籍者國家土宇未一宜加招集以備驅策帝命與諸路同招集之既集其數仍命高山佩銀符領之

元史石高山傳

十五年三月分揚州行省兵于隆興府初置行省分兵諸路調遣江西省軍爲最少至是以南廣地關阻山路之險命鐵木兒不花領兵一萬人赴之合元帥塔出軍以備戰守四月詔以伯顏阿木所調河南新僉軍三千人還守廬州六月命荆湖道宣慰使塔海調遣夔府諸軍士七月詔以塔海征夔軍之還戍者及揚州江西舟師悉付水軍萬戶張榮實將之守禦江中八月命江南諸路戍卒散歸各所屬萬戶屯戍初渡江所得城池發各萬戶部曲士卒以戍之久而亡命死傷者眾續至者多不著行伍至是縱還各營以備屯戍安西王相府言川蜀旣平城邑山岩洞穴凡八十三所其渠

州禮義城等處凡三十三所宜以兵鎮守餘悉撤去從之九月詔發東京北京軍四百人往戍應昌府其應昌舊戍士卒悉令散歸十一月定軍民異屬之制及蒙古軍屯戍之地先是以李璫叛分軍民爲二而異其屬後因平江南軍官始兼民職遂因之凡以千戶守一郡則率其麾下從之百戶亦然不便至是令軍民各異屬如初制士卒以萬戶爲率擇可屯之地屯之諸蒙古軍士散處南北及還各與魯者亦皆收聚令四萬戶所領之眾屯河北阿木二萬戶屯河南以備調餘丁定遣其版籍編入行伍俾各有所屬遇征伐則遣之

十六年二月命萬戶李朮魯敬領其麾下舊有士卒守湖州先是以唐鄧均三州士卒二百八十八人屬敬麾下後遷戍江陵府至是還之四月定上都戍卒用本路元籍軍士國制郡邑鎮戍士卒皆更相易置故每歲以他郡兵戍上都軍士罷于轉輸至是以上都民充軍者四千人每歲令備鎮戍甯他郡戍兵六月碣門魚通及黎雅諸處民戶不奉國法議以兵戍其地發新附軍五百人蒙古軍一百人漢軍四百人往鎮戍之七月以西川蒙古軍七千人新附軍三千人付皇子西安王命闡里鐵木兒以戍杭州軍六百九十八人赴京師調兩淮招討小駢蒙古軍及自北方迴探馬赤軍代之八月調江南新附軍五千駐太原五千駐大名五千駐衛州又發探馬赤軍一萬人及夔府招討張萬之新附軍俾四川西道宣慰使也罕的斤將之戍幹端

並元史
兵志

九月王相府言四川宣慰使有籍無軍虛受賞者一萬七千三百八人命詰治之

續通考
兵考

十七年正月詔以他令不罕守建都布吉解守長河西之地無令遷易三月同知制東道宣慰司事

張鐸言江南鎮戍軍官不便請以時更易置之國制既平江南以兵戍列城其長軍之官皆世守不

易故多與富民樹黨因奪民田宅居室盡有司政事爲害滋甚鐸上言以爲皆不遷易之弊請更其

制限以歲月遷調之庶使初附之民得以安業

元史兵志

十八年正月命萬戶張珪率麾下往就潭州還其祖父所領亳州士卒并統之二月以合必赤軍三

千戍揚州

元史兵志

九月增大都巡兵千人

十月立鎮邊萬戶府高麗王并行省皆言金川合浦固城全羅州等處沿海上下與日本正當衝要

宜設立鎮邊萬戶府屯鎮從之

續通考兵考

十九年二月命唐兀解于汾江州郡視便宜置軍鎮戍及諭鄂州揚州隆興泉州等四省議用兵戍

列城徙制東宣慰司于温州分軍戍守江南自歸州以及江陰至三海口凡二十八所四月調揚州

合必軍三千人鎮泉州又潭州行省以臨川鎮地接占城及未附黎洞請立總管府一同鎮戍從之

七月以隆興西軍京士代上都戍卒還西川先是上都屯戍士卒其輿糈皆在西川而戍西川者多

隆興西京軍士每歲轉餉不勝勞費至是更之

元史兵志

二十年二月命各處行樞密院造新附軍籍冊

續通考兵考

八月留蒙古軍千人戍揚州餘悉縱還揚州所有蒙古士卒九千人行省請以三分爲率留一分鎮

戍史塔刺渾曰蒙古士卒悍勇孰敢當留一千人足矣從之

元史兵志

二十六年二月命萬戶劉得祿以軍五千人鎮守八番

並史兵志

五月詔季陽益都淄萊三萬戶軍久戍廣東疫死者眾其令二年一更

續通考兵考

二十七年六月調各行省軍于江西以備鎮戍俟盜賊平息而後縱還九月以元帥那懷慶下軍四

百人守文州調江淮省下萬戶府軍于福建鎮戍十一月江淮行省言先是丞相伯顏及元帥阿朮

阿塔海等守行省時各路置軍鎮戍視地之輕重而爲之多寡厥後忙古賜代之悉更其法易置將

更士卒殊失其宜今福建盜賊已平惟浙東一道地極邊惡賊所巢穴請復還三萬戶以戍守之合剌帶一軍戍

沿海明台亦怯烈一軍戍溫處札忽帶一軍戍紹興婺州其寧國徽州初用土兵後皆與賊通今盡

遷之江北更調高郵泰州兩萬戶漢軍戍之揚州建康鎮江三城跨據大江人民繁會置七萬戶府

杭州行省諸司府庫所在置四萬戶府水戰之法舊止十所今擇瀕海沿江要害二十二所分兵閱

習伺察諸盜錢塘控扼海口舊置戰艦二十艘今增置戰艦百艘海船二十艘樞密院以聞悉從之

成宗元貞元年七月樞密院官奏劉二拔都兒言初鄂州省安置軍馬之時南面止是潭州等處後

得廣西海外四州八番洞蠻等地疆界闊遠闕少戍軍復增四萬人今將元屬本省四翼萬戶軍分

出軍力減少臣等謂劉二八都兒之言有理雖然江南平定之時沿江安置軍馬伯顏阿朮阿塔海

阿里海牙阿剌罕等俱係元經攻取之人又與近臣月兒魯孛羅等樞密院官同議安置者乞命通軍事知地理之人同議增減安置庶後無弊從之

二年五月江潮行省言近以鎮守建康太平保定萬戶府全翼軍馬七千二百一十二名調屬湖廣省乞分兩淮戍兵于本省沿海鎮遏樞密院官議沿江軍馬係伯顏阿朮安置勿令改動止于本省元管千戶百戶軍內發兵鎮守之制可九月詔以兩廣海外四州城池戍兵歲一更代往來勞苦給俸錢選良醫往治其疾病者命三二年一更代之

大德元年三月陝西平章政事脫烈伯領總帥府軍三千人收捕西番回詔留總帥軍百人及階州舊軍禿思馬軍各二百人守階州餘軍還元翼湖廣省請以保定翼萬人移鎮彬州樞密院官議此翼乃張柔所領征伐舊軍宜遷入鄂州省屯駐別調兵守之七月招收亡宋左右兩江土軍千人從思明上思等處都元帥昔刺不花言也十一月河南行省言前揚州立江淮行省江陵立荆湖行省各統軍馬上下鎮遏後江淮省移于杭州荆湖省遷于鄂州黃河之南大江趨北汴梁古郡設立河南江北行省通管江淮荆湖兩省元有地面近年併入軍馬通行管領所屬之地大江最為緊要兩淮地險人頑宋亡之後始來歸順當時沿江一帶斟酌緩急安置定三十一翼軍馬鎮遏後遷調十二翼前去江南餘有一十九翼于內調發止存原額十分中一二沉兩淮荆襄自古隘要之地歸附至今雖即寧靜宜慮未然乞照沿江元置軍馬遷調江南翼分并各省所占本省軍人發還元翼仍

前鎮邊省院官議以爲松江安置三十一翼軍馬之說本院無此簿書間之河南省官李魯歡其省亦無樞密院文卷內但稱至元十九年伯顏玉速鐵水兒等共擬其地安置三萬二千軍後增二千總三萬四千今悉令各省差占及逃亡事故者還充役足矣又李魯歡言去年伯顏點視河南省見有軍五萬二百之上又若還其占役事故軍人則共有七八萬人此數之外脫歡太子位下有一千探馬赤一千漢軍阿剌八赤等哈刺魯亦在其地設有非常皆可調用據各省占役總計軍官軍人一萬三千八百八十一名軍官二百九名軍人一萬三千六百七十二名內漢軍五千五百八十名新附軍八千二十八名蒙古軍六十四名江南省占役軍官軍人四千九百五十七名湖廣省占役軍官軍人七千六百二名福建省占役軍官軍人一千二百七十二名江西省出征收捕未回新附軍四十九名悉令還役江南省亦言河南行省見占本省軍人八千八百三十三名亦宜遣還鎮邊有旨兩省各差官赴關辨議

二年正月樞密院臣言阿剌魯脫忽思所領漢人女直高麗等軍二千一百三十六名內有稱海對陣者有久戍四五年者物力消乏乞于六衛軍內分一千二百人大同屯田軍八百人徹里台軍二百人總二千二百人往代之制可三月詔各省合併鎮守軍福建所置者合爲五十三所江湖所置者合爲二百二十七所江西元立屯軍鎮守二百二十六所減去一百六十二所存六十四所

三年三月沅州賊人嘯聚命以毗陽萬戶府鎮守辰州鎮巢萬戶府鎮守沅州靖州上均萬戶府鎮

守常州澧州

以上元史兵志

四月禁和林戍軍竄名他籍

十二月詔各省戍軍輪次放還二年供役

五年二月發四川雲南囚徒從軍時征八百媳婦故也

續通考兵考

三月詔河南省占役江淞省軍一萬一千四百七十二名除洪澤芍陂屯田外餘令發還元翼

武宗至大二年七月樞密院臣言去年日本商船焚掠慶元官軍不能敵江淞省言請以慶元台州沿海萬戶府新附軍往陸路鎮守以斬縣宿州兩萬戶府陸路漢軍移就沿海屯鎮臣等議自世祖時伯顏阿朮等相地之勢制事之宜然後安置軍馬豈可輕動前行省忙古朮等亦言以水陸軍互換遷調世祖有訓曰忙古朮得非狂醉而發此言以水路之兵習陸路之伎驅步騎之士而從風水之役難成易敗于事何補今欲禦備姦寇莫若從宜于水路沿海萬戶府新附軍三分取一與陸路斬縣萬戶府漢軍相叅鎮守從之

元史兵志

謹按是時日本往往內寇故江浙行省每議遷調鎮遏之法此條樞臣所議于情事似為明練而

總以巴延等所置不敢輕更至四年十月江浙省又以沿海瀕江海寇出沒且承平日久將驕卒

惰帥領不得其人軍馬安置不當乞斟酌衝要遷調鎮遏而樞臣之議止以慶元與日本相接為

倭商焚毀宜如所請其餘事關機務別議行之求之志紀不可考其別議云何也

續通考兵考按語

四年閏七月

時仁宗已卽位

置居庸關隆鎮萬戶府樞密院奏居庸關古道四十有三軍吏防守之處僅十

有三舊置千戶位輕責重請置隆鎮萬戶府俾嚴守備從之

續通考兵考

十月以江浙省嘗言兩浙沿海瀕江隘口地接諸番海寇出沒兼收附江南之後三十餘年承平日久將驕卒惰帥領不得其人軍馬安置不當乞斟酌衝要去處邊調鎮邊樞密院官議慶元與日本相接且爲倭商焚燬宜如所請其餘邊調軍馬事關機務別議行之十二月雲南八百媳婦大小徹里等作耗調四川省蒙古漢軍四千人命萬戶囊加躬部領赴雲南鎮守其四川省言本省地方東南控接荆湖西北襟連秦隴阻山帶江密邇番蠻素號天險古稱極邊重地乞于存恤歇役六年軍內調二千人往從之

仁宗皇慶元年十一月詔江西省瘴地內諸路鎮守軍各移近地屯駐

並元史兵志

十二月許南佐貳官佩虎符省雲臣言先是樞密院奏准雲南省宜遵各省制其省官居長者二員得佩虎符提調軍馬餘佐貳不得預已受虎符者悉收之今雲南省言本省藉軍士之力以辦集錢穀遇有調遣則省官親率眾上馬故舊制雖牧民官亦得佩虎符領軍務視他省不同其已受虎符者依故事未受者宜頒賜之制曰可二年正月又詔雲南省鎮遠方掌邊務凡事涉軍務自平章至僚佐須同署押

延祐三年三月命巴延都萬戶府及紅胖襖總帥府各調軍九千五百悉遣精銳練習騎射之士往

諸侯王所更代守邊士卒

並續通
考兵考

四年四月河南行省言本省地方寬廣關係非輕所屬萬戶府俱于臨江沿淮上下鎮守方面相離省府近者千里之上遠者二千餘里不測調度卒難相應況汴梁國家腹心之地設立行省別無親臨軍馬較之江湖江西湖廣陝西四川等處俱有隨省軍馬惟本省未蒙撥付樞密院以聞命于山東河北蒙古軍河南淮北蒙古軍兩都萬戶府調軍一千人與之十一月陝西都萬戶府言礪門探馬赤軍一百五十名鎮守多年乞放還元翼樞密院臣議彼中亦係要地不宜放還止令于元翼起遣一百五十名三年一更鎮守元調四川各翼漢軍一千名鎮守礪門黎雅亦令一體更代

元史
兵志

文宗至順元年七月詔江西建昌萬戶府軍戍廣海者二歲一更役

十二月勅各行省凡遇邊防有警許令便宜發兵事緩則驛聞

二年十一月以淮東宣慰司所部兵復隸河南行省

順帝至正九年重定沅靖等處屯戍沅靖柳桂等路盜發竊發朝廷以溪洞險阻下詔招諭之湖廣行省平章政事達實特穆爾謂寇情不可料請置三分省一治靜江一治沅靖一治柳桂以左右丞參政分兵戍其地罷靖州路總管府改立靖州軍民安撫司設萬戶府益以戍兵朝廷皆如其言已而諸盜悉降

十年十月大名東平濟南徐州各立兵馬指揮司

十三年四月命南北兵馬司各分官一員就領通州灤州直沽等處巡捕官兵往來巡邏分給司印一同署事半載一更

十一月立義兵千戶水軍千戶所于江西事平願遷者聽至次年三月中書定擬義兵立功者權任軍職事平授以民職從之

十四年五月立南陽鄧州等處毛葫蘆義兵萬戶府募土人爲兵免其差役令討賊自效因鄉人自

相團結號葫蘆故以名之

以上續通考兵考

至正五年爲陝西行御史修築奉元城壘募民爲兵出庫銀爲大錢射而中的者賞之由是皆爲精兵金商義兵以獸皮爲矢房狀如瓠號爲葫蘆軍甚精銳列其功以聞賜敕褒美由是其軍遂盛而

國家獲其用

元史多爾濟巴勒傳

十五年二月立淮東等處宣慰司于天長縣統濠泗義兵萬戶府并洪澤等處義兵聽富民願出丁壯義兵五千名者爲萬戶五百名者爲千戶一百名者爲百戶仍降宣敕牌面是年秋杭州破越民結義固守江南行臺官檄穆爾古蘇總統義兵護城池乃更募得勇悍者三千餘人號曰果毅軍時御史大夫拜珠格又自統軍三千曰臺軍至十七年正月命山東團結義兵每州添設判官縣添主簿各一員專率義兵以事守禦仍命各路達嚕噶齊提調聽宣慰司節制十二月詔天下團結義兵路府州縣正官俱兼防禦事十八年二月議團結西山寨大小十一處以爲保障命中書右丞達實

待穆爾左丞烏克遜良楨等總行提調設萬夫長千夫長百夫長編立牌甲分守要害

以上續通考兵考

右鎮戍兵

元起朔方俗善騎射因以弓馬之利取天下古或未之有益其沙漠萬里牧養蕃息大僕之馬殆不可以數計亦一代之盛哉世祖中統四年設羣牧所隸太府監尋陞尙牧監又陞太僕院改衛尉院院廢立太僕寺屬之宣徽院後隸中書省典掌御位下大幹耳朶馬其牧地東越耽羅北踰火里禿麻西至甘肅南暨雲南等地凡一十四處自上都大都以至玉你伯牙折連怯呆兒周迴萬里無非牧地馬之羣或千百或三五十左股烙以官印號大印子馬其印有兵古貶古關卜川月思古幹樂等名牧人曰哈赤哈刺亦有千戶百戶父子相承任事自夏及冬隨地之宜行逐水草十月各至本地朝廷歲以九月十月遣寺官馳驛閱視較其多寡有所產駒卽烙印取勘收除見在數目造蒙古回回漢字文冊以聞其總數蓋不可知也凡病死者三則令牧人償大牝馬二二則償二歲馬一則償牝羊一其無馬者以羊驄牛折納太廟祀事暨諸寺影堂用乳酪則供牝馬駕仗及宮人出入則供尙乘馬車駕行幸上都太僕卿以下皆從先驅馬出健德門外取其肥可取乳者以行汰其羸瘦不堪者遺于羣自天子以及諸王百官各以脫羅氈置撒帳爲取乳室車駕還京師太僕卿先期遣使徵馬五十醞都來京師醞都者承乳車之名也旣至俾哈赤哈刺赤之在朝爲卿大夫者親秣飼之日曬黑馬乳以奉玉食謂之細乳每醞都牝馬四十每牝馬一官給芻一束菽八升駒一給芻

一束菽五升菽貴則其半以小稍充自諸王百官而下亦有馬乳之供醴都如前之數而馬減四之一謂之粗乳芻粟要旬取給于度支寺官亦以旬詣闕廐肥瘠又自世祖而下山陵各有醴都取馬乳以供祀事就金陵擠馬越五年盡以與守山陵使者凡御位下正宮位下隨朝諸色目人員甘肅土番耽羅雲南占城蘆州河西亦奚卜薛和林幹難怯魯連阿刺忽馬乞哈刺木連亦乞里思亦思渾察成海阿察脫不罕折連怯呆兒等處草地內及江南腹裏諸處應有係官孳生馬牛駝驢羊點數之處一十四道牧地各千戶百戶等名目如左

東路折連怯呆兒等處 玉你伯牙上都周圍

哈刺木連等處 阿刺忽馬乞等處 幹斤川等處阿察脫不罕 甘州等處 左手永平等處

右手固安州等處 雲南亦奚卜薛 蘆州 益都 火里禿麻 高麗耽羅國

一折連怯呆兒等處御位下 折連怯呆兒地哈刺赤千戶買買買的撒台怯兒八思闕闕來塔失

鐵木兒哈刺那海伯要觶也兒的思撒的迷失教化太鐵木兒塔都也先木薛肥不思塔八不兒

都麻失不顏台撒敦 按赤忽里哈赤千戶下百戶脫脫木兒 兀魯兀內土阿八刺哈赤闕闕

出 徹徹地撒刺八 薛裏溫你里溫幹脫赤哈刺鐵木兒 哈思罕地僧家奴 玉你伯牙

斡頭山百戶哈只

一玉你伯牙等處御位下 玉你伯牙地哈刺赤百戶忽兒禿哈兀都蠻燕鐵木兒暗出忽兒也先

三十四 勇力通正典類要卷之三
卷二百五十三
元
禿滿玉龍鐵木兒月思哥明里不蘭

大幹耳朵位下 乞刺里郭羅赤馬某等 哈里牙兒若赤別鐵木兒 伯只刺苟赤阿藍蒼兒

阿察兒伯顏苟赤教化的等 塔魯內亦兒哥赤塔里牙赤等 伯只刺阿塔赤忽兒禿哈

桃山太師月赤察兒分出鐵木兒等 伯顏只魯于阿塔赤禿忽魯等 玉你伯牙奴禿赤火你
赤

一塔刺木連等處御位下 阿失温忽都地八都兒希徹禿地吉兒鶻 哈察木敦 火石腦兒哈

塔咬羅海牙撒的 換撒里眞按赤哈苔 須知忽都哈刺赤別乞 軍腦兒哈刺赤火羅思

王龍粘徹 雲內州拙里牙赤昌罕 察罕腦兒欠昔思 棠樹兒安魯罕 石頭山禿忽魯

牙不罕你里温脫脫木兒 開城路黑水河不花

大幹耳朵位下完者

一阿刺忽馬兒等處御位下 阿刺忽馬乞地哈刺赤百戶按不憐乾鐵哥火石鐵木兒末赤卯罕

不蘭奚孛羅罕 怯魯連地哈刺赤千戶床八失百戶怯兒的小薛于別鐵列不作孛羅串都也

速典列坦的里也里迷失忙兀鶻 幹難地蘭蓋兒末者哈只不花等

大幹耳朵位下 阿刺忽馬乞按灰等 闊苦地闊赤斤等

一幹斤川等處御位下 幹斤川地哈刺赤千戶月魯阿刺鐵木兒塔塔察兒、拙里牙赤幹羅

孫馬塔哈 兒哈地哈刺赤千戶當失燕忽里歡差大難 闊闊地兀奴忽赤忙兀鰓 怯魯連八
刺哈赤八兒麻思

大幹耳朶位下 馬塔哈兒哈怯連口只兒哈忽

一阿察脫不罕等處御位下 阿察脫不罕地哈赤守納 幹川札馬昔實赤忙哥撒兒 火羅罕
按赤禿忽赤 成海後火義罕塔兒罕按赤也先 黃兀兒不刺按赤未兒哥忽林失 應里哥
地按赤哈丹忽台迷失 應吉列古哈刺赤不魯 亦兒渾察西哈刺赤 蒼蘭速魯哈刺赤八
只吉兒哈兒哈孫不刺哈刺赤阿兒禿

大幹耳朶位下 怯魯連火你赤塔刺海

一甘州等處御位下 口千子哈刺不花一所 奧魯赤一所 阿刺沙阿蘭山兀都蠻 亦不刺
金一所寬徹千 塔塔安地普安 勝回地劉子總管 闊闊思地 太鐵木兒等 甘州等處
楊住普 撥可連地撒兒吉思 只哈禿屯田地安童一所 哈刺班忽都拙思牙赤耳眉

一左手永平等處御位下 永平地哈刺赤千戶六十樂亭地拙里牙赤阿都赤答刺赤迷里迷失
亦兒哥赤馬某撒兒答 香河按赤定住亦馬赤速哥鐵木兒 河西務愛牙赤李羅鰓 潮州
哈刺赤脫忽察桃花島青背實赤赤班等

大幹耳朶位下 河西務玉提赤百戶馬札兒

一右手固安州四怯薛八刺哈赤平章那懷為長 固安州哈刺赤脫忽察哈赤忽里哈赤按赤不

都兒 眞定昔寶赤脫脫 左衛哈刺赤塔不鵬 青州哈刺赤阿哈不花 涿州哈刺赤不魯

哈思

一雲南亦奚卜薛鐵木兒不花為長

一蘆州

一益都哈刺赤忽都鐵木兒

一火里秃麻太勝忽兒為長

一高麗耽羅以上元史兵志

元太宗六年五月大會諸王百僚凡來會用善馬五十匹為一羈守者五人飼羸馬三人但盜馬一

二者即論死

世祖中統元年五月命諸路市馬萬匹送開平府

四年二月命河東宣慰司市馬百二十九匹賜諸王巴喇軍士之無馬者至七月又詔東平大名河

南宣慰司市馬千五百五十匹給阿珠等軍又冀州蒙古百戶愛實等犯鹽禁命沒入馬百二十餘

匹給軍士之無馬者

是年立羣牧所至至元十六年改尚牧監掌阿哈斯馬匹受給造作鞍轡之事十九年改太僕院二

十年改衛尉院二十四年罷院立太僕寺又別置尚乘寺以管鞍轡而本寺止管阿迪斯馬匹
成宗元貞元年二月以特默齊車出征馬不足詔除軍民官吏所乘凡有馬者盡括之

三月遣密拉章以鈔五萬錠授征西元帥令市馬匹分賜二十四城貧乏軍校

二年十月以宣德奉聖懷來縉山等處牧宿衛馬

大德二年十二月括諸路馬除牝孕搆駒者齒三歲以上並拘之

三年正月括諸路馬隸蒙古軍籍者免之

武宗至大元年九月中書省臣言連歲不登大都去歲飼馬九萬四千匹請減爲五萬匹外路飼馬
十一萬九千餘匹請減爲六萬匹從之

泰定帝泰定元年六月中書省臣張珪等請復圍槽牧馬之制

以上續通
考兵考

張珪奏曰赤牧養馬馳威有常法分布郡縣各有常數而宿衛近侍委之僕御役民放牧始至卽奪
其居俾飲食之殘傷柔果百害蠹起其僕御四出無所拘鈐私竊芻豆瘠損馬馳大德中始貴州縣
正官監視葢暖棚圍槽樅以牧之至治初復散之民間其害如故監察御史及河間路守臣屢言之
臣等議宜如大德圍槽之制正官監臨閱視肥瘠拘鈐宿衛僕御著爲令

元史張
珪傳

文宗天曆元年九月命有司括馬又遣使分行河間保定眞定及河南等路括民馬又括河東山東

馬

十月以所括河北諸路馬四百匹給四宿衛阿都齊二百匹給中宮阿都齊餘二千匹分牧于內郡
令廣平大名兩路括馬

至順元年九月出馬八萬匹令于河間保定等路分牧之

二年九月監察御史陳思謙請置羣牧司從之

以上續通
考兵考

思謙言軍站消乏僉補則無殷實之戶接濟則無羨餘之財倘有征行必括民間之馬苟能脩馬政
亦其一助也方今西越流沙北際沙漠東及遼海地氣高寒水甘草美無非牧養之地宜設置羣牧
使司統領十監專治馬政并畜牛羊數年之後馬寔蕃盛或給軍以收兵威或給站以優民力牛羊
之富又足以給國用非小補也

元史陳
思謙傳

十一月詔以四川鹽給雲南所牧馬雲南行省言亦溪卜薛之地所牧馬歲給鹽以每月上寅日
啖之則馬健無病比因布呼叛亂雲南鹽不可到馬多病死詔令四川行省以鹽給之

順帝至元三年四月漢人南人高麗人凡有馬者拘入官

六年正月察罕諾爾等處馬災振鈔六千八百五十八錠

至正十一年括馬

十二年正月拘刷河南陝西遼陽三省及上都大都腹裏等處漢人馬

三月以出征馬少出幣帛各一十萬匹于迤北萬戶千戶所易馬

十四年三月詔和買馬于北邊以供軍用凡有馬之家十匹內和買二匹每匹給鈔一十錠

以上續通考兵

考

右馬政

元制站赤者驛傳之譯名也蓋以通達邊情布宣號令古人所謂置郵而傳命未有重于此者焉凡站陸則以馬以牛或以驢或以車而水則以舟其給驛傳璽書謂之鋪馬聖旨遇軍務之急則又以金字圓符爲信銀字者次之內則掌之天府外則國人之爲長官者主之其官有驛令有提領又置脫脫禾孫于關會之地以司辨詰皆總之于通政院及中書兵部而站戶闕乏逃亡則又以時僉補且加賑恤焉于是四方往來之使止則有館舍頓則有供帳饑渴則有飲食而梯航畢達海宇會同元之天下視前代所以爲極盛也

太宗元年十一月敕諸牛鋪馬站每一百戶置漢車一十具各站俱置米倉站戶每年一牌內納米一石令百戶一人掌之比使臣每日支肉一斤麵一斤米一升酒一瓶 四年五月諭隨路官員并站赤人等使臣無牌面文字始給馬之驛官及元差官皆罪之有文字牌面而不給驛馬者亦論罪若係軍情急速及送納顏色絲線酒食米粟段匹鷹隼但係御用諸物雖無牌面文字亦驗數應付

車牛

以上元史兵志

世祖至元七年十一月立諸站都統領使司往來使臣令托克托和斯盤問

續通考兵考

二十四日通正里... 卷二百五十三 三
十九年四月詔給各處行省鋪馬聖旨揚州行省鄂州行省泉州行省隆興行省占城行省安西行省四川行省西夏行省甘州行省每省五道南方驗田糧及七十石者准當站馬一匹九月通政院臣言隨路站赤三五戶共當正馬一匹十三戶供車一輛自備一切什物公用近年以來多爲諸王公主及正宮太子位下頭目讖認招收或冒入投下戶計者遂致站赤損弊乞換補站戶從之十月增給各省鋪馬聖旨西川京兆泉州十道甘州中興各五道

武宗至大三年五月給嘉興松江瑞州三路及汴梁等處管民總管府鋪馬聖旨各三道 四年三月詔拘收各衙門鋪馬聖旨命中書省定議以聞省臣言始者站赤隸兵部後屬通政院今通政院怠于整治站赤消乏合依舊命兵部領之制可四月中書省臣又言昨奉旨以站赤屬兵部今右丞相鐵木迭兒等議漢地之驛命兵部領之其鐵烈于納隣末隣等處蒙古站赤仍付通政院帝曰何必如此但今罷通政院悉隸兵部可也閏七月復立通政院領蒙古站赤八月詔大都至上都每站除設驛令丞外設提領三員司吏三名腹裏路分衝要水陸站赤設提領二員司吏二名其餘閑慢驛分止設提領一員司吏一名如無驛令量擬提領二員每一百戶設百戶一名從拘該路府州縣提調正官於站戶內選用三歲爲滿凡濫設官吏頭目人等盡罷之十一月給中政院鋪馬聖旨二十道

仁宗皇慶二年四月增給陝西行臺鋪馬聖旨八道六月中書省臣言典瑞監掌金字圓牌及鋪馬

聖旨三百餘道至大四年凡聖旨皆納之于翰林院以金字圓牌不數增置五十面蓋圓牌遣使和爲軍情大事而設不宜濫給自今求給牌面不經中書省樞密院者宜勿與從之

泰定元年三月遣官賑給帖里干木憐納憐等一百一十九站鈔二十一萬三千三百錠糧七萬六千二百四十四石八斗北方站赤每加津濟至此爲最盛

以上元史兵志

右驛政

元制郡邑設弓手以防盜也內而京師有南北兩城兵馬司外而諸路府所轄州縣設縣尉司巡檢司捕盜所皆置巡軍弓手而其數則有多寡之不同職巡邏專捕獲官有網逮及流徙者至則執兵仗導送以轉相授受外此則不敢役示專其職焉

元史兵志

元太祖時設工匠都總管掌製鎧甲等事渾源人孫威善爲甲嘗以意製蹄筋翎根鎧以獻帝親射之不能徹大悅賜名伊克烏蘭佩以金符授順天安平懷州河南平陽諸路工匠都總管威卒子拱襲職爲甲匠都總管世祖至元間嘗製疊盾其制張則爲盾斂則合而易持世祖以爲古所未有巴延南征時諸路製甲冑拱所製象虎豹異獸之形各殊其制皆稱旨

世祖中統二年六月勅諸路造人馬甲及鐵裝具萬二千輪開平

以上續通考兵考

世祖中統五年隨州府驛路設置巡馬及馬步弓手驗民戶多寡定立額數除本管頭目外本處長

官兼充提控官

元史兵志

至元三年九月命制國用使司造神臂弓千張矢六萬六年十二月詔許打捕戶執把弓箭其餘並行禁斷

續通考
兵考

八年御史臺言諸路宜選年壯熟閑弓馬之人以備巡捕之職弓手數少者亦宜增置除捕盜防轉

不得別行差占

元史
兵志

九年十月回回伊斯瑪音創作巨石砲來獻命送襄陽軍前用之時伊斯瑪音從攻襄陽相地勢置砲于城東南隅重一百五十勛機發聲振天地所擊無不摧陷入地七尺宋安撫呂文煥遂以城降及渡江宋兵陳于南岸擁舟師迎戰時伊斯瑪音已卒子布伯于北岸豎礮以擊之舟悉沉沒後每

戰用之皆有功

續通考
兵考

謹按邱濬大學衍義補曰元人始造此礮以攻襄陽世因目曰襄陽礮又云唐李光弼作礮飛巨石一發輒斃二十餘人疑卽此礮蓋古原有此制流入西番也今考古之用礮惟以機發石耳未聞有用火藥者金之拒元始有振天雷之名邱氏謂此礮之卽本唐人恐未必然

續通考
兵考

二十五年七月命六衛造兵器歲以鐵仗上供其精者有西域砲摺疊弩有十五稍九稍七稍五稍三稍砲又有神鳳弩射八百餘步

十月始造鐵羅圈甲

二十六年四月禁江南民挾弓矢犯者籍而爲兵

三十年十月造象蹄掌甲

成宗元貞元年四月禁達嚕噶齊各投下毋得額外擅造軍器

武宗至大三年三月申嚴漢人軍器之禁

以上續通考兵考

右軍器

元世祖至元三年河南等路統軍副使董文炳造戰艦五百艘習水戰預謀取宋方略

續通考兵考

五年正月勅陝西五路四川行省造戰艦五百艘付宣撫使劉整

續通考兵考

七年阿朮與劉整言圍守襄陽必當以教水軍造戰艦爲先務詔許之教水軍七萬餘人造戰艦五

千艘

元史世祖本紀

八年癸卯宋將范文虎率蘇劉義夏松等舟師十萬援襄陽阿朮率諸將迎擊奪其戰船百餘艘敵

敗走

元史世祖本紀

元阿珠旣築壘斷襄陽糧道宋將夏貴范文虎復相繼來援又分兵出入東岸林谷間阿珠謂諸將

曰此張虛形不可與戰宜整舟師備新堡諸將從之明日宋兵果趨新堡大破之

續通考兵典

九年九月甲子宋襄陽將張貴以輪船出城順流突戰阿朮阿刺海牙等舉烽燃火燭江如晝率舟

師轉戰五十餘里至樞門關生獲貴及將士二千餘人

元史世祖本紀

十年正月命經略使忻都史樞等率兵船大小百有八艘討耽羅賊黨

謹按史言耽羅乃高麗與國世祖既臣服高麗以耽羅爲南宋日本要衝亦注意焉是年高麗叛賊林行之餘黨遁入耽羅故發舟師往討六月卽平之

續通考兵考按語

三月教練水軍于興元金洋州汴梁等處造船三千艘

十一年二月造戰船八百艘于汴梁三月參知政事董文炳軍駐鎮江宋張世傑等陳大艦萬艘碇焦山下江中勁卒屠前文炳身犯之乘輪船大呼突陣諸將繼起自寅至午宋師大敗世傑收遺卒復戰又破之遂東走于海文炳船小不能入海乃還獲戰船七百艘十二年二月元軍次丁家洲宋淮西制置使夏重以戰艦二一五百艘積亘江中賈似道將兵殿其後丞相巴延命左右翼萬戶率騎兵夾江而進砲聲震百里宋軍潰同平章事阿珠促戰船進挺身登舟手柁衝敵船麾何瑋李庭等深入巴延命步騎左右掩之追殺百五十餘里得船二千餘艘七月宋張世傑等以舟師萬艘駐焦山東每十船爲一舫聯以鐵鎖以示必死阿珠登石公山望之曰可燒而走也遂選強健善射者千人載以巨艦分兩翼夾射阿珠居中合勢進擊繼以火矢燒其篷檣煙燄漲天宋兵旣碇舟死戰欲走不能前軍爭赴水死後軍散走追至圖山獲黃白鷄船七百餘艘

三月以舟九百艘征日本先是至元六七年間世祖詔諭高麗國王植送國信使趙良弼通好日本十年良弼復使至大宰府而還至是命鳳州經略使實都高麗軍民總管洪茶邱以千料舟巴圖爾輕疾舟汲水小舟各三百共九百艘載士卒一萬五千征之十月入其國敗之

二十年正月命蒙古軍習舟師者二十人特默齊萬人習水戰者五百人征日本

二十一年正月詔分道征緬于阿昔阿禾兩江造船二百艘順流攻之拔江頭城

二十二年立江西江淮湖廣造船提舉司

四月以征日本船運糧江淮及教軍水戰

六月命女直碩達勒達造船二百艘及造征日本迎風船

十月勅習泛海者募水工至千人者爲千戶百人爲百戶

以上續通考兵考

元時宋兩淮鎮將張世傑孫虎臣以舟師萬艘駐焦山東每十船爲一舫聯以鐵鎖以示必死元將阿珠登石公山望之舳艫連接旌旗蔽江曰可燒而走也遂遣強健善射者千人載以巨艦分兩翼夾射阿珠居中合勢進擊繼以火矢燒其篷樁烟焰漲天宋兵旣斃舟死戰至是欲走不能前軍爭赴水死後軍散走追至圖山獲黃白鷄船七百餘艘自是宋人不復能軍矣

續通考兵考

元武仙遣將盧秀李伯祥帥兵謀襲趙州并取瀝城率戰艦數百艘沿江而下王義具舟楫于紀家莊截下流邀擊之義士卒皆水鄉人善水戰回旋開闔往來如風兩船接則躍登彼舟奮戈疾擊敵莫能當大破之又巴延攻鄂州鄂在漢水北以石爲城宋人又于水南築新郢橫鐵繩鎖艦密樹椿木水中下流黃家灣堡亦設守備之具堡之西溝南通藤湖至江僅數里巴延乃遣將攻黃家灣堡拔之諸軍破竹席地盪舟由藤湖入漢江

續通考兵考

元師伐交趾其國主陳日照隔江列象騎步卒甚盛烏蘭哈達分軍爲三隊濟江徹辰圖從下流先濟大師居中駙馬懷都與阿珠在後仍授徹辰圖方略曰汝軍旣濟勿與之戰彼必來逆我駙馬隨斷其後汝伺便奪其船蠻若潰走至江無船必爲我擒矣又攻文州守將劉祿數月不下謀知城中無井乃奪其汲道率勇士梯城先登殺守陣者數十人遂拔其城又劉元振守瀘州權造金銀牌分賞將士未幾援兵至內外合擊敗之捷聞自陳其擅造金銀牌罪帝嘉其權變賜資甚厚又宋以巨艦載甲士數萬屯清河浮橋相距七十日水暴漲浮橋壞西岸軍多漂溺舒穆魯安扎軍東岸急撤浮橋聚舟岸下士卒得不死

續通典
兵典

元師逼萬州宋人將舟師數百艘遡流迎戰安扎爾順流率勁兵乘巨筏浮草舟于其間弓弩雨射宋人不能敵敗諸夔門又賈似道都督諸路軍馬十三萬號百萬步軍指揮使孫虎臣爲前鋒淮西制置使夏貴以戰艦二千五百艘橫互江中似道將後軍巴延命左右翼萬戶率騎兵夾江而進礮聲震百里宋軍陣動貴先遁以扁舟掠似道船呼曰彼眾我寡勢不支矣似道聞之倉皇失措遽鳴金收軍軍潰眾軍大呼曰宋軍敗矣諸軍戰艦居後者阿珠促騎召之挺身登舟手柁衝敵船舳艫相盪乍分乍合阿珠以小旗麾何瑋李庭等並舟深入巴延命步騎左右犄之追殺百五十餘里溺死無算得船二千餘艘及其軍資器械圖籍符印又張世傑集海艦千餘艘貫以巨索爲柵以自固李恆斷其汲路其勢日逼諭降不可乃陣于船尾由北面逆行擣其柵索絕世傑戰死

續通典
兵典

元張弘範師次崖山宋軍千餘艘碇于海中建樓櫓其上隱然堅壁也弘範引舟師赴之崖山東西對峙其北水淺舟膠非潮來不可進乃由山之東轉南入大洋始得逼其舟又出奇兵斷其後路燒

其宮室

續通典
兵典

元郭寶玉從太祖伐西番次阿穆爾河敵築十餘壘陳船河中俄風濤暴起寶玉令發火弩射其船一時延燒乘勝直前破護岸兵五萬

續通典
兵典

元張榮從太祖征西域至莫蘭河不能涉召問濟河之策榮請造舟太祖曰舟卒難成濟師在何時榮請以一月爲限乃督工匠造舟百艘遂濟又楊奇扎噶師至徐州河不得濟探知賊兵有操舟楫伏澤中帥勁卒數人憑河擊之悉奪舟楫眾遂得渡又楊奇扎噶從安扎爾攻歸德奇扎噶麾諸將縛草作筏渡濠抵城下梯城先登拔之又世祖南伐駐蹕江渚令諸將南渡先達彼岸者舉烽火爲應鄭鼎首達南岸眾軍悉渡又世祖師至嘉陵白水交會勢洶急帝問船幾何可濟汪德臣曰大軍百萬非可延淹當別爲方略卽命繫舟爲梁一夕而成如履坦途又巴延阿珠伐宋趨郢州遇水濶霖雨水溢無舟不能涉巴延曰吾且飛渡大江而憚此潢潦耶乃召一壯士負甲仗騎而前導麾諸軍畢濟夾鹽山又先是襄樊兩城漢水出其間宋植木江中聯以鐵鎖中立浮梁以通援兵樊恃此爲固至是巴延師至漢口阿珠以機鋸斷木以斧斷鎖焚其橋襄兵不能援遂拔樊城守將呂文煥懼而出降又舒穆魯安扎攻蜀敘州守將橫截江津不得渡安扎聚軍中牛皮作澤脫及皮船乘之

與戰破其軍奪渡口爲浮橋以濟

續通典
兵典

右舟師水戰

古者寓兵于農漢魏而下始置屯田爲守邊之計有國者善用其法則亦養兵息民之要道也國初用兵征討遇堅城大敵則必屯田以守之海內旣一于是內而各衛外而行省皆立屯田以資軍餉或因古之制或以地之宜其爲慮蓋甚詳密矣大抵勺陂洪澤甘肅瓜沙因昔人之制其地利蓋不減于舊和林陝西四川等地則因地之宜而肇爲之亦未嘗遺其利焉至于雲南八番海南海北雖非屯田之所而以爲蠻夷腹心之地則又因制兵屯旅以控扼之由是而天下無不可屯之兵無不可耕之地矣今故著其建置增損之槩而內外所轄軍民屯田各以次列焉

樞密院所轄

左衛屯田 世祖中統三年三月調樞密院二千人于東安州南永清縣東荒土及本衛元古牧地立屯開耕分置左右手屯田千戶所爲軍二千名爲田一千三百一十頃六十五畝

右衛屯田 世祖中統三年三月調本衛軍二千人于永清益津等處立屯 開耕分置左右手屯田千戶所其屯軍田畝之數與左衛同

中衛屯田 世祖至元四年于武清香河等縣置立十一年以各屯地界相去百餘里往來耕作不便遷于河西務荒莊楊家口青臺楊家白等處其屯軍之數與左衛同爲田一千三十七頃八十二

畝

前衛屯田 世祖至元十五年九月以各省軍入備侍衛者于霸州保定涿州荒閑地土屯種分置左右手屯田千戶所屯軍與左衛同爲田一千頃

後衛屯田 置立歲月與前衛同後以永清等處田畝低下遷昌平縣之太平莊泰定三年五月以太平莊乃世祖經行之地營盤所在春秋往來牧放衛士頭匹不宜與漢軍立屯遂罷之止于舊立屯所耕作如故屯軍與左衛同爲田一千四百二十八頃一十四畝

武衛屯田 世祖至元十八年發遼南軍人三千名于涿州霸州保定定興等處置立屯田分設廣備萬益等六屯別立農政院以領之二十二年罷農政院爲司農寺自後與民相參屯種二十五年別立屯田萬戶府分管屯種軍人二十六年以屯軍屬武衛親軍都指揮使司兼領屯田事仁宗皇慶元年改屬衛率府後復歸之武衛英宗至治元年命以廣備利民二千戶軍人所耕地土與左衛率府忙古鴈屯田千戶所互相更易屯軍三千名爲田一千八百四頃四十五畝

左翼屯田萬戶府 世祖至元二十六年二月罷蒙古侍衛軍從人之屯田者別以幹端別十八里回還漢軍及大名衛輝兩翼新附軍與前後二衛迤東邊戍士卒合併屯田設左右翼屯田萬戶府以領之遂于大都路霸州及河間等處立屯開耕置漢軍左右手二千戶新附軍六千戶所爲軍二千五十一名爲田一千三百九十九頃五十二畝

右翼屯田萬戶府其置立歲月與左翼同成宗大德元年十一月發眞定軍人三百名于武清縣崔黃口增置屯田仁宗延祐五年四月立衛率府以本府屯田并屬詹事院後復歸之樞密分置漢軍

千戶所三別置新附軍千戶所以爲軍一千五百四十人爲田六百九十九頃五十畝

中翊侍衛屯田 世祖至元二十九年十一月命各萬戶府摘大同隆興太原平陽等處軍人四千名于燕只哥赤斤地面及紅城周迴置立屯田開耕荒田二千頃仍命西京宣慰司領其事後改立大同等處屯儲萬戶府以領之成宗大德十一年改侍衛親軍都指揮使司仍領屯田武宗至大四年以黃華領新附屯田軍一千人併歸本衛則立屯署是年改大同侍衛爲中都威衛屬之徽政院分屯軍二千置營軍翼止以二千人分置左右手屯田千戶所黃華領新附軍屯如故仁宗延祐二年遷紅城屯軍于古北口太平莊屯種五年復僉中都威衛軍八百人于左都威衛所轄地內別立屯署七年十二月罷左都威衛及太平莊白草營等處屯田復于紅城周迴立屯仍屬中都威衛英宗至治元年始改爲忠愍侍衛屯田如故爲田二千頃後移置屯所不知其數

左右欽察衛屯田 世祖至元二十四年發本衛軍一千五百一十二名分置左右手屯田千戶所

及欽察屯田千戶所于清州等處屯田英宗至治二年始分左右欽察衛以左右手屯田千戶所分屬之文宗天曆二年創立龍聖侍衛復以隸馬爲軍左手千戶所七百五名右手千戶所四百三十七名欽察千戶所八百名爲田左手千戶所一百三十七頃五十畝右手千戶所二百一十八頃五

十畝欽察千戶所三百頃

左衛率府屯田 武宗至大元年六月命于大都路朔州武清縣及保定路新城縣置立屯田英宗至治元年以武衛與左衛率府屯田地界相離隔絕不便耕作命以兩衛屯田互更易之分置三翼屯田千戶所爲軍三千人爲田一千五百頃

宗仁衛屯田 英宗至治二年八月發五衛漢軍二千人于大寧等處創立屯田分置兩翼屯田千戶所爲田二千頃

宣忠扈衛屯田 文宗至順元年十二月命收聚詎一萬斡羅斯給地一百頃立宣忠扈衛親軍萬戶府屯田依宗仁衛例

大農司所轄

永平屯田總管府 世祖至元二十四年八月以北京採取材木百姓三千餘戶于灤州立屯設官署以領其事爲戶三千二百九十爲田一萬一千六百一十四頃四十九畝

營田提舉司 不詳其建置之始其設立處所在大都朔州之武清縣爲戶軍二百五十三民一千二百三十五析居放良四百八十不蘭奚二百三十二火者一百七十口獨居不蘭奚一十二口黑瓦木丁八十二名爲田三千五百二頃九十三畝

廣濟署屯田 世祖至元二十二年正月以崔黃口空城屯田歲勞不收遷于清滄等處後大司農

寺以尙珍署舊領屯夫二百三十戶歸之既又遷濟南河間五百五十戶平濼真定保定三路屯夫四百五十戶併入本屯爲戶共一千二百三十爲田一萬二千六百頃三十八畝

宣徽院所轄

淮東淮西屯田打捕總管府 世祖至元十六年募民開耕連海州荒地官給禾種自備牛具所得子粒官得十之四民得十之六仍免屯戶徭役屢欲中廢不果二十七年所轄提舉司一十九處併爲十二其後再併止設八處爲戶一萬一千七百四十三爲田一萬五千一百九十三頃三十九畝
豐閔署 世祖至元二十二年創立于大都路薊州之豐閔縣爲戶八百三十七爲田三百四十九頃

寶坻屯 世祖至元十六年命大都屬邑編民三百戶立屯于大都之寶坻縣爲田四百五十頃
尙珍署 世祖至元二十三年置立于濟寧路之兗州爲戶四百五十六爲田九千七百一十九頃
七十二畝

腹裏所轄軍民屯田

大同等處屯儲總管府屯田 成宗大德四年以西京黃華嶺等處田土頗廣發軍民九千餘人立屯開耕六年始設屯儲軍民總管萬戶府十一年放罷漢軍還紅城屯所止存民夫在屯仁宗時改萬戶府爲總管府爲戶軍四千二十民五千九百四十五爲田五千頃

虎賁親軍都指揮使司屯田 世宗至元十七年十二月月兒魯官人言近于滅捏怯土赤納赤高州忽蘭若班等處改置驛傳臣等議可于舊置驛所設立屯田從之二十八年發虎賁親軍二千入屯二十九年增軍一千凡立三十四屯于上都置司爲軍三千人佃戶七十九爲田四千二百二頃七十九畝

橫北行省屯田 世祖至元二十一年併和林阿刺觥元領軍一千人入五條河成宗元貞元年摘六衛漢軍一千名赴稱海屯田大德三年以五條河漢軍悉併入稱海仁宗延祐三年罷稱海屯田復立屯于五條河六年分揀蒙古軍五千人復屯田稱海七年命依世祖舊制稱海五條河俱設屯田發軍一千人于五條河立屯英宗時立屯田萬戶府爲戶四千六百四十八爲田六千四百餘頃遼陽等處行中書省所轄屯田

大寧路海陽等處打捕屯田所 世祖至元二十三年以大寧遼陽平樂諸路拘刷漏籍放良孛蘭奚人戶及僧道之遺俗者立屯于瑞州之西瀕海荒地開耕設打捕屯田總管府成宗大德四年罷之止立打捕屯田所爲戶元撥并召募共一百二十二爲田二百三十頃五十畝

浦峪路屯田萬戶府 世祖至元二十九年十月以蠻軍三百戶女直一百九十戶于威平府屯種三十年命本府萬戶和魯古鵬領其事仍于茶刺罕刺憐等處立屯三十一年罷萬戶府屯田仁宗大德二年發蠻軍三百戶屬肇州蒙古萬戶府止存女直一百九十戶依舊立屯爲田四百頃

金復州萬戶府屯田 世祖至元二十一年五月發新附軍一千二百八十一戶于忻都察置立屯田二十六年分京師應役新附軍一千人屯田哈思罕關東荒地三十年以王龍帖木兒塔失海牙兩萬戶新附軍一千三百六十戶併入金復州立屯耕作爲戶三千六百四十一爲田二千五百二十三頃

肇州蒙古屯田萬戶府 成宗元貞元年七月以乃顏不魯古赤及打魚水達達女直等戶于肇州旁近地開耕爲戶不魯古赤二百二十戶水達達八十戶歸附軍三百戶續增漸丁五十二戶

河南行省所轄軍民屯田

南陽府民屯 世祖至元二年正月詔孟州之東黃河之北南至八柳樹枯河徐州等處凡荒閑地土可令阿木阿刺罕等所領士卒立屯耕種并摘各萬戶所管漢軍屯田六年以攻襄樊軍餉不足發南京河南歸德諸路編民二萬餘戶于唐鄧申裕等處立屯八年散還元屯戶則僉南陽諸色戶計立營田使可領之尋罷改立南陽屯田總管府後復罷止隸有司爲戶六千四十爲田一萬六千六百六十二頃七畝

洪澤萬戶府屯田 世祖至元二十三年立洪澤南北三屯設萬戶府以統之先是江淮行省言國家經費糧儲爲急今屯田之利無過兩淮況勺陂洪澤皆漢唐舊營立屯之地若令江淮新附漢軍屯田可歲得糧百五十餘萬石至是從之三十一罷三屯萬戶止立洪澤屯田萬戶府以統之其

置立處所在淮安路之白水塘黃家疇等處爲戶一萬五千九百九十四名爲田三萬五千三百一十二頃二十一畝

芍陂屯田萬戶府 世祖至元二十一年二月江淮行省言安豐之芍陂可溉田萬餘頃乞置三萬人立屯中書省議發軍士二千人姑試行之後屯戶至一萬四千八百八名

德安等處軍民屯田總管府 世祖至元十八年以各翼取到漢軍及各路拘收手就新附軍分置十屯立屯田萬戶府三十一年改立總管府爲民九千三百七十五名軍五千九百六十五名爲田八千八百七十九頃九十六畝

陝西等處行中書省所轄軍民屯田

陝西屯田總管府 世祖至元十一年正月以安西王府所管編民二千戶立櫟陽涇陽終南渭南屯田十八年立屯田所十九年以軍站屯戶拘收爲怯憐口戶計放還而無所歸者籍爲屯戶立安西平涼屯田設提領所以領之二十九年立鳳翔鎮原彭原屯田放罷至元十年所僉接應成都延安軍人置立民屯設立屯田所尋改爲軍屯令千戶所管領三十年復更爲民屯爲戶鳳翔一千一百二十七戶鎮原九百一十三戶櫟陽七百八十六戶後存六百五十戶涇陽六百九十六戶後存六百五十八戶彭原一千二百三十八戶安西七百二十四戶後存二百六十二戶平涼二百八十八戶終南七百七十一戶後存七百一十三戶渭南八百一十一戶後存七百六十六戶爲田鳳翔

九十頃一十二畝鑲原四百二十六頃八十五畝櫟陽一千二十頃九十九畝涇陽一千二十頃九十九畝彭原五百四十五頃六十八畝安西四百六十七頃七十八畝平涼一百一十五頃二十畝終南九百四十三頃七十六畝渭南一千二百二十二頃三十一畝

陝西等處萬戶府屯田 世祖至元十九年二月以盤屋南係官荒地發歸附軍立孝子林張馬村軍屯二十年以南山把口子巡哨軍人八百戶于盤屋之杏園莊寧州之大昌原屯田二十一年發文州鑲成新附軍九百人立亞栢鑲軍屯復以燕京戍守新附軍四百六十三戶于德順州之威戎立屯開耕爲戶孝子林屯三百一戶張馬村屯三百一十三戶杏園莊屯二百三十三戶大昌原屯四百七十四戶亞栢鑲屯九百戶威戎屯四百六十三戶爲田孝子林二十三頃八十畝張馬村七十三頃八十畝杏園莊一百一十八頃三十畝大昌原一百五十八頃七十九畝亞栢鑲二百六十八頃五十九畝威戎一百六十四頃八十畝

費赤延安總管府屯 世祖至元十九年以拘收贖身放良不蘭奚及漏籍戶計于延安路探馬赤草地屯田爲戶二千二十七爲田四百八十六頃

甘肅等處行中書省所轄軍民屯田

寧夏等處新附軍萬戶府屯田 世祖至元十九年三月發遼南新附軍一千三百八十二戶往寧夏等處屯田二十一年遣塔塔裏千戶所管軍人九百五十八戶屯田爲田一千四百九十八頃三

十三畝

管軍萬戶府屯田 世祖至元十八年正月命肅州沙州瓜州置立屯田先是遣都元帥劉恩往肅州諸郡視地之所宜恩還言宜立屯田遂從之發軍于甘州黑山子滿峪泉水渠鴨子翅等處立屯田爲戶二千二百九十爲田一千一百六十六頃六十四畝

靈夏營田司屯田 世祖至元八年正月僉發己未年隨州鄂州投降人民一千一百七戶往中興居住十一年編爲屯田戶凡二千四百丁二十三年續僉漸丁得三百人爲田一千八百頃

靈夏路放良官屯田 世祖至元十一年從安撫司請以招收放良人民九百四戶編聚屯田爲田四百四十六頃五十畝

亦集乃屯田 世祖至元十六年調歸附軍人于甘州十八年以充屯田軍二十二年遷甘州新附軍二百人往屯亦集乃合卽渠開種爲田九十一頃五十畝

江西等處行中書省所轄屯田

贛州路南安寨兵萬戶府屯田 成宗大德二年正月以贛州路所轄信豐會昌龍南安遠等處賊人出沒發寨兵及宋舊役弓手與抄數漏籍人戶立屯耕守以鎮遏之爲戶三千二百六十五爲田五百二十四頃六十八畝

江浙等處行中書省所轄屯田

汀漳屯田 世祖至元十八年以福建調軍糧儲費用依腹裏例置立屯田命管軍總管鄭楚等發鎮守士卒年老不堪備征戰者得百有十四人又募南安等縣居民一千八百二十五戶立屯耕作成宗元貞三年命于南詔黎舍各立屯田摘撥見戍軍人每屯置一千五百名及將所招陳弔眼等餘黨入屯與軍人相參耕種爲戶汀州屯一千五百二十五名漳州屯一十五百一十三名爲田汀州屯二百二十五頃漳州屯二百五十頃

高麗國立屯

高麗屯田 世祖至元七年創立是時東征日本欲積糧餉爲進取之計遂以王綽洪茶丘等所管高麗戶二千人及發中衛軍二千人合婆娑府咸平府軍各一千人于王京東寧府鳳州等一十處置立屯田設經畧司以領其事每屯用軍五百人

四川行省所轄軍民屯田二十九處

廣元路民屯 世祖至元十三年從利路元帥言廣元實東西兩川要衝支給浩繁經理係官田畝得九頃六十畝遂以褒州刷到無主人口偶配爲十戶立屯開種十八年發新得州編民七十七戶屯田爲戶共八十七

敘州宣撫司民屯 世祖至元十一年命西蜀四川經畧使起立屯田十五年僉長寧軍富順州等處編民四百七十五戶立屯耕種十九年續僉一百六十戶二十年敘州僉民一千九百戶二十五

年富順州復僉民六百八戶增入舊屯二十七年取勘析出屯戶得二百八十四成宗元貞二年復放罷站戶一千一十七戶依舊屯田總之爲戶四千四百四十四

紹慶路民屯 世祖至元十九年于本路未當差民戶內僉二十三名置立屯田二十年于彭水縣籍管萬州寄戶內僉撥二十戶二十一年僉彭水縣未當差民戶二十二戶增入二十六年屯戶貧乏者多負逋復僉彭水縣編民一十六戶補之爲戶九十一

嘉定路民屯 世祖至元十九年僉亡宋編民四戶置立屯田成宗元貞元年撥成都義士軍八戶增入爲戶一十二

順慶路民屯 世祖至元十二年僉順慶民三千四百六十八戶置立屯田十九年復于民戶內差撥一千三百二十六戶置民屯二十年復僉二百一十二戶增入總之五千一十六戶

瀘川府民屯 世祖至元十一年僉本府編民及義士軍二千二百二十四戶立屯十三年復僉民一百四十二戶二十一年行省遣使于遂寧府擇監夫之老弱廢疾者得四十六戶僉充屯戶總之二千四百一十二戶

夔路總管府民屯 世祖至元十一年置累僉本路編民至五千二十七戶續于新附軍內僉老弱五十六戶增入

重慶路民屯 世祖至元十一年置累于江津巴縣瀘州忠州等處僉撥編民二千三百八十七戶

井召募共三千五百六十六戶

成都路民屯 世祖至元十二年僉陰陽人四十戶辦納屯糧二十二年續僉瀘州編民九千七戶充屯田戶三十一年續僉千戶高德所管民一十四戶

保寧萬戶府軍屯 世祖至元一十六年保寧府言本管軍人一戶或二丁三丁父兄弟子應役實爲重併若又遷于成都屯種去家隔遠逃匿必多乞令本府在營士卒及夔路守鎮軍人止于保寧沿江屯種從之僉軍一千二百名二十七年發屯軍一百二十九人從萬戶也速迭兒西征別僉漸丁軍人入屯爲戶一千三百二十九名爲田一百一十八頃二十七畝

敘州等處萬戶府軍屯 成宗元貞二年改立敘州軍屯遷遂寧屯軍二百三十九人于敘州宣化縣鴨口上下荒地開耕爲田四十一頃八十三畝

重慶五路守鎮萬戶府軍屯 仁宗延祐七年發軍一千二百人于重慶路三堆中增趙市等處屯耕爲田四百二十頃

夔路萬戶府屯軍 世祖至元二十一年從四川行省議除沿邊重地分軍鎮守餘軍一萬人命官于成都諸處擇膏腴地立屯開耕爲戶三百五十一人爲田五十六頃七十畝凡創立十四屯

成都等路萬戶府軍屯于本路崇慶州義興鄉楠木園置立爲戶二百九十九人爲田四十二頃七十畝

河東陝西等路萬戶府軍屯 置立于灌州之青城陶埧及崇慶州之大冊頭等處爲戶一千一百二十八名爲田二百八頃七畝

廣安等處萬戶府軍屯 置立于成都路崇慶州之七寶埧爲戶一百五十名爲田二十六頃二十五畝

保寧萬戶府軍屯 置立于重慶州晉源縣之金馬爲戶五百六十四名爲田七十五頃九十五畝

敘州萬戶府軍屯 置立于灌州之青城爲戶二百二十一名爲田三十八頃六十七畝

五路萬戶府軍屯 置立于成都路崇慶州之大柵鎮孝感鄉及灌州青城縣之懷仁鄉爲戶一千

一百六十一名爲田二百三頃一十七畝

興元金州等處萬戶府軍屯 置立于崇慶州晉源縣孝感鄉爲戶三百四十四名爲田五十六頃

隨路八都萬戶府軍屯 置立于灌州青城溫江縣爲戶八百三十二名爲田一百六十二頃五十

七畝

舊附等軍萬戶府軍屯 置立于灌州青城縣崇慶州等處爲戶一千二名爲田一百二十九頃五

十畝

礮手萬戶府軍屯 置立于灌州青城縣龍池鄉爲戶九十六名爲田一十六頃八十畝

順慶軍屯 置立于晉源縣義興鄉江源縣將軍橋爲戶五百六十五名爲田九十八頃八十七畝

平陽軍屯 置立于瀘州青城崇慶州大柵頭爲戶三百九十八名爲田六十九頃六十五畝

遂寧州軍屯爲戶二千名爲田三百五十頃

嘉定萬戶府軍屯 世祖至元二十一年摘蒙古漢軍及嘉定新附軍三百六十人于崇慶州青城

等處屯田二十八年還之元翼止餘屯軍一十三名爲田二頃二十七畝

順慶等處萬戶府軍屯 世祖至元二十六年發軍于沿江下流漢初等處屯種爲戶六百五十六

名爲田一百一十四頃八十畝

廣安等處萬戶府軍屯 世祖至元二十七年撥廣安舊附漢軍一百一十八名于新明等處立屯

開耕爲田二十頃六十五畝

雲南行省所轄軍民屯田一十二處

威楚提舉司屯田 世祖至元十五年于威楚提舉鹽使司拘刷漏籍人戶充民屯本司就領其事
舉中原之制不同爲戶三十三爲田十百六十五雙

大理金齒等處宣慰司都元帥府軍民屯 世祖至元十二年命於所轄州縣拘刷漏籍人戶得六

千六十有六戶置立屯田十四年僉本府編民四百戶益之十八年續僉永昌府編民一千二百七

十五戶增入二十六年立大理軍屯于爨戛軍內撥二百戶二十七年復僉爨戛軍人二百八十一

戶增入二十八年續增一百一十九戶總之民屯二千七百四十一戶軍屯六百戶爲田軍民已業

二萬二千一百五雙

鶴慶路軍民屯田 世祖至元十二年僉鶴慶路編民一百戶立民屯二十七年僉變契軍一百五十二戶立軍屯爲田軍屯六百八雙民屯四百雙俱已業

武定路總管府軍屯 世祖至元二十七年以雲南戍軍糧餉不足于和曲祿勸二州變契軍內僉一百八十七戶立屯耕種爲田七百四十八雙

威楚路軍民屯田 世祖至元十五年立威楚民屯拘刷本路漏籍人戶得一千一百一戶內八百六十六戶官給無主荒田四千三百三十雙餘戶自備已業田一千一百七十五雙二十七年始立屯軍于本路變契軍內僉三百九十九戶內一十五戶官給荒田六十雙餘戶自備已業田一千五百三十六雙

中慶路軍民屯田 世祖至元十二年置立中慶民屯于所屬州縣內拘刷漏籍人戶得四千一百九十七戶官給田一萬七千二十二雙自備已業田二千六百二雙二十七年始立軍屯用變契軍人七百有九戶官給田二百三十四雙自備已業田二千六百一雙

曲靖等處宣慰司兼管軍萬戶府軍民屯田 世祖至元十二年立曲靖路民屯拘刷所轄州郡諸色漏籍人戶七百四十戶立屯十八年續僉民一千五百戶增入其所耕之田官給一千四百八十雙自備已業田三千雙十二年立澂江民屯所僉屯戶與曲靖同凡一千二百六十戶二十六年始

立軍屯于爨焚軍內僉一百六十九戶二十七年復僉一百二十六戶增入十二年立仁德府民屯所僉屯戶與激汪同凡八十戶官給田一百六十雙二十六年始立軍屯僉爨焚軍四十四戶二十七年續僉五十六戶增入所耕田畝四百雙俱係軍人已業

烏撒宣慰司軍民屯田 世祖至元二十七年立烏撒路軍屯以爨焚軍一百一十四戶屯田又立東川路民屯屯戶亦係爨焚軍人八十六戶皆自備己業

臨安宣慰司兼管軍萬戶府軍民屯田 世祖至元十二年立臨安民屯二處皆于所屬州縣拘刷漏籍人戶開耕宣慰司所管民屯三百戶田六百雙本路所管民屯二千戶田三千四百雙二十七年續立爨焚軍屯爲戶二百八十八爲田一千一百五十二雙

梁千戶翼軍屯 世祖至元三十年梁王遣使詣雲南行省言以漢軍一千人置立屯田三十一年發三百人備鎮戍邊邊止存七百人于烏蒙屯田後遷于新興州爲田三千七百八十九雙

羅羅斯宣慰司兼管軍萬戶府軍民屯田 世祖至元二十七年立會通民屯屯戶係爨焚土軍二戶十六年立建昌民屯撥編民一百四戶二十三年發爨焚軍一百八十戶立軍屯是年又立會川路民屯發本路所轄州邑編民四十戶十六年立德昌路民屯發編民二十一戶二十年始立軍屯發爨焚軍人一百二十戶

烏蒙等處屯田總管府軍屯 仁宗延祐二年立烏蒙軍屯先是雲南行省言烏蒙乃雲南咽喉之

地別無屯戍軍馬其地廣闊土脈膏腴皆有古昔屯田之蹟乞發畏吾兒及新附漢軍屯田俱遇至是從之爲戶軍五千人爲田一千二百五十頃

湖廣等處行中書省所轄屯田二處

海北海南道宣慰司都元帥府民屯 世祖至元三十年召募民戶并發新附士卒于海南海北等處置立屯田成宗元貞元年以其地多瘴癘縱屯田軍二千人還各翼留二千人與召募民之屯種大德三年罷屯田萬戶府屯軍悉令還役止令民戶八千四百二十八戶屯田瓊州路五千一十一戶雷州路一千五百六十六戶高州路九百四十八戶化州路八百四十三戶廉州路六十戶爲田瓊州路二百九十二頃九十八畝雷州路一百六十五頃五十一畝高州路四十五頃化州路五十五頃二十四畝廉州路四頃八十八畝

廣西兩江道宣慰司都元帥撞兵屯田 成宗大德二年黃聖許叛逃之交趾遺棄水田五百四十五頃七畝部民有呂瑛者言募牧蘭等處及融慶溪洞徭獠民丁于上浪忠州諸處開屯耕種十年平大任洞賊黃德靈等以其地所遺田土續置藤州屯田爲戶上浪屯一千二百八十二戶忠州屯六百一十四戶那扶屯一千九戶雷留屯一百八十七戶水口屯一千五百九十九戶續增藤州屯二百八頃一十九畝

湖南道宣慰司衡州等處屯田 世祖至元二十五年調德安屯田萬戶府軍士一千四百六十七

名分置衡州之清化永州之烏符武岡之白倉置立屯田二十七年募衡陽縣無土產居民得九戶
增入清化屯爲戶清化屯軍民五百九戶烏符屯軍民五百戶白倉屯同爲田清化屯一百二十頃
一十九畝烏符屯一百三頃五十畝白倉屯八十六頃九十二畝

以上元史兵志續通考同

右屯田

二十四史九通政典類要合編卷二百五十四

元十八

刑制 詳錄 徒流 補沒 赦宥 恤刑

平反 贖刑 決贖 守正 嚴酷

自古有天下者雖聖帝明王不能去刑法以爲治是故道之以德義而民弗從則必律之以法法復違焉則刑辟之施誠有不得已者是以先王制刑非以立威乃所以輔治也故書曰士制百姓于刑之中以教祗德後世專務贖刑任法以爲治者無乃昧於本末輕重之義乎厯代得失考諸史可見已元興其初未有法守百司斷理獄訟循用金律頗傷嚴刻及世祖平宋疆理混一由是簡除繁苛始定新律頒之有司號曰至元新格仁宗之時又以格例條畫有關於風紀者類集成書號曰風憲宏綱至英宗時復命宰執儒臣取前書而加損益焉書成號曰大元通制

五刑

笞刑

七下

十七

二十七

三十七

四十七

五十七

杖刑

六十七

七十七

八十七

九十七

一百七

徒刑

一年 杖六十七 一年半 杖七十七 二年 杖八十七 二年半 杖九十七 三年 杖一百七

流刑

遼陽

湖廣

遼北

死刑

斬

凌遲處死

五服

斬衰

三年

子爲父婦爲夫之父之類

齊衰

三年 杖期 期 五月 三月

爲母婦爲夫之母之類

大功

九月 長殤九月 中殤七月

爲同堂兄弟爲姑姊妹適人者之類

小功

五月 殤

爲伯叔祖父母爲再從兄弟之類

總麻

三月

爲族兄弟爲族曾祖父母之類

十惡

謀反

謂謀危社稷

謀大逆

謂謀毀宗廟山陵及宮闕

謀叛

謂謀背國從僞

惡逆

謂毆及謀殺祖父母父母殺伯叔父母姑兄姊外祖父母夫夫之祖父母父母者

不道

謂殺一家非死罪三人及支解人造畜蠱毒魘魅

大不敬

謂盜大祀神御之物乘輿服御物盜及僞造御寶合和御藥誤不如本方及封題誤若造御膳誤犯食禁御幸舟船誤不牢固指斥乘輿情理切害及對捍制使而無人臣之禮

不孝

謂告言詛訐祖父母父母及祖父母父母在別籍異財若供養有闕居父母喪身自嫁娶若作樂釋服從吉聞祖父母父母喪匿不舉哀詐稱祖父母父母死

不睦

謂謀殺及賣總麻以上親毆告夫及大功以上尊長小功尊屬

不義

謂殺本屬府主刺史縣令見受業師吏卒殺本部五品以上官長及聞夫喪匿不舉哀若作樂釋服從吉及改嫁

內亂

謂姦小功以上親父祖妾及與和者

八議

議親

謂皇帝袒免以上親及太皇太后皇太后總麻以上親皇后小功以上親

議故

謂故舊

議賢

謂有大德行

議能

謂有大才業

議功

謂有大功勳

議貴

謂職事官三品以上散官二品以上及爵一品者

議勤

謂有大勤勞

議賔

謂承先代之後爲國賓者

詐僞

諸主謀僞造符寶及受財鑄造者皆處死同情轉募工匠及受募刻字者杖一百七僞造制衣者與符寶同 諸妄增減制書者處死 諸近侍官輒詐傳上旨者杖一百七除名不敘 諸僞造省府

印信文字但犯制敕者處死若偽造省府劄付者杖一百七再犯流遠知情不首者八十七其文理訛謬不堪行用者九十七若爲造司縣印信文字造呼平民勒取財物者初犯杖七十七累犯不悛者一百七 諸偽造宣慰司印信契本及商稅務情由欺冒商賈者杖一百七 諸赦前偽造省印赦後不曾銷毀杖七十七有官者奪所受宣敕除名不敘 諸掾屬輒造省官押字盜用省印賣放官職者雖會赦流遠 諸偽造稅物雜印私熬顏色偽稅物貨者杖八十七告捕得實者蔽中統鈔一百貫充賞物主知情減犯人罪一等其匿稅之物一半沒官於沒官物內一半付告人充賞不知情者不坐物給元主其捕獲人擅自脫放者減犯人罪二等受財者與犯人同罪 諸省部小史爲人誤毀行移檢札輒自刻印信偽補署押求蓋本罪無他情弊者杖七十七發元籍 諸僧道偽造諸王印信及令旨抄題者處死 諸盤獲偽造印信之人同獲強盜給賞 諸告獲私造曆日者賞銀一百兩如無太史院曆日印信便同私曆造者以違制論 諸受財賣他人教牒及收買轉賣者杖一百七刺面發元籍買者杖八十七發元籍 諸職官破差以疾輒令人代乘驛傳而往者杖六十七代者笞五十七 諸公差於官船夾帶從人冒支分例者笞一十七記過支過分例米追徵還官 諸詐稱使臣偽寫給驛文字起馬匹舟船者杖一百七有司失覺察輒憑無印信關牒倒給者判署官笞三十七首領官吏四十七 諸職官詐傳上司言語擅起驛馬者杖六十七脫脫禾孫依隨擅給驛馬者笞五十七並解職別敘記過驛官二十七還職 諸詐稱接部官恐嚇官吏者杖六

十七 諸詐稱監臨長官署置差遣欺取錢物者杖八十七錢物沒官 諸詐稱奉使所委官聽理民訟者杖九十七詐稱隨行令史者笞五十七 諸偽造寶鈔首謀起意并雕板抄紙收買顏料書填字號窩藏印造但同情者皆處死仍沒其家產兩隣知而不首者杖七十七坊正主首社長失覺察并巡捕軍兵各笞四十七捕盜官及鎮守巡捕軍官各三十七未獲賊徒依強盜立限緝捕買使偽鈔者初犯杖一百七再犯加徒一年三犯科斷流遠 諸捕獲偽鈔賞銀五錠給銀不給鈔 諸父子同造偽鈔者皆處死 諸父造偽鈔子聽給使不與父同坐子造偽鈔父不同造不與子同坐 諸夫偽造寶鈔者妻不坐 諸偽造寶鈔印板不全者杖一百七 諸偽造寶鈔沒其家產不及其妻子 諸赦前收藏偽鈔赦後行使者杖一百七不曾行使而不首者減一等 諸偽造鈔罪應死者雖親老無兼丁不聽上請 諸捕獲偽造寶鈔之人雖已身故其應得賞鈔仍給其親屬 諸奴婢買使偽鈔其主陳首者不在理賞之例 諸挑剝裨贖寶鈔者不分首從杖一百七徒一年再犯流遠年七十以上者呈稟定奪毋輒聽贖買使者減一等 諸燒造偽銀者徒 諸造賣偽銀買主不知情價錢給主偽銀內銷提真銀沒官依本犯科罪 諸偽造各倉支發糧籌者笞五十七已支出官糧者準盜係官錢物科罪倉官人等有犯者依監主自盜法贖重者從重論 諸冒支官錢計贖以枉法論並除名不敘 諸冒名入仕者杖六十七奪所受命追俸發元籍會赦不首笞四十七仍追奪之 諸奴受主命冒充職官者杖九十七其主及同僚相容隱者八十七 諸子冒父官

居職任事者杖七十七犯在革前革後不出首者笞四十七並追回所受宣敕及支過俸祿違官
諸邊臣輒以子婿詐稱招徠蠻獠保充土官者除名不敘拘奪所授官 諸軍官承襲舊增年者監
察御史廉訪司糾察之濫保官吏並坐罪 諸職官妄報出身履歷者除名不敘 諸驛史令史有
過不敘詐稱作闕別處補用者笞五十七罷役不敘承諸輸納官物輒增改朱鈔者杖六十七罷之
諸有司長官輒以追到盜賊支使却虛立給主文案者雖會赦解職降先職二等敘承吏除名不
敘承諸帥府上功文字詐添有功軍人名數主謀者杖八十七除名不敘隨從書寫者笞五十七
諸詐以軍功受舉入仕者罷之仍奪所受命 諸擅改己奏官員選目姓名者雖會赦除名發元籍
諸曹吏輒於公牘改易年月圖追罪責者笞五十七罷役別敘記過 諸譁強之人輒爲人僞增
籍面者杖八十七紅泥粉壁識過其門 諸蒙古譯史能辨出詐僞文字二起以上者減一資陞轉

訴訟

諸告人罪者須明注年月指陳實事不得稱疑誣告者抵罪反坐越訴者笞五十七本屬官司有過
及有冤抑屢告不理或理斷偏屈并應合迴避者許赴上司陳之 諸訴訟本爭事外別生餘事者
禁其本爭事畢別訴者聽 諸軍民風憲官有罪各從其所屬上司訴之 諸民間雜犯赴有司陳
首者聽 諸告言重事實輕事虛免坐輕事實重事虛反坐 諸中外有司發人家錄私書輒興獄
訟者禁之若本宗事須引用證據者仍聽追照其構飾傳會以文致人罪者審辨之除本宗外餘事

並勿聽理 諸教令人告總麻以上親及奴婢告主者各減告者罪一等若教令人告子孫各減所
告罪二等其教令人告事虛應反坐或得實應賞者皆以告者爲首教令爲從 諸老廢篤疾事須
爭訴止令同居親屬深知本末者代之若謀反大逆子孫不孝爲同居所侵侮必須自陳者聽 諸
致仕得代官不得已與齊民訟許其親屬家人代訴所司毋侵撓之 諸婦人輒代男子告辨爭訟
者禁之若果寡居及雖有子男爲他故所妨事須爭訟者不在禁例 諸子證其父奴許其主及妻
妾弟姪不相容隱凡干名犯義爲風化之玷者並禁止之 諸親屬相告並同自首 諸妻許夫惡
比同自首原免凡夫有罪非惡逆重事妻得相容隱而輒告許其夫者笞四十七 諸妻曾背夫而
逃被斷復誣告其夫以重罪者抵罪反坐從其夫嫁賣 諸職官同僚相言者並解職別敘記過
諸告人罪者自下而上不得越訴諸府州司縣應受理而不受理雖受理而聽斷偏屈或遷延不決
者隨輕重而罪罰之 諸訴官吏受賂不法徑赴憲司者不以越訴論 諸陳訴有理路府州縣不
行訴之省部臺院省部臺院不行經乘輿訴之未訴省部臺院輒經乘輿訴者罪之 諸職官誣告
人在法贓者以其罪罪之除名不敘 諸奴婢告其主者處死本主求免者聽減一等 諸以奴告
主私事主同自首奴杖七十七

關殿

諸鬪毆以手足擊人傷者笞二十七以他物者三十七傷及拔髮方寸以上四十七若血從耳目出

及內損吐血者加一等折齒毀缺耳鼻眇一目及折手足指若破骨及湯火傷人者杖六十七折二齒二指以上及髮髮并刃傷折人肋眇人兩目墮人胎七十七以穢物污人頭面者罪亦如之折跌人肢體及瞎其目者九十七辜內平復者各減二等即損二事以上及因舊患令致篤疾若斷舌及毀敗人陰陽者一百七 諸訴毆詈有鬪告者勿聽違者究之 諸保辜者手足毆傷人限十日以他物毆傷者二十日以刃及湯火傷人者三十日折跌支體及破骨者五十日毆傷不相須餘條毆傷及殺傷者準此限內死者各依殺人論其在限外及雖在限內以他故死者各依本毆傷法他故請別增餘患而死者 諸娼女鬪傷良人辜限之外死者杖七十七單衣受刑 諸毆傷人辜限外死者杖七十七 諸以非理毆傷妻妾者罪以本毆傷論並離之若妻不為父母稅以致非理毆傷者罪減三等仍離之 諸職官毆妻墮胎者笞三十七解職期年後降先品一等注邊遠一任妻離之 諸以非理苦虐未成婚男婦者笞四十七婦歸宗不追聘財 諸舅姑非理陵虐無罪男婦者笞四十七男婦歸宗不追聘財 諸蒙古人與漢人爭毆漢人漢人勿還報許訴于有司 諸蒙古人斫傷他人奴知罪願休和者聽 諸以他物傷人致成廢疾者杖七十七仍追中統鈔一十錠付被傷人充養濟之資 諸因鬪毆斫傷人成廢疾者杖八十七徵中統鈔一十錠付被告人充養濟之資為父還毆致傷者徵其鈔之半 諸豪橫輒誣平人為盜捕其夫婦男女於私家拷訊監禁非理陵虐者杖一百七流遠其被害有致殘廢者人徵中統鈔二十錠充養濟之資 諸職官輒將義

男去勢以充閹官進納者杖一百七除名不敘記過義男歸宗 諸以微故殘傷義男肢體廢疾者
加凡人折跌肢體一等論義男歸宗仍徵中統鈔五百貫充養贍之貲 諸尊長輒以微罪刺傷弟
姪雙目者與常人同罪杖一百七追徵贍養鈔二十錠給苦主免流職過于門無罪者仍流 諸弟
雖聽其兄之仇同謀刺其兄之眼卽以弟爲首各杖一百七流遠而弟加遠 諸卑幼挾仇輒刺傷
尊長雙目成廢疾者杖一百七流遠 諸以刃刺破人兩目成篤疾者杖一百七流遠仍給中統鈔
二十錠充養贍之貲主使者亦如之 諸挾警傷人之目者若一目元損又傷其一目與傷兩目同
論雖會赦仍流 諸因爭誤瞎人一目者杖七十七徵中統鈔五十兩充醫藥之貲 諸脫脫禾孫
輒毆傷往來使臣者笞四十七解職記過 諸職官輒以他物毆傷使臣者杖六十七 諸司屬官
輒毆本管上司幕官者笞四十七解職記過 諸方鎮僚屬輒以他物毆傷主帥者杖六十七幕官
使酒罵長官者笞四十七並解職別敘記過 諸按部官因爭辯輒毆有司官有司官還毆者各笞
三十七解職 諸監臨官挾怨當廳扯摔屬官屬官輒毆之者笞四十七解職 諸方面大臣不能
以正率下輒與幕屬公堂鬪爭雖會赦並罷免記過赦前無招者還職 諸職官輒毆傷所監臨以
所毆傷法論罪記過 諸職官毆傷同署長官者笞五十七解見任降先品一等敘仍記過名 諸
有司長官輒毆同位正官者笞三十七毆佐貳官者二十七並解職記過 諸同僚改除復以私忿
相毆詈者皆罷其所受新命 諸在閑職官輒毆詈本籍在任長官者杖六十七 諸職官相毆其

官等從所傷輕重論罪 諸軍官縱酒因戲而怒故毆傷有司官者笞三十七記過 諸幕僚因公輒以惡言詈長官者笞四十七長官輒還毆者笞一十七並記過名 諸職官乘醉當街毆傷平人者笞四十七記過 諸職官閑居與庶民相毆者職官減一籌聽罰贖 諸以他物毆傷職官者加一等笞五十七 諸小民恃年老毆詈所屬官長者杖六十七不聽贖 諸惡少無賴輒毆傷禁近之人者杖七十七

殺傷

諸殺人者死仍於家屬徵燒埋銀五十兩給苦主無銀者徵中統鈔一十錠會赦免罪者倍之 諸部民毆死官長主謀及下手者皆處死同毆傷非致命者杖一百七流遠均徵燒埋銀 諸殺人還自殺不死者仍處死 諸殺人從而加功無故殺之情者會赦仍釋之 諸鬪毆殺人先誤後故者卽以故殺論 諸因鬪毆以刃殺人及他物毆死人者並同故殺 諸因爭以刃傷人幸獲生免者杖一百七 諸持刃方殺人人覺而逃却移怒殺所解勸者與故殺同 諸有司徵科急民弗堪致殺其徵科者仍以故殺論 諸醉中欲殺其妻不得移怒殺死其紛解之人者處死 諸欲誘倡女逃不從輒殺之者與殺常人同 諸鬪毆殺人者結案待報 諸人殺死其父子毆之死者不坐仍於殺父者之家徵燒埋銀五十兩 諸蒙古人因爭及乘醉毆死漢人者斷罰出征並全徵燒埋銀 諸因鬪爭一人誤踩死小兒一人毆人致死毆者結案踩者杖一百七並徵燒埋銀 諸有人戲

調其妻夫遇而毆之因傷而死者減死一籌論罪仍徵燒埋銀 諸毆死應捕殺惡逆之人者免罪

不徵燒埋銀 諸以他物傷人傷毒流注而死雖在辜限之外仍減殺人罪三等坐之 諸因爭以

頭觸人與人俱仆肘抵其心邂逅致死者杖一百七全徵燒埋銀 諸出使從人毆死館夫者以毆

殺論 諸因戲言相毆致傷人命者杖一百七 諸父亡母復納他人爲夫卽爲義父若逐其子出

居於外卽同凡人其有所鬪毆殺傷卽以凡人鬪毆殺傷論 諸彼此有罪之人相格致死者與殺

常人同諸諸職官以微故毆死齊民者處死 諸職官受贓爲民所告輒毆死者以故殺論 諸

軍官因公乘怒輒命麾下毆人致死者杖八十七解職期年後降先品一等敘徵燒埋銀給苦主若

會赦仍殿降徵銀 諸閩帥侵盜係官錢糧怒吏發其姦輒令人毆死者以故殺論雖會大赦功追

奪不敘倍徵燒埋銀 諸局院官輒以微故毆死匠人者處死 諸父無故以刃殺其子者杖七十

七 諸子不孝父與弟姪同謀置之死地者父不坐弟姪杖一百七 諸女已嫁聞女有過輒殺其

女者笞五十七追還元受聘財給夫別娶 諸父有故毆其子女邂逅致死者免罪 諸後夫毆死

前夫之子者處死 諸妻故殺妾子者杖九十七從其夫嫁賣 諸男婦雖有過舅姑輒加殘虐致

死者杖一百七 諸子不孝父殺其子因及其婦者杖七十七婦元有粧奩之物盡歸其父母 諸

以細故殺其弟者處死 諸兄以立繼之子主謀殺其嫡弟者主謀下手皆處死其田宅人口財物

盡歸死者妻子其子歸宗 諸弟先毆其兄兄還殺其弟卽兄殺有罪之弟不以凡人鬪殺論 諸

因爭誤毆死異居弟者杖七十七徵燒埋銀之半 諸因爭故殺族弟者與殺常人同 諸妹爲尼
與人私兄鬪而諫之不從反詬詈扯摔其兄兄殺之卽兄殺有罪之妹不以凡人鬪殺論 諸兄毆
弟妻因傷而死者杖一百七徵燒埋銀 諸嫂溺死其小姑者以故殺論 諸因爭毆死族兄弟之
子者杖一百七故以刃殺之者處死並徵燒埋銀 諸毆死兄弟之子而圖其財者處死 諸夫婦
同謀殺其兄弟之子者皆處死 諸尊長誤毆卑幼致死者杖七十七異居者仍徵燒埋銀 諸以
微過輒殺其妻者處死 諸因夫妻反目輒藥死其妻者與故殺常人同 諸妻悖慢其舅姑其夫
毆之致死者杖七十七 諸夫臥疾妻不侍湯藥又詬詈其舅姑以傷其夫之心夫毆之邂逅致死
者不坐 諸夫惡妻而愛妾輒求妻徵罪而殺之者處死 諸風聞涉疑故殺定婚妻者與殺凡人
同論 諸妻以殘酷毆死其妾者杖一百七去衣受刑 諸舅以無實之罪故殺其甥者與殺常人
同論 諸因爭挾仇毆死其婿者與殺常人同 諸奴毆詈其主主毆傷奴致死者免罪 諸故殺
無罪奴婢杖八十七因醉殺之者減一等 諸毆死擬放良奴婢者杖七十七 諸謀殺已放良奴
婢者與故殺常人同 諸良人以鬪毆殺人奴杖一百七徵燒埋銀五十兩 諸良人毆殺他人奴
者杖七十七徵燒埋銀五十兩 諸奴毆死其弟弟亦爲同主奴主乞貨死者聽 諸異主奴婢相
犯死者同常人同主相犯至重刑者仍依例結案 諸地主毆死佃客者杖一百七徵燒埋銀五十
兩 諸醉中誤認他人爲仇人故殺致命者雖誤同故 諸奴受本主命執仇殺人者減死流遠

諸挾仇殺人會赦爲首下手者不赦爲從不曾下手者免死徒一年 諸以老病殺人者不以老病免 諸謀故殺人年七十以上並枷禁歸勘結案 諸兩家之子昏暮奔還中路相迎撞仆于地因傷致死者不坐仍徵鈔五十兩給苦主 諸十五以下小兒過失殺人者免罪徵燒埋銀 諸十五以下小兒因爭毀傷人致死者聽贖徵燒埋銀給苦主 諸瞽者毆人因傷致死杖一百七徵燒埋銀給苦主 諸病風狂毀傷人致死免罪徵燒埋銀 諸庸醫以鍼藥殺人者杖一百七徵燒埋銀 諸毆磚石剝隣之果誤傷人致死者杖八十七徵燒埋銀 諸軍士習射招箭者不謹致被傷而死射者不坐仍徵燒埋銀 諸過誤踏死小兒杖七十七徵燒埋銀給苦主 諸昏夜馳馬誤觸人死杖七十七徵燒埋銀 諸驅車走馬致傷人命者杖七十七徵燒埋銀 諸昏夜行車不知有人在地誤致轢死者笞三十七徵燒埋銀之半給苦主 諸幼小自相作戲誤傷致死者不坐 諸戲傷人命自願休和者聽 諸兩人作戲爭物一人放手一人失勢跌死放者不坐 諸以物戲驚小兒成疾而死者杖六十七追徵燒埋銀五十兩 諸以戲與人相逐致人跌傷而死者其罪徒仍徵燒埋銀給苦主 諸駱駝在牧嚙人而死者牧人笞一十七以駱駝給苦主 諸驛馬在野嚙人而死者以其馬給苦主馬主別買當役 諸奴故殺其子女以誣其主者杖一百七 諸因爭以妻前夫男女溺死誣賴人者以故殺論 諸後夫置毒飲食與前夫子女食而死者與藥死常人同 諸故殺無罪子孫以誣賴仇人者以故殺常人論 諸殺人無苦主者免徵燒埋銀犯人財產人口並

品服金荅子四品五品服雲袖帶襪六品七品服六花八品九品服四花職事散官從一高命婦一品至三品服渾金四品五品服金荅子六品以下惟服銷金并金紗荅子首飾一品至三品許用金珠寶玉四品五品用金玉真珠六品以下用金惟耳環用珠玉同籍者不限親疏期親雖別籍并出嫁同車輿並不得用龍鳳文一品至二品許用間金粧飾銀螭頭繡帶青幔四品五品用素獅頭繡帶青幔六品至九品用素雲頭素帶青幔內外有出身考滿應入流見役人員服用與九品同受各投下令旨鈞旨有印信見任人員亦與九品同庶人惟許服暗花紵絲綢綾羅毛氈不許用豬黃冒笠不得飾以金玉鞵不得裁置花樣首飾許用翠花金釵篋各一事惟耳環許用金珠碧甸餘並用銀車輿黑油齊頭平頂皂帽諸色目人除行營帳外餘並與庶人同職官致仕與見任同解降者依應得品級不敘者與庶人同父祖有官既歿年深非犯除名不敘其命婦及子孫與見任同諸樂人工藝人等服用與庶人同凡承應粧扮之物不拘上例皂隸公使人惟許服綢絹倡家出入止服皂背不許乘坐車馬應服色等第上得兼下下不得僭上違者職官解見任期年後降一等敘餘人笞五十七違禁之物付告捉人充賞御賜之物不在禁限者諸官員以黃金飾甲禁之違者甲匠同罪諸常人鞍轡畫虎兔者聽畫雲龍犀牛者禁之諸段疋織造周身大龍者禁之胸背小龍者勿禁諸市造鞍轡箭鏃鞵履及諸雜帶用金爲飾者禁之諸郡縣蓬魯花赤及諸投下擅造軍器者禁之諸神廟儀仗止以土木紙綵代之用真兵器者禁諸都城小民造彈弓及執者杖

七十七沒其家財之半在外郡縣不在禁限 諸打捕及捕盜巡馬弓手巡鹽弓手許執弓箭餘悉禁之 諸漢人持兵器者禁之漢人爲軍者不禁 諸賣軍器者賣與應執把之人者不禁 諸民間有藏鐵尺鐵骨朶及舍刀鐵柱杖者禁之 諸私藏甲全副者處死不成副者笞五十七徒一年零散甲片不堪穿繫禦敵者笞三十七鎗若刀若弩私有十件者處死五件以上杖九十七徒三年四件以下七十七徒二年不堪使用笞五十七弓箭私有十副者處死五副以上杖九十七徒三年四副以下七十七徒二年不成副笞五十七凡弓一箭三十爲一副 諸嶽瀆祠廟輒敢觸犯作踐者禁之 諸伏羲媧皇堯舜禹湯后土等廟軍馬使臣敢沮壞者禁之 諸名山大川寺觀祠廟并前代名人遺蹟敢拆毀者禁之 諸改寺爲觀改觀爲寺者禁之 諸祠廟寺觀模勒御寶聖旨及諸王令旨者禁之 諸爲子行孝輒以割肝剖股埋兒之屬爲孝者並禁止之 諸民間喪葬以紙爲屋室金銀爲馬雜綵衣服帷帳者悉禁之 諸墳墓以甗瓦爲屋其上者禁之 諸家廟春秋祭祀輒用公服行禮者禁之 諸民間祖宗神主稱皇字者禁之 諸小民房屋安置鴉項銜脊有鱗爪瓦獸者笞三十七陶人二十七 諸職官居見任雖有善政不許立碑已立而犯贓污者毀之無治狀以虛譽立碑者毀之 諸夜禁一更三點鐘聲絕禁人行五更三點鐘聲動聽人行違者笞二十北有官者聽贖其公務急速及疾病死喪產育之類不禁 諸有司曉鐘未動寺觀輒鳴鐘者禁之 諸江南之地每夜禁鐘以前市并點燈買賣曉鐘之後人家點燈讀書工作者並不禁其集

祠禱者禁之 諸犯夜拒捕斬傷微巡者杖一百七 諸城郭人民隣甲相保門置水瓮積水常盈
家設火具每物須備大風時作則傳呼以徇于路有司不時點視凡救火之具不備者罪之 諸遺
火延燒係官房舍杖七十七延燒民房舍笞五十七因致傷人命者杖八十七所毀房舍財畜公私
俱免徵償燒自己房舍者笞二十七止坐失火之人 諸煎鹽草地輒縱野火延燒者杖八十七因
致闕用者奏取聖裁隣接管民官專一關防禁治 諸縱火圍獵延燒民房舍錢穀者斷罪勒償償
未盡而會赦者免徵 諸故燒太子諸王房舍者處死 諸故燒官府廨宇及有人居止宅舍無問
舍宇大小財物多寡比同強盜免刺杖一百七徒三年因傷人命同殺人其無人居止空房并損壞
財物及田場積聚之物同竊盜免刺計贓斷罪因盜取財物者同強盜刺斷並追陪所燒物價傷人
命者仍徵燒埋銀再犯者決配役滿徙千里之外 諸挾仇放火隨時撲滅不曾延燒者比強盜不
冒傷人不得財杖七十七徒一年半免刺雖親屬相犯比同常人 諸每月朔望二弦凡有生之物
殺者禁之 諸郡縣城正月五月各禁宰殺十日其饑饉去處自朔日為始禁殺三日 諸每歲自
十二月至來歲正月殺母羊者禁之 諸宴會雖達官殺馬為禮者禁之其有老病不任鞍勒者亦
必與眾贖而後殺之 諸私宰牛馬者杖一百徵鈔二十五兩付告人充賞兩隣知而不首者笞二
十七本管頭目失覺察者笞五十七有見殺不告因脅取錢物者杖七十七若老病不任用者從有
司辨驗方許宰殺已病死者申驗開剝其筋角即付官皮肉若不自用須投稅貨賣違者同匿稅法

事者杖七十七 諸投匿名文字於人家索取錢物者杖八十七發元籍 諸見匿名文書非隨時
敗獲者卽與燒毀輒以聞官者減犯人二等論罪凡匿名文字其言不及官府止欲訐人罪者如所
訐論 諸民間子弟不務生業輒於城市坊鎮演唱詞話教習雜戲聚眾淫謔並禁治之 諸弄禽
蛇傀儡藏撇撇倒花錢擊魚鼓惑人集眾以賣偽藥者禁之違者重罪之 諸棄本逐末習用角
觥之戲學攻刺之術者師弟子並杖七十七 諸亂製詞曲爲譏議者流 諸賭博錢物杖七十七
錢物沒官有官者罷見任期年後雜職內敘開張博房之家罪亦如之再犯加徒一年應捕故縱笞
四十七受財者同罪有司縱令攀指平人及在前同賭人罪及官吏賭飲食者不坐 諸賭博錢物
同賭之人自首者勿論 諸賭博因事發露追到攤場賭具贓證明白者卽以本法科論不以展轉
攀指革撥 諸故縱牛馬食踐田禾者禁之 諸所在鎮守蒙古漢軍各立營所無故輒入人家求
索酒食及縱頭疋食踐田禾桑果罪及主將 諸藩王無都省文書輒於各處徵收差發強取飲食
草料爲民害者禁之 諸有虎豹爲害之處有司嚴勒官兵及打捕之人多方捕之其有不應捕之
人自能設機捕獲者皮肉不須納官就以充賞 諸職官違例放鷹追奪當日所服用鞍馬衣物沒
官 諸所發各官圍獵山場並毋禁民樵採違者治之 諸年穀不登人民愁困諸王達官應出圍
獵者並禁治之 諸田禾未收毋縱圍獵於迤北不耕種之地圍獵者聽 諸軍人受財僞造火印
將所管官馬盜換與人者杖九十七追贓沒官 諸年穀不登百姓饑乏遇禁地野獸搏而食之者

毋輒沒入 諸打捕鷹坊官以合進御膳野物賣價目私者計贓以枉法論除名不敘 諸舟車之靡器服之奇方面大臣非錫貢不得擅進 諸闕遺人口到監即移所稱籍貫召主識認半年之上

無主識認者匹配爲戶付有司當差殘疾老病給以文引而縱遣之頭匹有主識認者徵還已用草料價錢然後給主無主識認則籍其毛齒而收養之 諸闕遺奴婢私相配合雖生育子女有主識

認者各歸其主無本主者官與收係 諸隱藏闕遺鷹犬者笞二十七沒其家財之半其收拾闕遺鷹犬之人因以爲民害者罪之 諸鋤獲宿藏之物在他人地內者與地主中分在官地內者一半

納官在己地內者卽同業主得古器珍寶之物者聞官進獻約量給價若有詐僞隱匿斷罪追沒 諸監臨官輒舉貨於民者取與俱罪之 諸稱貸錢穀年月雖多不過一本一息有輒取贏於人或

轉換契券息上加息或占人牛馬財產奪人子女以爲奴婢者重加之罪仍償多取之息其本息沒官 諸典質不設正庫不立信帖違例取息者禁之 諸關廂店戶居停客旅非所知識必問其所

奉官府文引但有可疑者不得容止違者罪之 諸官戶行錢商船輒豎旗號置弓箭鑼鼓揭錢主衙門職名往來江河者禁之 諸經商或因事出外必從有司會問鄰保出給文引違者究治 諸

投下并其餘有印信衙門並不得濫給文引 諸有毒之藥非醫人輒相賣買致傷人命者買者賣者皆處死不曾傷人者各杖六十七仍追至元鈔一百兩與告人充賞不通醫術製合僞藥於市并

貨賣者禁之 諸下海使臣及船商輒以中國生口寶貨戎器馬匹遺外番者從廉訪司察之 諸

商賈收買金銀下番者禁之違者罪之 諸海濱豪民輒與番商交通貿易銅錢下海者杖一百七
諸娼妓之家所生男女每季不過次月十日會其數以上于中書省有未生墮其胎已生輒殘其
命者禁之 諸娼妓之家輒買良人爲娼而有司不審濫給公據稅務無憑輒與印稅並嚴禁之違
者痛繩之

以上並元
史刑志

元太祖初頒條畫刑獄惟重罪處死其餘雜犯量情笞決

續通典
刑典

太宗六年五月大會諸王百僚諭條令凡當會不赴而私宴者斬諸出入宮禁各有從者男女止以
十人爲朋出入毋得相雜軍中凡十人置甲長聽其指揮專擅者論罪其甲長以事來宮中卽置權
攝一人甲外一人二人不得擅自往來違者罪之諸公事非當言而言者拳其耳再犯笞三犯杖四
犯論死諸千戶越萬戶前行者以木鐵射之百戶甲長諸軍有犯罪同不遵此法者斥罷凡來會用
善馬五十疋爲一羈守者五人飼羸馬三人守克喀蘇嚕克三人但盜馬一二者卽論死諸人馬不
應絆於克喀蘇嚕克內者輒沒與畜虎豹人諸婦人製濟遜燕服不如法者及妬者乘以騾牛徇部
中論罪卽聚財爲更娶

續通考
刑考

世祖中統四年二月詔諸路私造軍器者處死凡民間所有不輸官者與私造同

續通典
刑典

至元二年正月申嚴越界販馬之禁違者處死五月令軍中犯法不得擅自誅戮罪輕斷遣重者聞
奏六月敕行院及諸軍將校卒伍須正身應役違者罪之

續通典
刑典

五年十二月詔諭四川行省沿邊屯戍軍士逃役者處死禁市烏頭砒霜諸毒藥及不通醫理妄行
鍼灸或爲婦人墮胎戕害人命者加等治罪

續通典
刑典

八年敕凡訟而自匿及誣告人罪者以其罪罪之禁用金泰和律元初新格未行猶用金律至是禁

之

續通典
刑典

十年五月詔主守失陷官錢者杖而釋之

十一年詔凡盜皆殺無赦尋敕革之

續通考
刑考

十八年立登聞鼓院許有冤者撾鼓以聞先是十二年四月諭中書省議立登聞鼓如爲人殺其父
母兄弟夫婦冤無所訴聽其來擊其或以細事妄擊者論如法至是始立焉

續通典
刑典

二十一年五月括天下私藏天文圖讖太乙雷公式七曜曆推背圖苗太監厯有私習及私匿者罪
之

二十三年詔百官集議至元鈔計贓論罪

以上續通
考刑考

趙孟頫曰始造鈔時以銀爲本虛實相權今二十餘年間輕重相去至數十倍故改中統爲至元又
二十年後至元必復如中統使民計鈔抵法疑於太重古者以米絹民生所需謂之二實銀錢與二

物相權謂之二虛四者爲直雖升降有時終不大相清也以絹計贓最爲適中況鈔乃宋時所創施

於邊郡金人襲而用之皆出於不得已乃欲以此斷人及命似不足深取也

元史趙
孟頫傳

二十四年制憲臣有貪恠敗度者付法司增條科罪時御史中丞葉李奏憲臣以繩愆糾繆爲職苟不自檢於擊搏何有其有貪恠敗度之人宜付法司增條科罪以懲欺罔制曰可

二十八年五月頒行至元新格元初尚未有法守百官斷理獄訟循用金律至元八年始禁行金泰和律尋諭安圖等曰近史天澤姚樞纂定新格朕已親覽皆可行之典也汝等亦當留心參酌豈無

一二可增減者各令紀錄促議行之

以上續通考刑考

元貞元年二月詔貨鄂托克錢而逃隱者罪之仍以其錢賞首告者七月立擒盜格又詔職官坐贓論罪再犯者加二等倉庫官吏盜所守錢糧一貫以下決五十七至十貫杖六十七每二十貫加一等一百二十貫徒一年每三十貫加半年二百四十貫徒三年滿三百貫者死計贓以至元鈔爲則諸物以當時價估折計之二年正月詔諸王公主駙馬非奉旨毋罪官吏五月詔諸徒役者限一年

釋之毋杖

續通志刑志

大德元年五月詔強盜姦傷事主者首從悉誅不傷事主止誅爲首者從者刺配再犯亦誅六月詔僧道犯姦盜重罪者聽有司鞫問其軍民相訟者令軍民官同聽之二年七月詔諸王駙馬及諸近侍自今奏事不經中書輒傳旨付外者罪之又詔禁輝和爾僧陰陽巫覡道人咒師自今有大祠禱必請而行違者罪之三年命何榮祖更定法令

初成宗之即位也翰林學士王暉上書請將累朝聖訓與中統迄今條格通行議擬參而用之與百姓更

始帝曰善至是始命修之續通志刑志

八年二月敕軍人姦盜詐偽悉歸有司其後十一年十二月中書省言刑法者譬之權衡不可偏重世祖已有定制自元貞以來以作佛事之故放釋有罪失於太寬故有司無所遵守今請凡內外犯法之人悉歸有司依法裁決時鄭介夫上太平策有曰國家立政必以刑書爲先今天下所奉以行者有例可援無法可守官吏因得並緣爲欺如甲乙互訟甲有力則援此之例乙有力則援彼之例甲乙之力俱到則無所可否還調歲月名曰撒放使天下黔首無所持循始之所犯不知終之所斷是陷之以刑也內而省部外而郡守抄寫格例至數十冊民間雜採敕旨條令刊行成帙曰斷例條章曰仕民要覽家置一本以爲準繩試閱二十年間之例較之三十年前半不可用矣更以十年間之例較之二十年前又半不可用矣是百官莫知所守百姓莫知所避也孔子曰刑罰不中則民無所措手足此之謂也今者號令不常有同兒戲下有一緊二慢三休之謠如往年禁酒而私釀者比屋而有禁牛而私宰者愈多又如姦盜殺人必不可赦而每歲放都勒幹以此人心輕於犯法審囚決獄官每臨郡邑惟具成案行故事出斷一二便爲盡職路縣官吏每聞上司官至則將囚徒保候審錄卽畢仍復收禁此皆無法之弊也又兼衙門紛雜事不歸一十羊九牧莫之適從凡有公訟並須約會虛調文移動是半年或指日對問則各司所管互相應庇至一年二年事無杜絕遂至強凌弱眾暴寡貴抑賤無法之弊莫此爲甚昔先帝時嘗命修律未及成書近議大德律所任非人訛舛尤多今宜於臺閣省部內選擇通經術民治體練達時宜者酌以古今之律文參以先帝建元以來

制敕命令採以南北風土之宜修爲一代令典使有司有所遵守生民知所畏避國有常科吏無敢侮永爲定例子孫萬世之利也諸色衙門投下頭目除管領錢糧造作外無問大小詞訟俱涉約會者並令有司歸問庶使政歸一體獄無久淹矣

武宗至大二年八月尙書省臣言往者大辟獄尙書省議定令中書裁酌以聞宜依舊制從之

三年十月敕省部官晨集暮退怠弛者罪之

以上續通考刑考

謹按至元間僧格專政每日鐘初鳴時卽坐省中六曹官後至者則笞之兵部郎中趙孟頫偶後至斷事官遂引受笞孟頫入訴於右丞葉李曰古者刑不上大夫所以養其廉恥教之節義且辱士大夫是辱朝廷也僧格亟慰之使出自是所笞惟曹吏以下然是時僧格專恣肆行未嘗取旨著爲令也至是以三寶努奏言省部官不肯勤恪署事敕自今晨集暮退苟或怠弛不必以聞便宜罪之其到任或一再月辭以病者杖罷不敘迨仁宗延祐間因特們德爾言比者僚屬及六部諸臣皆晚至早退政務廢弛今後有如此者視其輕重杖責之詔如更不悛罷職不敘至如世祖至元間詔凡有官守不勤於職者勿問漢人回回皆論誅之且沒其家更爲過甚

續通考刑考按語

仁宗卽位諭省臣曰卿等裒集中統至元以來條章擇曉法律老臣斟酌重輕折衷歸一頒行天下

便有司遵行則抵罪者庶無冤抑

元史仁宗本紀

延祐四年壬辰諭諸宿衛入直各居其次非有旨不得上殿闕入禁中者坐罪

元史仁宗本紀

五年十一月禁冒籍貫宿衛及巧受遠方職官不赴任求別調者隱匿不自首者罪之六年九月用御史臺臣言諸犯贓罪已欵伏及當鞠而幸免者悉付原閭官以竟其罪七年英宗卽位禁宗戚權貴作奸犯科六月定邊地盜擊畜罪犯者給各部力役如不悛斷罪如內地法至治二年三月禁捕天鵝犯者籍其家時漳州路推官上言律徒者不杖今杖而又徒非恤刑之意宜加徒減杖遂定爲令五月敕置蒙古子女者罪之三年正月禁放殺子孫誣平民者四川行省平章趙世延爲其弟訟不法事繫獄待對其弟逃去詔出之仍著爲令逃者百日不出則釋待對者二月命者執儒臣取至元新格及風憲宏綱而損益焉定爲格例凡二千五百三十九條內斷例七百一十七條格千一百五十一詔制九十四令類五百七十七名曰大元通制頒行天下

續通志
刑志

泰定帝泰定元年八月敕以刑獄復隸宗正府依世祖舊制刑部勿與

續通考
刑考

至順元年閏七月中書省臣等議各宿衛容匿濫充者罪

續通考刑考
按通志七月一作八月誤

二年十二月詔議職官應省觀而不省觀者罪時河南北道廉訪副使僧嘉努言自古求忠臣必於

孝子之門今官於朝者十年不省觀者有之非無思親之心實由朝廷無給假省親之制而有擅離

官次之禁古律諸職官父母在三百里於三年聽一給定省假二十日無父母者五年聽一給拜墓

假十日以此推之父母在二百里以至萬里宜計道里遠近定立假期其應省觀匿而不省觀者坐

以罪若詐冒假期規避以掩其罪與詐奔喪者同科御史臺臣以聞命中書省等議之

三年十月時宣宗已即位定婦人犯私鹽罪先是英宗時王克敬為兩淮鹽運使溫州逮犯鹽者以一婦人

至怒曰豈有逮婦人千百里外與吏卒雜處者污教甚矣自今毋得帶婦人建議著為令至是始定

婦人犯私鹽罪

順帝元統二年七月詔蒙古色目人犯私盜者免刺以上續通考刑考

至元元年六月中書省員外郎陳恩謙言強盜但傷事主者皆得死罪而故殺從而加功之人與鬪而殺人者例杖一百七十得不死與私宰牛馬之罪無異是視人與牛馬等也法應加罪因姦殺夫所姦妻妾同罪律有明文今止坐所犯似失推明宜令法曹議著為定制二年八月詔強盜皆死盜牛馬者剿盜驢騾者黥額再犯剿盜羊豕者墨項再犯黥三犯剿後再犯法者死盜諸物者照其數估價省院臺五府官三年一審決三年七月詔除人命重事之外凡盜賊諸罪不須候五府官審錄有司依例決之四年六月令自今處決重囚五府官斟酌地理遠近預選官分行各道蒞其事六年九月詔今後有罪者毋籍其妻女以配人至正五年十一月新修至元條格成六年四月頒行之

續通典刑典

右刑制

元制各路推官專掌推鞠刑獄平反冤滯按治官歲錄其殿最而黜陟之諸鞠問重事項加拷訊者長貳僚佐官會議立案然後行之違者重加其罪諸職官能平反重刑一起以上者於本官上優陞

一等遷用能平反冤獄一起以上與減一資諸路府曹吏能平反冤獄者以各道宣慰司部令史補用諸有司故入人罪若未決以所入罪減一等論入人全罪以全罪論若未決放仍以減等論諸失入人之罪者減三等失出人罪者減五等未決放又減一等並記過失由人死罪者首五十七解職期年後降先品一等敘記過正犯人追禁結案

續通考
刑考

世祖中統三年四月詳讞冤獄

續通考
刑考

詔曰自今部曲犯重罪鞫問得實必先奏聞然後寘諸法

世祖
紀

十一月諭史天澤朕或乘怒欲有所誅殺卿等宜遲留一二日覆奏行之

世祖
紀

十二月詔犯罪應死者五十三人重加詳讞

世祖
紀

至元七年戶部尚書李德輝錄山西河東囚行至懷仁民有魏氏者發得木偶持告其妻挾左道厭勝謀殺已經數獄服詞皆具德輝燭其誣知其有愛妾疑妾所為以構陷其妻召妾鞫之不移時而服遂杖其夫而當妾罪死人有訟財而失其兄子者德輝曰此叔殺之無疑將竟獄權貴為請者甚眾德輝不應罪狀既明請者乃慙服

續通典
刑典

八年大都運司負課銀五百四十七錠逮繫運使倪某等四人徵之視本路歲入簿籍實無所負辭久不決尚書戶部令史劉正察其冤遍閱吏牘得至元五年李介甫關領課銀文契七紙適合其數驗其字畫皆司庫辛德柔所書也正廉得其實白尚書捕鞠之悉得課銀辛既伏辜而四人者得釋

十三年太府監令史盧贄言於監官諸路所貢布長三丈惟平陽加一丈以故諸集賽白爭取平陽布苟截其長者與他郡等則無所爭而以所截者為髹漆宮殿器皿之用甚便監官從之適左右以其事聞帝以詰監官監官倉皇莫知所對歸罪於贄帝命斬之符寶郎耶律希亮遇諸塗贄以冤告希亮命少緩刑具以實入奏詔工部侍郎董文用讞之竟釋贄而召御史大夫塔齊爾等讓之曰此事言官當言而不言向微托果斯不誤誅此人耶

續通典
刑典

成宗大德四年正月詔蒙古都元帥也速答而非奉旨勿擅決重刑

成宗
本紀

五年七月令監察御史審覆札爾古齊罪囚初太宗正定刑獄俱任蒙古筆且齊掌囊其中枉誤甚多至是令御史審覆罪囚於札爾古齊六年始令譯史立漢文卷委蒙古漢御史各一員閱視審覆然後待報後延祐六年正月仁宗御嘉禧殿謂札爾古齊曰札爾古齊人命所繫其詳閱獄辭事無大小必謀諸同僚疑不能決者與省臺臣集議以聞

六年正月詔官吏犯罪已經赦宥者仍從數問

九年三月詔仲春以後或有小罪即與疏決禁繫以妨農時

武宗至大二年頒尚書省條畫詔尚書省民間詞訟有司依理處斷毋得淹延歲月凡官僚各執所見不同者許申聞上司詳勘違者監察御史廉訪司糾治

以上續通
考刑考

武宗至大間胡長孺爲鹽海縣主簿有民荷溺器糞田偶觸軍卒衣卒扶傷民且碎器而去竟不知主名民來訴長孺陽怒其誣械於市俾左右潛偵之向扶者過焉戟手稱快執詣所隸杖而償其器羣嫗聚浮屠菴誦經爲禳祈一嫗失其衣適長孺出鄉嫗訟之長孺以牟麥置羣嫗合掌中命繞佛誦經如初長孺閉目叩齒作集神狀且曰吾使神監之矣盜衣者行數周麥當芽一嫗屢開掌視長孺指縛之還所竊衣一日白事帥府歸吏言有姦事屢問弗服長孺曰此易易爾夜伏吏案下黎明出姦者訊之辭愈堅長孺陽謂令長曰頗聞朝廷有詔盍迎之叱隸卒縛姦者東西楹空縣而出庭無一人姦者相謂曰事至此死亦無承行將自解矣語畢案下吏謹而出姦者驚咸叩頭服罪

續通典

仁宗延祐六年七月敕札魯爾古齊囊嘉特往與晉王內史審錄罪囚重者啟晉王誅之當流配者

加等杖之

續通考
刑考

泰定帝泰定元年六月詔疏決繫囚存恤軍士

泰定
帝紀

二年詔曰朕祇承洪業夙夜惟寅凡所以圖治者悉遵祖宗成憲屢詔中外百司宣布德澤蠲賦詳刑賑恤貧民思與黎元共享有生之樂尙慮有司未體朕意庶政或闕惠澤未洽承宣者失於撫綏司憲者怠於糾察俾吾民重困朕甚憫焉今遣奉使宣撫分行諸道按問官吏不法詢民疾苦審

理冤滯凡可以興利除害從宜舉行有罪者四品以上停職申請五品以下就便處決

泰定
帝紀

二年十一月勅自今罪囚當釋者由宗正府審覈中書省臣言西僧每假元辰疏釋重囚有乖政典請罷之故有是詔

續通考
刑考

文宗至順三年九月

宣宗已
即位

詔重囚淹禁三年以上疑不能決者申達省部詳讞釋放

續通考
刑考

右詳讞

元徒法五年數杖數相附麗爲加減鹽徒盜賊既決而又錄之流則南人遷於迤北之地北人遷於湖廣之鄉諸徒囚書則帶錄居役夜則入囚牢房其流罪發各處屯種者止令監臨關防屯種諸流遠囚徒惟女直高麗二族流湖廣餘並流尼嚕罕及取海青之地泰定間又從御史言以職官贓污者流放廣南

續通考
刑考

謹按元制流罪北人徙南南人徙北去家萬里往往道死文宗天歷二年始更遷徒法凡應徙者驗所居遠近移之千里在道遇赦者皆得放還如不悛再犯徙之本省不毛之地十年無過則量移之所遷人死妻子聽歸土著順帝元統初從翰林學士王結言移鄉者改過聽還其鄉著爲令

通考
按語

世祖至元十二年獲農民郝進等四人造妖言惑眾敕誅進餘減死流遠方

世祖
紀

禁民間賭博犯者流之

世祖
紀

十五年正月勅官吏隱匿及擅易馬匹私配婦人者沒其家

世祖
紀

十七年十一月詔有罪配役者量其程遠近配役之法不一有配隸淘金者至元二十四年札爾古齊奏去歲審囚官所錄囚數南京濟南兩路應死罪已一百九十人若總校諸路為數必多宜置札爾古齊數人分道行刑帝曰囚非羣羊豈可遽殺耶宜悉配隸淘金

十九年十一月中書省臣言天下重囚除謀反大逆殺祖父母父母妻殺夫奴殺主並正典刑外餘犯死罪者令充日本占城緬國軍從之是月定勢家為商賈阻遏官民船者沒其家

二十年四月申嚴酒禁有私造者財產女子入官犯人配復先是十四年五月申嚴大都酒禁犯者籍其家貲散之貧民至是又有是令後二十六年十月禁內外百官受人饋酒食者沒其家貲之半二十三年四月定竊物者配役之例中書省臣言比奉旨凡為盜者毋釋今竊鈔數貫及佩刀微物與童幼竊物者悉令配役臣竊議一犯者杖釋再犯者依法配役為宜帝曰朕以漢人徇私用金泰和律處事致盜賊滋眾故有是言人命至重今後非詳讞者勿輒殺人

二十八年十月詔嚴益都般陽泰安寧海東平濟寧敗獵之禁犯者沒其家貲之半

以上續通考刑考

成宗元貞二年五月詔諸徒者限一年釋之毋杖

成宗本紀

大德四年正月申嚴惡少不法之禁犯者黥刺杖七十拘役

八年正月以災異詔雜犯之罪當杖者減輕當笞者並免私鹽徒役者減一年

十一月詔內郡江南人凡為盜黥三次者謫戍遼陽諸色人及高麗人三次免黥謫戍湖廣盜禁

馬者初犯謫戍再犯者死

仁宗延祐七年六月定邊地盜孽畜罪犯者給各部力役如不悛斷罪如內地法以上續通考刑考

英宗至治二年辛未禁捕天鵝違者籍其家英宗本紀

謹按大德十年四月詔凡匿鷹犬者沒家貲之半笞三十今復有此令夫以禽獸細發而至籍沒

貲產不太甚乎元政之衰於此可見通考按語

定徒者減杖之例時漳州路推官上言律徒者不杖今杖而又徒非恤刑之意宜加徒減杖遂定爲

令續通考刑考

曹伯啟曰五刑者刑異五等今黥杖徒役於千里之外百無一生還者是一人身被五刑非五刑各

底於一人也法當改丞相雖是之卒不果行元史曹伯啟傳

文宗天歷元年十月中書省臣言凡有罪者既籍其家請勿沒其人妻子制可文宗本紀

陝西行臺御史孔思迪言人倫之中夫婦爲重比見內外大臣得罪就刑者其妻妾卽斷付他人似

與朝廷旌表貞節之旨不侔夫亡終制之令相反況以失節之婦配有功之人又與前賢所謂取失

節者以配是身已失節之意不同今後凡負國之人籍沒奴婢財產不必罪其妻子當典刑者則孥

戮之不必斷付他人庶使婦人均得守節請著爲令從之續通考刑典

右徒流籍沒附

元太宗初中原甫定民多誤觸禁網而國法無赦令耶律楚材議請赦宥眾以為迂楚材獨從容為
帝言詔自庚寅正月朔日前事勿治續通典刑典

十三年二月帝有疾詔赦天下囚徒

太宗本紀

元世祖中統元年五月以額喀布格反大赦天下續通志刑志

至元元年以改元大赦天下詔曰應天者惟以至誠拯民者莫如實惠朕以菲德獲承慶基內難未
戢外兵未戢夫豈一日于今五年賴天地之昇矜暨祖宗之垂裕凡我同氣會於上都雖此日之小
康敢朕心之少肆比者星芒示儆雨澤愆常皆闕政之所繇顧斯民之何罪宣布惟新之令溥施在
宥之仁據布拉噶呼察圖們阿爾察托果斯輩構禍已照依太祖皇帝扎薩克正典刑訖可大赦天
下改中統五年為至元元年於戲否往泰來迓續亨嘉之會鼎新革故正實輔弼之良咨爾臣民體

予至意世祖本紀

至元十年五月詔天下罪囚殺人者待報其餘一切疏放限以八月內自詣大都如期而至者皆赦
之八月前所釋諸路罪囚自至大都者凡二十二人並赦之十三年以平宋大赦天下時監察御史
趙天璘上策曰赦者欲以蕩滌瑕穢與民更始以負罪者言之則實莫大之洪恩以致治者論之則
非太平之常事也近世以來郊天祝宗建儲立后未有不肆赦者僥倖之子逆知期會能不啟匪監
之心哉又況大赦之後姦邪未嘗衰止朝脫罔罔夕櫻縲綬其不能承化自新亦已明矣今國家哀

囚徒之孽苦憫小民之庸駸頻降原赦此蓋朝廷不忍人之心形于外而不能自己也推此以及良民順天道以正生殺則周文之治不難同矣伏望陛下信賞決罰無肆赦宥使上下有紀內外絕倖則天下可運之掌上矣

續通志
刑志

成宗大德七年左丞相達爾罕言僧人修佛事畢必釋重囚有殺人及妻妾殺夫者皆指名赦之生者苟免死者負冤於福何有帝嘉納之

按元世西僧每歲為佛事必請釋輕重囚徒以為福利謂之都勒幹成宗時用帝師奏釋大辟三人及杖以下者七人厥後蒙民犯法者皆賄賂之以求免雖大臣有罪莫不假是道其誅迨仁宗朝始以僧人作佛事命申書審察擇釋獄囚又功德使額琳沁以佛事奏釋重囚帝不允時臺省亦疏上請革其弊然終元之世故事相沿迄不能

降
續通志刑志

仁宗延祐五年三月晉寧民侯喜兒昆弟五人坐法當死帝嘆曰彼一家人不幸而有是事其擇情輕者一人杖而宥之俾養父母毋絕其祀

續通志
刑志

英宗至治元年廷臣或言祀事畢宜赦天下帝諭之曰恩可常施赦不可屢下使殺人獲免則死者何辜遂命中書陳便宜事行之

英宗
本紀

致和元年文宗即位改元大赦天下 十二月赦天下 二年八月帝復即位大赦天下時救使者頒詔救率日行三百餘里既受命逗遛三日及所至飲宴稽期者治罪取賄者以枉法論

至順元年十二月以郊祀禮成大赦天下 三年六月以伊嚕特穆爾等罪詔告中外赦天下

四年六月順帝即位大赦天下 元統二年八月以星變赦天下 十月以皇太后上尊號赦天下

至元元年七月誅各里等詔赦天下 十二月以改元赦天下 四年正月以地震赦天下 至正三年十一月以郊祀禮成大赦天下 六年閏十月赦天下 十年四月赦天下 十三年六月以立皇太子大赦 十五年十二月以天下兵起下詔罪已大赦天下 十七年二月以征河南大捷詔赦天下 二十一年正月赦天下 二十三年二月大赦天下 二十五年大赦天下七月 順帝大赦凡十五又初即位依皇太后行年之數釋罪囚二十七人一又以帝師請釋囚一以皇

太子修佛事釋囚一

元統時蘇天爵上疏云自昔國家務明刑政苟或赦宥之數行必致紀綱之多紊是以先王既典禮樂以教民又嚴法制以懲惡也唐太宗貞觀二年謂侍臣曰凡赦惟及不軌之輩古語云君子不幸小人幸之一歲再赦善人暗啞夫養稂莠者傷禾稼惠奸兇者賊良人朕有天下以來嘗須慎赦蓋數赦則愚人嘗冀僥倖惟欲犯法不能復改過矣誠哉太宗斯言也昔我世祖皇帝即位之初未嘗肆赦臨御既久聖德深仁不冒天下是以刑政肅清禮樂修舉奸貪知懼良善獲伸故中統至元之治比隆前古欽惟聖天子承順天心子愛百姓踐阼伊始已降寬恩然自近歲以來赦宥太數誠恐奸人貪吏各懷僥倖大爲奸利非國之福也夫以世祖皇帝在位三十五年肆赦者八近自天曆改元至元統初年六年之中赦宥者九蓋數恩宣澤雖出於朝廷之美意然長奸惠惡誠爲政所當慎也伏願自今以始近法世祖皇帝之所行遠鑑唐太宗之所言使中外臣民洗心革慮守法奉公知

非常之恩不可復覩不勝幸甚

以上續通
考刑考

右赦宥

諸獄囚必輕重異處男女異室毋或參雜司獄致其慎獄卒去其虐提牢官盡其誠 諸在禁囚徒無親屬供給或有親屬而貧不能給者日給倉米一升三升之中給粟一升以食有疾者凡油炭席薦之屬各以時具其飢寒而衣糧不繼疾患而醫療不時致非理死損者坐有司罪 諸各處司獄司看守囚徒夜支清油一斤 諸路府州縣但停囚去處於鼠耗糧內放支囚糧 諸在禁無家屬囚徒歲十二月至于正月給羊皮爲披蓋袴襪及薪草爲暖匣熏炕之用 諸獄訟有必聽候歸對之人召保知在如無保識有司給糧養濟勿寄養於民家 諸流囚在路有司日給米一升有疾命良醫治之疾愈隨時發遣 諸獄醫囚之司命必試而後用之若有弗稱坐掌醫及提調官之罪 諸獄囚病至二分申報漸增至九分爲死證若以重爲輕以急爲緩誤傷人命者究之 諸獄囚有病主司驗實給醫藥病重者去枷鎖杻聽家人入侍職事散官五品以上聽二人入侍犯惡逆以上及強盜至死奴婢殺主者給醫藥而已 諸有司在禁囚徒饑寒衣食不時病不督醫看候不脫枷杻不令親人入侍一歲之內死至十人以上者正官答二十七次官三十七還職首領官四十七罷職別敘記過 諸孕婦有罪產後百日決遣臨產之月聽令召保產後二十日復追入禁無保及犯死罪者產時令婦人人侍 諸犯死罪有親年七十以上無兼丁侍養者許陳情奏裁 諸有罪年

七十以上十五以下及篤廢殘疾罰贖者每笞杖一罰中統鈔一貫 諸疑獄在禁五年之上不能

明者遇赦釋免

以上元史刑志

右恤刑

諸官吏平反冤獄應賞者從有司保勘廉訪司體覆而後議之其有冒濫不實者罪及保勘體覆官吏 諸路府軍民長官因收捕反叛輒羅織平民強姦室女殺虜人口財產并覆人家其同僚能理平民之冤正犯人之罪歸其俘虜活其死命者於本官上優陞一等選用凡職官能平反重刑一起以上陞等同 諸職官能平反冤獄一起之上與減一貲 諸路府曹吏能平反冤獄者於各道

宣慰司部令史補用

元史刑志

元太宗七年命哈瑪爾巡撫諸路應州郭者全反脅從誅誤者五百餘人有司議盡戮之哈瑪爾止誅其爲首者數人餘悉從輕典蘇克爲山西大達嚕噶齊受命方出有同回六人訟事不實將抵罪遇諸塗急止監者曰姑緩其刑卽返見帝曰此六人者名著西域徒以小罪盡誅之恐非所以懷遠人也願以賜臣臣得意辱之使自悔悟遷善爲他日用殺之無益帝意解召六人者謂之曰生汝者

蘇克也其竭力事之

續通典刑典

世祖中統初順天路民王住兒因鬪誤殺人其母年七十言於朝曰妾寡且老恃此兒以爲生兒死妾亦死矣中書司右掾袁裕言於執政曰因誤殺人情非故犯當矜其母乃奏免死至元五年陳思

濟同知紹興路總管府事承檄獄桐廬有囚羸瘠將死縱遣還家囚固請曰聞公名久矣若不早決恐終不可保爲閱其案而釋之六年袁裕爲開封府判官洧川縣達嚕噶齊貪暴盛夏役民捕蝗禁不得飲水民不勝忿擊斃之有司當以大逆實極刑者七人連坐者五十餘人裕曰達嚕噶齊自犯眾怒而死安可悉歸罪于民議誅首惡一人餘悉論杖部使者錄囚至疑其太寬裕辨之益力事上中書竟從裕議澧州細民以乏食羣聚發富家廩所司欲論以強盜安撫使張雄飛曰此盜食欲救死非強也寬其獄全活者百餘人十九年帝獵巴雅爾之地司農寺達嚕噶齊特爾格從獵人額布勒津射兔誤中名駝駝死帝怒命誅之特爾格曰殺人償畜於法太重帝驚曰誤耶史官必書亟

釋之續通典
刑典

英宗至治元年濟陽縣有牧童持鐵連結擊野雀誤殺同牧者繫獄數歲總管達爾瑪曰小兒誤殺實無殺人意難以定罪罰銅遣之三年著令原告逃亡百日不出則釋待對者文宗天歷二年御史臺劾前丞相拜布哈昔以贓敗天歷初因人成功遂居相位既矯制以瑪魯家貲賜平章蘇蘇又與蘇蘇等潛呼日者推測聖算今奉詔已釋其罪宜竄諸海島以杜姦萌帝曰流竄海島朕所不忍其并妻子實諸集慶至順元年臺臣言陝西右丞克塔受人僮奴及鸚鵡請論如律帝曰克塔官至宰執位重祿厚猶受人生口理宜罪之但鸚鵡微物以是論贓失于太苛其從重者議罪因救自今饋禽鳥者勿論行樞密院言雲南征戍軍士二人逃歸捕獲法當死詔曰如臨陣而逃死宜也非接戰

而亦論死何視人命之易耶其杖而流之

續通典
刑典

右平反

元制諸職官犯夜及牧民官公罪之輕者許罰贖又諸年老七十已上年幼十五已下不任杖責及癯篤殘疾有妨科決者贖世祖至元三年諸王塔齊爾使臣庫庫楚至北京花道驛手殺驛吏却用及郭和尚有旨徵鈔十錠給其主以贖死二十一年以哈扎爾齊依舊揚州鹽運使歲市鹽八十萬石以贖過

右贖刑

元太宗三年燕南諸路廉訪使博囉哈雅充斲事官有民誤毆人死吏論以重法其子號泣請代博囉哈雅戒吏使擒於市懼則殺之果不懼乃曰誤毆人死情有可宥子而能孝義無可誅遂并釋之使出銀以資埋葬且呼死者家諭之其人悅從

世祖至元十四年張雄飛爲荆湖北道宣慰使有告常德富民十餘家與德山寺僧將爲亂眾議以兵討之雄飛曰告者必其讐也且新附之民當以靜鎮之兵不可遽用苟有他吾任其責遂止徐察之果如所言

成宗大德中宗王兄弟二人守邊兄陰有異志弟諫不聽卽上馬馳去兄遣奴挾弓矢追之弟發矢斃其奴兄訴囚其弟獄當死刑部尙書王約慮囚曰兄之奴卽弟之奴况殺之有故立釋之

以上續
通典刑

右決斷

世祖在潛邸時分地在關陝奏以廉希憲商挺宣撫陝西以趙良弼參議司事阿勒達爾當國憚世祖英武讓於憲宗卽命爲陝西行省左丞相劉太平參知政事鈎校京兆錢穀鍛鍊羣獄死者二十餘人眾皆股栗良弼力陳大義詞氣懇欵二人卒不能誣故宣撫司一無所坐

中統三年趙炳爲刑部尙書兼中書省斷事官時有攜妓登龍舟者卽按之以法未幾其人死其子犯蹕訴冤詔讓之炳曰臣執法尊君職當爲也帝怒命之出既而謂侍臣曰炳用法太峻然非徇情者

至元初奸臣阿哈瑪特領左右部專總財賦會其黨相攻擊帝命中書推覆眾畏其權莫敢問平章政事廉希憲窮治其事以狀聞杖阿哈瑪特罷所領歸有司帝諭希憲曰吏廢法而貪久矣自卿等爲政朕無此憂言者訟宰相史天澤親黨布列中外威權日甚詔罷天澤政事特鞠希憲謂天澤無肆橫不臣狀力爭帝前帝良久曰卿且退朕思之明日召希憲諭曰昨思之天澤無對訟者事遂解

以上續通
典刑典

大德二年田滋遷浙西廉訪使有縣尹張或者被誣以賊獄成滋審之但俛首泣而不語滋以爲疑狀明日齋沐詣城隍司禱曰張或坐事有冤願神相證明其誣守廟道士進曰曩有王成等五人同

持誓狀到祠焚禱火未盡而去之燼中得其遺藁今藏於壁間豈其人耶視之果然明日詣憲司詰成等不服因出所得火中誓狀示之皆驚愕伏辜張瑄得釋

元史田滋傳

右守正

元初未有法守百司斷獄費用金律頗傷嚴刻世祖刊定至元新格頒行英宗又損益之爲大元通制漸近乎恕初憲宗時斷事官伊囉幹齊與布扎爾總天下財賦於燕視事一日殺二十八人其一人盜馬者既杖而釋之矣適有獻刀環者遂追還所杖之人手試刀斬之世祖至元中湖廣行省平章政事約蘇穆爾貪縱淫虐誅求無厭或妄言初歸附時州縣長吏及吏胥富人比屋歛銀將輸之官銀已具而事終止約蘇穆爾卽下令責民自實使者旁午隨地置獄株連蔓引備極慘酷民以拷掠瘐死者載道

續通志刑志

右峻酷

二十四史九通政典類纂合編卷二百五十五

元十九

輿地 州郡 河南 西北地附錄

元起朔漠併西域平西夏臣高麗定南詔太宗六年滅金得中原州郡世祖至元十三年平宋全有
版圖踵遼金故跡仍都於燕立中書省一統山東西河北之地謂之腹裏行中書省十有一曰嶺北
曰遼陽曰河南曰陝西曰四川曰甘肅曰雲南曰江浙曰江西曰湖廣曰征東分鎮藩服而西北要
荒之地不與焉大率以省領路以路領州領縣而腹裏或有以路領府府領州領縣者其府與州又
有不隸路而直隸省者其地蓋北逾陰山西極流沙東際遼左南越海表者今具著於篇

中書省統腹裏之地凡路二十有九曰大都路 元太祖十年克燕於金大興府置燕京路總管大興府世祖至元元年中書省臣言開平以關庭所在加

府上郡燕京分立省部亦乞正名遂改中都四年曰上都路 周奚吳丹地金置桓州元初為孔拉爾

即其路定都焉九年改大都二十一年置大都路曰上都路 烏雅郡王營舊地憲宗五年命世祖居

其地為巨鎮明年世祖命劉秉忠相宅於桓州東漢水北之龍岡中統元年曰興和 金澤州元中統

為開平府五年以關庭所在號為上都至元二年置留守司五年升上都路曰興和 三年改升

曰永平 金平州元大德曰德寧曰淨州曰泰寧曰集寧曰應昌曰全寧曰靈昌 按元史志以上七路皆朕今考淨州本仍

金之舊集寧則金撫州縣特未知曰保定 金保州元至元曰眞定 金眞定府元至曰順德 金邢州元

元於何年升置改隸耳謹附識曰保定 十二年改升路曰眞定 元中改爲路曰順德 中統三年

改升順德府至曰廣平 金洛州元至元曰彰德 金彰德府元至曰大名 金大名府曰懷慶 金懷州元

元二年改爲路曰廣平 十五年改升路曰彰德 至元中改路曰大名 元改路曰懷慶 祐六年改升

路曰衛輝 金衛州元中統曰河間 金河間府元至曰東平 金東平府元至曰東昌 金博州元至元

元年改升路曰河間 元二年改路曰東平 元九年改路曰東昌 十三年改升路

濟寧 金濟州元至元八年改曰益都 金益都府 元初改路曰濟南 金濟南府 曰般陽 舊淄州元初升為路至元二年改道萊路二十四年

更改 曰大同 金大同府元至元曰冀寧 金太原府元大曰晉寧 金平陽府元大直隸省之州八曰曹

曰濮曰高唐 金博州屬魏元曰泰安曰德曰恩曰冠 金大名府冠氏縣元至元六年升為州 曰寧海嶺北行中書省路

一曰和寧 舊名和琳元初建都於此 遼陽行中書省路七曰遼陽 金遼陽府元至元

元十五年改路曰大寧 金大定府元至元七年改置 曰東寧 舊東寧府十三年升為路 曰瀋陽 金瀋州元貞曰歸元 金

年改路 曰大寧 金大定府元至元七年改置 曰東寧 舊東寧府十三年升為路 曰瀋陽 金瀋州元貞曰歸元 金

地也今仍其 曰合蘭府碩達勒達等路 金扶餘海蘭率廣和等路及鞏隆信三州地也 直隸省之府一曰威平河南江北

行中書省路十二曰汴梁 金開封府元至元曰河南 金金昌府元曰襄陽 宋襄陽府元至元曰蘄州 宋

州元至元曰黃州 宋黃州元至元十四年升為路曰廬州 宋廬州元至元十四年升為路 曰安豐 宋壽春府安豐縣後建為

宋安慶府元至元曰揚州 宋揚州元至元十四年升為路 曰淮安 宋楚州後改淮安州元至元十四年升為路 曰中興 宋荆南府元天曰

陝州 宋陝州元至元直隸省之府七曰南陽 金南陽府後升為申州 曰汝寧 金蔡州元至元二十年改升府 曰歸德

曰高郵 宋高郵軍元至元十四年升為路 曰安陸 宋鄂州元至元十三年改升府 曰沔陽 宋復州元至元十三年升

德安州一曰荆門 宋荆門軍元至元十四年 陝西行中書省路五曰奉元 金京兆府元至元十六年 改安西路皇慶元年更今

名 曰延安 金延安府元曰興元 宋興元府元改為路 曰河州 金河州元 曰圖沙瑪直隸省之府五曰鳳翔曰鞏

昌 樂元史志金昌昌府考金史地理志止 曰平涼曰臨洮曰慶陽州二十七曰邠曰涇曰開成

戎州元至元十年升爲開曰莊浪沿革開元初置莊浪曰秦曰隴曰靈曰定西曰鎮源金原州元曰

西和曰環曰金曰靜靈金德順州元曰蘭曰會曰徽南鳳州元至元中更今名曰階曰成唐舊州宋

元復曰金洋本興元路二州元初有雷李二將驛民曰雅曰黎曰茂曰洮曰貴德金積石州西曰岷

宋故岷州地曰鐵曰文案宋有文州元志無之惟有禮店文州軍民府意即宋之文州又明志文縣

而附四川行中書省路九曰成都宋成都府曰嘉定宋嘉州後升嘉定府元曰廣元宋利州元至元

曰順慶宋果州後升順慶府元曰永寧宋邈州江安合江二縣地曰重慶宋重慶府元至元曰夔

州元至元十曰敘州宋敘州元至元曰馬湖古牂牁屬地舊名馬湖郡直隸省之府二曰潼川曰懷

德沿革曰紹慶甘肅行中書省路七曰甘肅唐甘州張掖郡宋初爲西夏所據改鎮曰永昌唐涼州

宋初爲西涼府後入西夏元初曰肅州唐肅州酒泉郡宋初入西曰沙州唐沙州敦煌郡宋初入西

仍爲府元至元十五年改爲路曰肅州夏元至元七年改升路曰沙州夏元至元十四年復立州

升爲路曰額齊納漢居延故城西夏立威福軍曰靈夏唐夏州朔方郡宋初入西夏元至元八曰烏

拉海關直隸省之州二曰山丹唐刪丹縣宋初入西夏置甘肅軍元至元六曰西寧唐時改于吐蕃

爲西寧州元初爲章吉駱馬雲南行中書省州後設於南詔元憲宗五年取其地至元十三年立行

省路三十七曰中慶大理國曰善闡府元憲宗五年曰威楚開南破碑夷地蠻酋威楚居此後附蒙

至元八年曰武定唐魏州大理國羅婺郡元憲宗七年立曰鶴慶大理國曰謀統郡元憲宗三年

改爲路萬戶至元八年爲北路十二年改本路曰麗江本越尚郡西徼地後爲越析詔所有曰東川

升爲路曰雲道本南詔香柏城地曰廣南關曰麗江本越尚郡西徼地後爲越析詔所有曰東川

元元貞二年置路

元元貞二年置路

其所得不遇如此世之論河源者又皆推本一家其說怪迂總其實皆非本真意者漢唐之時外夷

未盡臣服而道未盡通故其所往每迂迴艱阻不能直抵其處而究其極也元有天下薄海內外人

迹所及皆置驛傳使驛往來如行國中至元十七年命都實為招討使佩金虎符往求河源都實既

受命是歲至河州州之東六十里有靈河驛驛西南六十里有山曰殺馬關林麓穹隘舉足浸高行

一日至崑西去愈高四閱月始抵河源是冬還報弁圖其城傳位置以聞其後翰林學士潘昂霄從

都實之弟黠闐出得其說撰為河源志臨川朱思本又從八里吉思家得帝師所藏梵字圖書而以

華文譯之與昂霄所志互有詳略今取二家之書考定其說有不同者附注于下按河源在土蕃朵

甘思西鄙有泉百餘泓沮洳散渙弗可逼視方可七八十里履高山下瞰燦若列星以故名火敦腦

兒火敦譯言星宿也思本曰河源在中州西南直四川馬湖嶺之正西三千餘里雲南麗江宜備

其井百餘東北流百餘里羣流奔驟近五七里匯二巨澤名阿刺騰兒自西而東連屬吞噬行一日

迤邐東驚成川號赤賓河又二三日水西南來名亦里出與赤賓河合又三四日水南來名忽闐又

水東南來名也里尤合流入赤賓其流浸大始名黃河然水猶清人可涉思本曰忽闐河源出自南

里水流五百餘里注也里出河也里出河源又一二日歧為八九股名也孫幹論譯言九渡通廣五

亦出自南山西北流五百餘里始與黃河合七里可渡馬又四五日水渾濁土人挹革囊騎過之聚落料木幹象舟傳駝革以濟僅容兩人自是

兩出峽東廣可一里二里或半里其深亘測朶甘思東北有大雪山名亦耳麻不莫刺其山最高譯

言騰乞里塔即崑崙也山腹至頂皆雪冬夏不消土人言遠年成冰時六月見之自八九股水至昆

崙行二十日思本日自譚水東北流一百餘里與懷里火禿河合懷里火禿河源自南山水正北偏

而西北流一百餘里又折而正北流一百餘里又折而東流過崑崙山下番名亦耳河行崑崙南半

日又四五日至地名關即及關提二地相屬又三日地名哈刺別里赤兜四達之衝也多寇盜有官

兵鎮之近北二日河水過之思本日河過關提與亦西入思今河合亦西入思今河崑崙以西人簡

少多處山南山皆不穹峻水亦散漫獸有羴牛野馬狼狽獐羊之類其東山益高地益漸下岸狹隘

有孤可一躍而越之處行五六日有水西南來名納薩哈刺譯言細黃河也思本日哈刺河自白狗

餘里與黃河合又兩日水南來名乞兜馬也一水合流入河思本日自哈刺河與黃河合正北流二百餘里

里與乞里馬出河合乞里馬出河源自威茂州之西北岷山之北水北過河以伯站折而西北流經崑崙之北二百餘

流即古當州境正北流四百餘里折而西北流又五百餘里與黃河合河水北行轉西流過崑崙北

一向東北流約行半月至貴德州地名必赤里始有州治官府州隸吐蕃等處宣慰司司治河州又

四五日至積石州即禹貢積石五日至河州安鄉關一日至打羅坑東北行一日洮河水南來入河

思本日自乞里馬出河與黃河合又西北流與鵬梭河合鵬梭河源自鵬梭山之西北水正西流七

百餘里過札塞塔失地與黃河合折而西北流三百餘里又折而東北流過西寧州貴德州馬嶺凡

八百餘里與遼水合遼水源自青唐宿單谷正東流五百餘里過二巴站與黃河合又東北流過土

橋站古積石州來羌城廓州搆米站界鄯城凡五百餘里過河州與野驪河合野驪河源自西下山

之北水東北流凡五百餘里與黃河合又東北流一百餘里過臨白城銀川站與遼水合遼水源自祁連山下正東流一千餘里注浩豐河浩豐河源自丹州之南翻丹山下水東南流七百

餘里注遼水然後與黃河合又東北流一百餘里與洮河合洮河源自羊徽嶺北東北流過臨洮府凡八百餘里與黃河合又一日至蘭州過北下渡至鴨沙河

過應吉里州正東行至鹽夏府南東行即東勝州隸大同路自發源至漢地南北潤溪細流傍貫莫

知紀極山皆草石至積石方林水暢茂世言河九折彼地有二折蓋乞兒馬出及貴種必赤里也本思

日自淡水與河合又東北流過達達地凡八百餘里過豐州西受降城折而正東流過達達地古天

德軍中受降城東受降城凡七百餘里折而正南流過大同路雲內州東勝州與黑河合黑河源自

漁陽嶺之南水正西流凡五百餘里與黃河合又正南流過保德州葭州及興州境又過麟州凡一

千餘里與吃那河合吃那河源自古有州東南流過陝西省綏德州凡七百餘里與黃河合又南流

三百里與延安河合延安河源自陝西蘆子關亂山中南流三百餘里過延安府折而正東流三百

里與黃河合又南流三百里與汾河合汾河源自河東朔州之南亂山中西南流過管州虞寧路

汾州靈州晉寧路解州又西流至龍門凡一千二百餘里始與黃河合又南流二百里過河中府過

潼關與太華大山綿亘水勢不可復南乃折而東流大梁河源東北流所歷皆西域地至蘭州凡四

千五百餘里始入中國又東北流過達達地凡二千五百餘里始

入河東境內又南流至海中凡一千八百餘里通計九千餘里

右河源附錄

寫來帖木兒

途魯吉 柯耳魯地 畏兀兒地 至元二十年立畏兀兒四處站及交鈔庫

哥疾寧 可不里 巴達哈傷 途思 忒耳迷 不花刺 那黑沙不 的里安 撒麻耳干

忽龍 麻耳亦囊 可失哈耳 忽炭 柯提 兀提刺耳 巴補 訛跡邦 倭赤 若父

柯散 阿忒八失 八里茫 察赤 也云赤 亦刺八里 普刺 也迷失

阿力麻里 諸王海都行營于阿力麻里等處蓋其分地也自上都西北行六千里至圖騰五城唐

號北庭置節度府又西北行四五百里至阿力麻里至元五年海都叛舉兵南來世祖

逆賊之于北庭又追至阿力麻里則又追過二千餘里上令勿追

以皇子北平王統諸軍于阿力麻里以鎮之命丞相安童往輔之 合刺火者 魯古塵

三二四... 元
別失八里 至元十五年授八撒察里虎符掌別失八里畏兀城子里軍節事十七年以萬戶募公
直成別失八里十八年從諸王阿只吉請自大和嶺至別失八里置新站三十二年
立別失八里和州等處宣慰司二十一年阿只吉使來言元錄只必帖木兒二十四城之中有察
帶二城羅達魯花赤叙附國端慶不豫省至是奉旨誠如所言其遺正之二十三年通特爾新附
兵千人屯田別失八里置
元帥府御其地以總之
他古新 仰吉八里 古塔巴 彰八里 至元十五年授朵魯知
金符掌彰八里軍節事

月祖伯

撒耳柯思 阿蘭阿思

欽察 太宗甲午年命諸王拔都征西域欽察阿速幹羅思等國歲乙未亦命憲宗往焉歲丁酉師至
寬田吉思海傍欽察酋長八赤蠻逃避海島中適值大風吹海水去而乾生禽八赤蠻遂與諸
王拔都征幹羅思至也列贊城七日破之歲丁巳出師南征以騎馬刺斃
之子乞及爲達魯花赤鎮守幹羅思阿思歲癸丑括幹羅思阿思戶口

阿羅思 不里阿耳 撒吉刺 花刺子模 賽蘭 巴耳赤邦 穆的

不賽因

八哈刺因 怯失 八吉打 孫丹尼牙 忽里模子

可咱隆 設刺子 泄刺失 苦法 瓦夕的 兀乞八刺

毛夕里 設里汪 羅耳 乞里茫沙杭 蘭巴撒耳 那哈完的

亦思法杭 撒耳 柯傷 低廉 胡瓦耳 西模娘

阿刺模忒 可疾云 阿模里 撒里牙 塔米設 贊章

阿八哈耳 撒里茫 朱里章 的希思丹 巴耳打阿 打耳班

巴葉

塔八辛

不思忒

法因

乃沙不耳

撒刺哈反

巴瓦兜的

麻里兀

塔里干

巴里黑

吉利吉思城合納謙州益蘭州等處

吉利吉思者初以漢地女四十人與烏斯之男結婚取此義以名其地南去大都萬有餘里相傳乃滿部始居此及元朝所其

民為九千戶其境長一千四百里廣半之識河經其中西北流又西南有水曰阿通東有水曰玉須皆巨浸也倉於謀而住於扁可刺河北入于海俗與諸國異其語言則畏吾兒同廬帳而居隨水單畜牧類知田怕遇雪則跨木馬逐獵土產名馬白黑海東青鬃可刺者因水為名附屬於吉利吉思去大都二萬五千餘里其語言與吉利吉思特異晝長夜短日沒時多羊助熟東方已曙矣即唐史所載骨利鞬國也烏斯亦因水為名在吉利吉思東謙河之北其俗每歲六月十旬刑白馬牛羊糞馬運成就烏斯沐施以祭河神謂其始祖所從出故也據合納謙言布囊也蓋小口腹巨地形類此因以為名在烏斯東謙河之源所從出也其境上惟有二山口可出入山水林樹阻為野驢多而畜字少貧民無恒產者皆以樺皮作廬帳以白鹿負其行裝取鹿乳採松實及斷山丹芍藥等根為食冬月亦乘木馬出獵謙州亦以河為名去大都九千里在吉利吉思東南謙河西南唐屬嶺之北居民數千家悉蒙古回紇人有工匠數局蓋國初所徙漢人也地沃衍宜稼夏種秋成不煩耘稼政云王罕始居此地益禱者蛇之稱也初州境山中居人見一巨蛇長數十步從穴中出飲河水州修廟圍舍以為治所先是數部民俗皆以把刺為杯血斃木為槽以濟水不解鑄作農器好禮聞諸朝乃遣工匠教為陶冶舟楫土人便之

右西北地附錄

安南古交趾也陳氏叛服之蹟已見本傳今取其城邑之可紀者錄于左方

大羅城路漢交趾郡唐置安南都護府宋時郡人李公蘊立國於此及陳氏立以其屬地置龍興天

長長安府龍興府本多岡鄉陳氏有國置龍興府

天長府本多墨鄉陳氏祖父所生之地建行宮於此歲一至示不忘本故改曰天長

長安府本華閭洞丁部領所生之地五代末部領立國於此

歸化江路地接雲南

宣化江路地接特磨道

沱江路地接金齒

諒州江路地接左右兩江

北江路在羅城東岸瀘江水分入北江江有六橋

如月江路

南州江路

大黃江路

拱路

快路

國威州在羅城南

此以下州多接雲南廣西界雖名州其實洞也

古州在北江

仙州古龍編

富良

司農

一云楊舍

定邊

一云明媚

萬涯

一云明黃

文

周一云門州

七源

思浪

大原

一云黃源

通農

羅順

一云來神

梁舍

一云梁界

平原 尤州

一云明蘇

渭龍

一云乙舍

道黃

即平林場

武靈

此以下縣接雲南廣西界雖名縣其實洞也

萬載

丘温

新立

悅縣

紙縣

歷縣

閩橋

烏延

古勇 供縣

窟縣

上坡

門縣

清化府路漢九真隋唐為愛州其屬邑更號曰江曰場曰甲曰社

梁江

波龍江

古農江

宋舍江

茶江

安遷江

分場古文場

古勝甲

支明甲

古弘甲

古戰甲

緣甲

又安府路漢曰南隋唐爲驪州

倍江 惡江 偃江 尙路社 唐舍社 張舍社

濱州路本日南屬縣曰扶演安仁唐改濱州

孝江 多壁場 巨賴社 他袁社

布政府路本日南郡象林縣東濱海西際貫蠟南接扶南北連九德東漢末區連殺象林令自立國

稱林邑唐時有瓊王者徙國于古曰古城今布政乃林邑故地

自安南大羅城至燕京約一百一十五驛計七千七百餘里

邊氓服役

古城 王琴 蒲伽 道覽 倅淮 稔婆邏 獠

右安南州郡附錄

二十四史九通政典類要合編卷二百五十六

元二十

四裔

高麗 耽羅 日本 安南 緬國 占城 暹國
瓜哇 琉球 三嶼國 馮八兒等國

高麗本箕子所封之地扶餘別種嘗居之其地東至新羅南至百濟皆跨大海西北渡遼水接營州而棘鞞在其北其國都曰平壤城卽漢樂浪郡水有出棘鞞之白山者號鴨涿江而平壤在其東南因恃以爲險後闢地益廣并古新羅百濟高句麗三國而爲一其主姓高氏自初立國至唐乾封初而國以垂拱以來子孫復封其地後稍能自立至五代時代主其國遷都松岳者姓王氏名建自建至熈凡二十七王歷四百餘年未始易姓入元太祖十一年契丹人金山元帥祿格等領衆九萬餘襲入其國十二年九月攻拔江東城據之元史四裔傳十三年高麗國人洪大宣詣軍中降先是契丹人瑠格等竄據高麗江東城至是遣兵征之洪大宣來降其討滅瑠格

太宗三年八月命將征高麗設官分鎮所取之地而還時以高麗殺使者命將薩喇達征其國取四十餘城國人洪福源迎降於軍乃使招其主王瞰瞰遣其弟懷安公低請降薩喇達承制設官分鎮之遂班師明年六月高麗盡殺所置達嚙嗚齊七十二人以叛遂率王京及諸州縣民竄居江華島八月復遣兵討之十月瞰遣使上表陳情五年四月詔諭瞰悔過來朝終不至至十三年秋瞰以族

子綽爲己子入質憲宗末遣其世子俱入朝

世祖中統元年三月命高麗世子俱歸國爲王

陝西宣撫使廉希憲言高麗遣使入覲會憲宗將兵代宋使留三年不遣今其父已死若立使遣歸國彼必懷德於我是不煩兵而得一國也帝是其言故有是命二年六月使更名禎遣子愷奉表以聞八月遣使護愷歸國至元三年二月帝欲通好日本以高麗與日本隣可爲鄉導乃遣使先至高麗諭之五年帝以太祖法制凡內屬之國納質助軍輸糧設驛編戶籍置長官已嘗明諭高麗而稽延至今太宗時王綽等已入質驛傳已粗立餘率未奉行今將問罪於宋其所助士卒舟艦幾何輸糧則就爲儲積至若設官及戶版事其意謂何特遣使持詔問之六年七月遣使相視耽羅等處道路詔禎選官引達

以人言耽羅海道往南宋日本甚易故也

八月世子愷入朝奏國人林衍擅廢禎立其弟安慶公滄事

議者言今之高麗乃古新羅百濟高句麗三國併而爲一大凡藩鎮權分則易制乃於次年正月詔西京內屬改東寧府肅慈悲嶺爲界置安撫使率兵戍之二月遣軍送禎就國十一年五月皇女和塔拉都哩默色下嫁於愷七月禎薨子愷薨十三年七月愷遣使奉表賀平宋十一月奏改名瞻十八年六月瞻言本國置驛四十民畜獨斂教併爲二十站二十年五月立征東行中書省以高麗國王與安塔哈共事三十年二月瞻復更名眡成宗大德元年十一月從眡請以世子諱爲王二年七月中書省奏諱當嚴復以其父眡爲王眡復位八年而薨子諱復襲王位諱尙布達實哩公主十一

年進爵藩陽王繼襲位高麗國王生子肅肅受遜位以仁宗皇慶二年四月封高麗國王是年其弟
高立爲世子以其父藩陽王諡請於朝故也諡又嘗更名章元史四裔傳續通攷四裔攷同

右高麗

耽羅高麗與國也世祖既臣服高麗以耽羅爲南宋日本衝要亦注意焉至元十年正月命經畧使
實都史樞及洪茶丘等率兵船大小百有八艘討耽羅賊黨六月平之於其地立耽羅國招討司屯
鎮邊軍千七百人其貢賦歲進毛施布百匹招討司後改爲軍民都達嚕噶齊總管府又改爲軍民
安撫司三十一年高麗王上言耽羅之地自祖宗以來臣屬其國林衍逆黨既平之後尹邦寶充招
討副使以計求徑隸朝廷乞仍舊帝曰此小事可使還屬高麗自是遂復隸高麗元史四裔傳續通攷四裔攷同

右耽羅

日本國在東海之東古稱倭奴國或云惡其舊名故改名日本以其國近日所出也日本爲國去中
土殊遠又隔大海自後漢歷魏晉宋隋唐永徽顯慶長安開元天寶上元貞元元和開成中
並遣使入朝元世祖至元一年以高麗人趙彝等言日本國可通擇可奉使者三年八月命兵部侍
郎赫德給虎符充國信使禮部侍郎殷弘給金符充國信副使持國書使日本書曰大蒙古國皇帝
奉書日本國王朕惟自古小國之君境土相接尙務講信修睦况我祖宗受天明命奄有區夏遐方
異域畏威懷德者不可悉數朕卽位之初以高麗無辜之民久瘁鋒鏑卽令罷兵還其疆域反其旄

倪高麗君臣感戴來朝義雖君臣歡若父子計王之君臣亦已知之高麗朕之東藩也日本密遣高麗開國以來亦時通中國至於朕躬而無一乘之使以通和好尙恐王國知之未審故特遣使持書布告朕志冀自今以往通問結好以相親睦且聖人以四海爲家不相通好豈一家之理哉以至用兵夫孰所好王其圖之赫德等道由高麗高麗國王王禴以帝命遣其樞密院副使宋君雙借禮部侍郎金贊等導詔使赫德等往日本不至而還

元史四裔傳

五年九月命赫德等復持書往至對馬島爲日本人所拒僅執其塔二郎彌二郎二人而還六年六月命送還執者俾中書省牒其國亦不報十月又命祕書監趙良弼往至八年九月高麗王禴遣通事道送至其國日本始遣彌四郎者入朝帝宴勞遣之九年二月五月高麗王兩以書往皆不報十一年三月命以舟師征日本十月入其國敗之而官軍不整又矢盡惟擄掠四境而歸十二年二月遣禮部侍郎杜世忠等往使復致書亦不報十四年日本遣商人持金來易銅鐵許之十七年二月日本殺國使杜世忠等十八年正月命日本行省右丞相阿爾哈右丞范文虎及征東元帥賈都洪察球爾等率十萬人征之行省官議事不相下全師盡喪十萬之眾得遣者敗卒于闐莫青吳萬五三人耳二十一年以其俗尙佛遣王積翁與補陀僧如智往使舟中有不願行者其謀殺積翁不果至二十三年帝以日本未嘗內侵今交趾犯邊宜置日本專事交趾成宗大德三年遣僧室一山者附商舶往使日本而日本人竟不至

元史四裔傳續通攷四裔攷同

右日本

安南國古交趾也秦并天下置桂林南海象郡秦亡南海尉趙佗擊併之漢置九郡交趾居其一後
女子徵惻叛遣馬援平之立銅柱爲漢界唐始分嶺南爲東西二道置節度立五管安南隸焉宋封
丁都領爲交趾郡王其子璉亦爲王傳二世爲李公蘊所奪卽封公蘊爲主李氏傳八世至吳昌陳
日叟爲吳昌璿遂有其國元憲宗三年癸丑烏蘭哈達從世祖平大理世祖遺留烏蘭哈達攻諸夷
之未附者七年丁巳十一月烏蘭哈達兵次交趾北先遣二人往諭之不返乃遣齊齊克圖等各將
千人分道進兵抵安南世祖中統元年十二月以孟甲爲禮部郎中充南諭使李文俊爲禮部員外
郎充副使持詔征諭之二年孟甲等遣光昺遣其族人通侍大夫陳季公員外郎諸衛寄班阮琛員
外郎阮演詣闕獻書乞三年一貢帝從其請遂封光昺爲安南國王三年九月以西錦三金熱錦六
賜之復降詔曰卿旣委質爲臣其自中統四年爲始每三年一貢可選儒士醫人及通陰陽卜筮諸
色人匠各三人及蘇合油光香金銀朱砂沉香檀香犀角玳瑁珍珠象牙綿白磁蓋等物同至仍以
納呼丹充達嚕噶齊佩虎符往來安南國中四年十一月納呼丹遣光昺遣楊安養充員外郎及內
令武復桓書舍阮求中翼郎范舉等奉表入謝帝賜來使玉帶繒帛藥餌鞍轡有差至元二年七月
使還復優詔答之仍賜歷及頒改元詔書三年十二月光昺遣楊安養上表三通其一進獻方物其
二免所索秀才工匠人其三願請納呼丹長爲本國達嚕噶齊四年九月使還答詔許之仍賜光昺玉

帶金繡藥餌鞍轡等物未幾復下詔諭以六事一君長親朝二子弟入質三編民數四出軍役五輸納稅賦六仍置達噶噶齊統治之十一月又詔諭光曷以其國有回鶻商賈欲訪以西域事令發遣以來是月詔封皇子爲雲南王往鎮大理鄯闡交趾諸國五年九月以和琳哈雅代訥呀丹爲達噶噶齊張庭珍副之復下詔徵商賈回鶻人六年十一月光曷上書陳情言商旅回鶻一名伊溫死已日久一名婆婆尋亦病死又據和琳哈雅謂陛下須索巨象數頭此獸軀體甚大步行甚遲不如上國之馬伏候勅旨於後賈之年當進獻也又具表納貢別奉表謝賜西錦幣帛藥物七年十一月中書省移牒光曷言其受詔不拜待使介不以王人之禮遂引春秋之義以責之且令以所索之象與歲賈偕來又前所貢藥物品味未佳所徵回鶻輩託辭欺誑自今已往其審察之

元史四裔傳

右安南

緬國爲西南夷不知何種其地有接大理及去成都遠者又不知其方幾里也其人城郭屋廬以居有象馬以乘舟筏以濟其文字進上者用金葉寫之次用紙又次用檳榔葉蓋曆譯而後通也世祖至元八年大理鄯闡等路宣慰司都元帥府遣奇塔特托音等使緬招諭其王丙附至元九年三月緬王恨父阿必故領兵數萬來侵執父阿必而去不得已厚獻其國乃得釋之因知緬中部落之人猶羣狗耳比者緬遣阿的八等九人至乃候視國家動靜也今白衣頭目是阿郭親戚與緬爲隣嘗謂入緬有二道一由天部馬一由驃甸一由阿郭地界俱會緬之江頭城又阿郭親戚阿提犯

在緬掌五旬戶各萬餘欲內附阿郭願先招阿提犯及金齒之未降者以爲引道雲南省因言緬王無降心去使不返必須征討六月樞密院以聞帝曰姑緩之十一月雲南省始報差人探伺國使消息而蒲賊阻道今蒲人多降遣金齒千額總管阿禾探得國使達緬俱安十四年三月緬人以阿禾內附怨之攻其地十七年二月尼雅斯拉鼎等上言緬輿地形勢皆在臣目中矣先奉旨若重慶諸郡平然後有事緬國今四川已底寧請益兵征之帝以問丞相托多爾海托多爾海曰陛下初命發哈喇章及四川與阿爾哈雅麾下士卒六萬人征緬今尼雅斯拉鼎止需萬人帝曰是矣卽命樞密繕甲兵修武備議選將出師五月詔雲南行省發四川軍萬人命雅爾哈領之與前所遣將同征緬十九年二月詔思播敘諸郡及亦奚不薛諸蠻夷等處發士卒征緬二十年十一月官軍伐緬克之先是宗王秦阿克達爾右丞台布參知政事伊克德濟奉詔征緬是年九月大軍發中慶十月至南甸台布由羅必甸進軍十一月桑阿克達爾命伊克德濟取道阿昔江達鎮西阿禾江造舟二百下流至江頭城斷緬人水路自將一軍從驃甸徑抵其國與台布軍會令諸將分地攻取破其江頭城擊殺萬餘人別令都元帥哀世安以兵守其地積糧餉以給軍士遣使持輿地圖奏上一十二年十一月緬王遣其鹽井大官阿必立相至太公城欲來納款爲孟乃甸白衣頭目碍塞阻道不得行遣膽馬宅者持信劄一片來告驃甸土官匿俗乞報上司免軍馬入境匿俗給榜遣膽馬宅回江頭城招阿必立相赴省且報鎮西平緬麓川等路宣慰司宣撫司差二摻持榜至江頭城付阿必

立相忙直卜算一人期兩月領軍來江頭城宣撫司率蒙古軍至驪旬相見議事何必立相乞言於朝廷降旨許其悔過然後差大官赴闕朝廷尋遣鎮西平緬宣撫司達嚕噶齊兼招討使齊喇使其國二十三年十月以招討使張萬爲征緬副都元帥額森特穆爾征緬招討司達嚕噶齊千戶張成征緬招討使並給虎符敕造戰船將兵六千人征緬俾都元帥圖們岱總之雲南王以行省右丞愛魯克奉旨徵金邊察罕迭吉連地撥軍一千人是月發中慶府繼至永昌府與征緬省官會經阿昔甸差軍五百人護送招緬使齊喇至太公城二十四年正月至忙乃甸緬王爲其庶子不速速古里所執囚於昔里怯答刺之地又害其嫡子二人與大官木浪周等四人爲逆雲南王所命官阿南達等亦受害一月齊喇自忙乃甸登舟留元送軍五百人于彼雲南省請今秋進討不聽既而雲南王與諸王進征至蒲甘喪師七千餘緬始平乃定歲貢方物

元史四裔傳

右緬國

占城近瓊州順風舟行一日可抵其國世祖至元間廣南西道宣慰使馬成旺嘗請兵三千人馬二百匹征之十五年左丞素多以宋平遣人至占城還言其王失里咱牙信合八刺哈迭瓦有內附意詔降虎符授榮祿大夫封占城郡王十六年十二月遣兵部侍郎嘉璋達總管孟慶元萬戶孫勝夫與索多等使占城諭其王入朝十七年二月占城國王保寶巨罕囉耶耶南謁占把地囉耶遣使貢方物奉表降十九年十月朝廷以占城國王李由補刺者吾羅歲遣使來朝稱臣內屬遂命右丞素

多等卽其地立省以撫安之既而其子禘的專國負固弗服萬戶何子志千戶皇甫傑使遣國宣慰使尤永賢伊蘭等使馬八兒國舟經占城皆被執故遣兵征之帝曰老王無罪逆命者乃其子與一蠻人耳苟獲此兩人當依曹彬故事百姓不戮一人十一月占城行省官率兵自廣州航海至占城港港口北連海海旁有小港五通其國大州東南止山西旁木城官軍依海岸屯駐占城兵治木城四面約二十餘里起樓棚立回回二稍礮百餘座又木城西十里建行宮學由補刺者吾親率重兵屯守應援行省遣都鎮撫李天祐總把賈甫招之七往終不服十二月招真臘國使色塔默請往招諭復與天祐甫偕行得其回書云已脩木城備甲兵刻期請戰二十年正月行省傳令軍中以十五日夜半發船攻城至期分遣瓊州安撫使陳仲達總管劉金總把栗全以兵千六百人由水路攻木城北面總把張斌百戶趙達以三百人攻東面沙犛省官三千人分三道攻南面舟行至天明泊岸爲風濤所碎者十七八賊開木城南門建旗鼓出萬餘人乘象者數十亦分二隊迎敵矢石交下自卯至午賊敗北官軍入木城復與東北一軍合擊之殺溺死者數千人守城供餉餽者數萬人悉潰散國王棄行宮燒倉廩殺永賢伊蘭等與其臣逃入山十七日整兵攻大州十九日國王使報者來來求降二十日兵至大州東南遣報者回許其降免罪二十一日入大州又遣博思兀魯班者來言奉王命來降國王太子卽後至行省檄召之官軍復駐城外二十二日遣其舅寶脫弄花等二十餘人奉國王信物雜布二百匹大銀二錠小銀五十七錠碎銀一囊爲質來歸歎又獻金葉九節標

槍曰國主欲來病未能進先使持其槍來以見誠意長子補的期三日請見省官却其物質脫弄花
曰不受是薄之也行省度不可却姑令收置乃以上聞實脫弄花復令其主第四子利世麻八都八
德刺第五子利世印德刺來見且言先有兵十萬故來戰今皆敗散聞敗兵言補的被傷已死國主
煩中箭今小愈愧懼未能見也故先遣一子來議赴闕進見事省官疑其非真子聽其還諭國主早
降且以問疾爲辭遣千戶林子全總把栗全李德堅偕往覘之二子在途先歸子全等入山兩程國
主遣人來拒不果見實脫弄花謂子全曰國主遷延不肯出降今反揚言欲殺我可歸省官來則
來不來我當執以往子全等回營是日又殺何子志皇甫傑等百餘人

並元史
四裔傳

右占城

暹國當成宗元貞元年進金字表欲朝廷遣使至其國比其表至已先遣使盡彼未之知也賜來使
素金符佩之使急追詔使向往以暹人與麻里子兒舊相讎殺至是皆歸順有旨諭暹人勿傷麻里
子兒以踐爾言大德二年暹國主上言其父在位時朝廷嘗賜鞍轡白馬及金縷衣之循舊例以賜
帝以丞相完澤荅刺罕言彼小國而賜以馬恐其憐忻都軍譏議朝廷仍賜金縷衣不賜以馬

右暹國

世祖至元二十九年二月詔出師征瓜哇先是遣臣使右丞孟琪往賚其面乃大舉兵西征十二月
福建江西湖廣二省軍會泉州自後諸啟行明年正月水陸並進破其國而還

續通攷四裔
攷元史同

謹按瓜哇在海外視占城益遠自泉南登舟海行者先至占城而後至其國其風俗土產不可考
大率海外諸番國多出奇寶取貴於中國而其人情性語言與中國不能相通王圻續考謂瓜哇
卽古闍婆國則風俗土產馬端臨考具詳之又明史列傳則云闍婆古曰闍婆達宋元嘉時始通
中國唐曰詞陵又曰社婆其王居闍婆城宋曰闍婆皆人貢洪武十一年其王摩那駝喃遣使來
後不復至或曰瓜哇卽闍婆然元史瓜哇傳不言且曰其風俗物產無所考又太祖時兩國並時
入貢其王之名不同或本爲一國其後爲瓜哇所滅然不可考矣

續通考四
高考按語

右瓜哇

世祖至元二十八年遣使持詔諭琉球是年九月從海船副萬戶楊祥請以六千軍往降之不聽命
則遂伐之繼有書生吳志斗生長福建熟知海道利病以爲若欲收附且就澎湖發船往諭相水勢
地利然後興兵未晚乃命祥充宣撫使給金符吳志斗禮部員外郎阮鑿兵部員外郎並給銀符往
使琉球二十九年三月自汙路尾澳舟行四月至澎湖而遷成宗元貞元年九月福建省平章高興
遣人赴琉球國擒生口一百二十餘人

續通考
四高按

謹按馬端臨考載琉球事僅見於隋大業時元史外國傳謂漢唐以來史所不載近代諸蕃市舶
不聞至其國者琉球在南海之東漳泉興福州界內澎湖諸島與彼相對天氣清明時望之隱
約若烟若霧西南北岸皆水至澎湖漸低近琉球則謂之落滄滄者水趨下而不同也凡西岸漁

舟到彭湖以下遇颶風發漂流落際回者百一蓋琉球在外夷最小而險云

續通考四
裔考按語

右琉球

三嶼國近瑠求世祖至元二十年命選人招誘之平章政事巴延等言臣等與識者議此國之民不及二百戶時有至泉州爲商賈者去年入瑠求軍船過其國國人餉以糧食館我將校無它志也乞不遣使帝從之

右三嶼國

海外諸番國惟馬八兒與俱藍足以綱領諸國而俱藍又爲馬八兒後障自泉州至其國約十萬里其國至阿不合大王城水路得便風約十五日可到比餘國最大世祖至元間行中書省左丞索多等奉聖書十通招諭諸番未幾占城馬八兒國俱奉表稱藩餘俱藍諸國未下行省議遣使十五人往諭之帝曰非索多等所可專也若無朕命不得擅遣使十六年十二月遣廣東招討司達嚕噶齊楊庭璧招俱藍十七年二月至其國國王必納的令其弟肯那却不刺木省書回同字降表附庭璧以進言來歲遣使入貢十月授噶扎爾哈雅俱藍國宣慰使偕庭璧再往招諭十八年正月自泉州入海三月抵僧伽 山舟人鄭震等以阻風乏糧勸往馬八兒國或可假陸路以達俱藍國從之四月至馬八兒國新村馬頭登岸其國宰相馬因的謂官人此來甚善本國船到泉州時官司亦嘗慰勞無以爲報今以何事至此庭璧等告其故因及假道之事馬因的乃託以不通爲辭與其宰相不

阿里相見又言假道不阿里亦以它事辭五月一人蚤至館屏人令其官者爲通情實之爲連朝廷
我一心願爲皇帝奴我使札馬里丁入朝我大必闕赤赴算彈華言國主也告變算彈籍我金銀田產妻

孛文欲殺我我詭辭得免今算彈兄弟五人皆聚加一之地議與俱藍交兵及聞天使來對衆稱本

國貧陋此是妄言凡回回國金珠寶貝盡出本國其餘回回盡來商賈此間諸國皆有降心若馬八

兒既下我使人持書招之可使盡降時噶扎爾哈雅與庭璧以阻風不至俱藍遂還噶扎爾哈雅入

朝計事期以十一月俟北風再舉至期朝廷遣使令庭璧獨往十九年二月抵俱藍國國王及其相

馬合麻等迎拜聖書二月遣其臣祝阿里沙忙里八的入貢時也里可溫兀咱兒撒里馬及木速蠻

主馬合麻等亦在其國聞詔使至皆相率來告願納歲幣遣使入覲會蘇木達國亦遣人因俱藍主

乞降庭璧皆從其請四月還至那旺國庭璧復說下其主忙昂比至蘇木都刺國國王土漢八的迎

使者庭璧因喻以大義即日納款稱藩遣其臣哈散速里蠻一人入朝二十年馬八兒國遣僧撮及

班入朝五月將至上京帝卽遣使逐諸途二十三年海外諸番國以楊庭璧奉詔招諭至是皆來降

諸國凡十曰馬八兒曰須門那曰僧急里曰南無力曰馬蘭丹曰那旺曰丁呵兒曰來來曰急蘭亦

解曰蘇木都刺皆遣使貢方物元史四裔傳

右馬八兒等國